



UTL AT DOWNSVIEW



D RANGE BAY SHLF POS ITEM C
39 11 14 08 11 017 9




PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DR
571
.5
S33

Sa'id, 'Ali
Seray hatiralari



سیرا خطره لری

سلطان عبدالحمید خان خانی

محرری
علی سعید

فهرست مندرجات



اعطاف و کرم پادشاهیدن قربان عطایابی .
 مولود آلاپی مراسمی و شکر توزیمی .
 سال جدید عطایابی .
 سوره آلاپی و جلوس و ولادت شهنشاهی .
 خرقه سعادت زیارتی .
 خاقانک افکار دیندارانه سی .
 خیرات و مبرات .
 شمائل پادشاهی و طرز تنبسی .
 اجاب نزدنده کی موقعی .


ییلدیز موقعی ، تاریخچه سی و جلوس عبدالحمید ثانی .
 عبدالحمید خانک حین جلوسنده بهض وقوعات .
 حرم هایون حدیقه سی و دائره لری .
 صورت اغتدال .
 کوندوز اشتغالانی .
 حضور هایونه مثول اصولی .
 پادشاهک غزته مراقی .
 طعام اعتیاداتی .
 امور سیاسیه ده اطواری .
 خوابگاه پادشاهی و اصول نوم .
 رومان مراقی .
 اوپرا مراقی .
 حیوانات مراقی .
 خاقانک کتبخانه سی .
 ییلدیزده کی فابریقه لری .
 ییلدیزده کی سرایلر و مفروشاتی .
 خاقانک موزه سی .
 ییلدیز سرائیک زینکینلیکی .
 اکرام پادشاهی .
 اکرام پادشاهیدن ماه صیام .
 بایرام آلایلری و تبریکات .

طابع و ناشری : باب عالی جاده سننده « جمعیت کتبخانه سی »

[منبر] مطبعه سی

فیائی ۵ غروشدرد

۱۳۳۸ - ۴۰



Digitized by the Internet Archive
in 2010 with funding from
University of Toronto

Sa'īd, 'Alī

سرای خاطره لری

سلطان عبدالحمید خان خانی

Serāy hātīrālār محری
علی سعید


فهرست مندرجات

ییلدیزده کی سیرایلر و وفروشان	ییلدیز موقعی ، تاربخچه سی و جلوس عبدالحمید ثانی
خاقانک موزه سی	عبدالحمید خانک حین جلوسنده بعضی وقوعات
ییلدیز سیرابنک زانکینلکی	حرم هایون حدیقه سی و دائره لری
اکرام پادشاهی	صورت اغذسال
اکرام پادشاهیدن ماء صیام	کوندوز اشتغالانی
بایرام آلایلری و تبریکات	حضور نمایونه مشوله اصولی
لطف و کرم پادشاهیدن قربان عطایایی	پادشاهک غزته مراق
مولد آلاپی مراسمی و شکر توزیعی	طعام اعتیاداتی
سال جدید عطایایی	امور سیاسیه ده اطواری
صره آلاپی و جلوس و ولادت شهنشکاری	خوابگاه پادشاهی و اصول نرم
خرقه سعادت زیارتی	رومان مراق
خاقانک افکار دیندارانه سی	اوپردا مراق
حیرات و برانی	حیوانات مراق
شمال پادشاهی و طرز تانیمی	خاقانک کتبخانه سی
اجانب نزدنده کی موقعی	ییلدیزده کی فابریقه لری

طابع و ناشری : باب عالی جاده سننده « جمعیت کتبخانه سی »

[منبر] مطبعه سی

۱۳۳۸ - ۴۰



DR
571
. 5
S33

صدده شروعدن اول برقچ سوز

محور عاجز بو [سرای خاطره لری] نك . مقدماتی اولجه قسمأ نشر ایتش ایدم . سلطان عبدالعزیز خان جنتمكانك اواخر سلطنتنه متعلق بعض مضبوطاتمله ، سرای هایونه تاریخ انتسابم اولان ۳۰۹ سنه سنده [بیلدیز] ك اووقتکی حالی ، ارکان مأمورینی وسأره حقنده بعض معلوماتی حاوی اوله رق ابتدا ایدن بوخاطر اتده قیوداتم ابحات مهمیه انتقال ایتش ایکن نشریات سگتهیه اوغرادی . مقدمه تحریرده بیان ایتدیکم وجهله بن بوخاطراتی ، حال حیاتمه غزته لرله ویا کتاب شکلنده نشر ایتك اوزره ضبط وقید ایتیبوب ، مآله مه مخصوص یازدیغم سرکاشتمی حاوی دفترلره کچیرمش اولدیغم قیدلردن عبارت بولوندیغندن طرز تحریر کلفتدن وارسته و بناء علیه هر درلو شوائب اغراضدن آزاده در . صحت افادآمه سلطان عبدالحمیدخانك ، اکثریسی حیاتده بولونان بندکائی اشهاد ایده بیلیرم . نقصان وخطا وقوعه ککش ایسه ینه اونلرك اخطار وتصحیح حاتنه عرض افتقار ایلرم . بو قیوداتی نشر ایتك املنده دکل ایکن ، صحایف جرایده انتقالی ، بعض اودای مخالصتمك ابرامیله وقوعه کلوب ، انقطاع نشریاتدن صوکره بودفمه تکرار تحریره ابتدارم دخی ، خاقان مرحوم حقنده دأتما اشاعه ایدیه کلن برطاقم اسناداته قارشو تصحیح ذهابه مدار اولور امیدیه در .

از جمله اسنادات مصنوعه دن ، کچینلرده بر جاریه نك بیاناتنه عطفأ خاقان مخلوعك ، جوارینه بالالتزام یاپدیردیغی ولوله و شمانتلر آردسنده اویقو اویویه بیایوب و کندیلری قاریوله ده یا تمایوب فرنکجه [شه زلونغ] دینیلن یاتاق قنایه سنده اویقو کسیدر لرلر مش ، طرزنده ، غزته صحیفه لرینه کچیریلن وحقیقت وطبیعته توافق ایتمین حکایه لر دخی ا کسیک دکادر .

طبع بشر ، سکونته خوابه مائل و شمانته بیدار اولمق محقق ایکن بر جاریه نك اورتهیه بودرجهده مخالف طبیعت بر روایت چیقارمه سی ایلریده محل مخصوصنده تفصیل

ایدیله جکی وجهله دیگر روایتلرینسک دخی خیالی اولدیغنه و بو جاریه نك قطعیا خدمت شاهانه ده بولونمادیغنه دلیل اوله بیلیر. زیرا نسوان ، ذکور، خاقان مغفورک خدمتمنده بولنمش اولانلرک تصدیقنه اقتران ایده جکی اوزره ، کندیسى ، اویقوده و حال بیداریده مائل سکون و سکونت اولوب خوشنیدن محتجب و اکثریتله اعصابنه حاکم و وقور ایدی .

عبدالحمیدک ، حرم سراینده ، خوابگاهنی کوره چک درجه ده خدمتمنده بولونان قادینلر ایسه ، قرقلق ، الیملک یاشلی ، امکدار و بویوک برتریه کورمش و حده نجر به دن کیرلمش آغیر باشلی [خزینه دار اوسته] و [نوبتچی قلفه] لردن متشکل اولوب بونلردن غیری هیچ بر قادینک اورایه تقریبی جائز اولامازدی . چونکه طبع و سوسه کاریسی غیر مجرب ، جولوق و چوجوغک تقریبه مانع ایدی .

ذاتاً کندیسى ؛ نصفی حرم و نصفی سلاملق اتخاذا ایلدیکی ، منفرد بر سرایده آرام و اقامت ایدوب دوائر و حجرات کثیریه انقسام ایدن بوسرایک ، مرادفاً آرقه سننده یشایان مخدرات دخی هر طرفی کز مکّه و کورمکه مأذون دکلدی .

سلاطین و شهزادگان ایسه والدملری قادین افندیلر حضراتیه آیری سرایلرده مقیم اوله رق ، طرف شاهانه دن دعوت و امر اولونمادیجه اولنرک دخی بوسرای زیارته صلاحیتی یوق ایدی .

بونلری ، قیودات آتیّه بزه ارانه و اثبات ایده جکندن تفصیلاتی محلیه ترک ایله سوزره بوراده ختام ویره لم .



سلطان عبدالحمید خانک حیاتی

بیلدیز موقعی ، تاریخچه سی

و

جلوس عبدالحمید ثانی

[بیلدیز] موقعی ، بشکطاشدن اورته کوبه قدر بعضاً مستوی و بعضاً ، تلال و وادیلردن متشکل اراضی متسعه و مرتفعه اولوب ، نشان طاشی ، بک اوغلی ، استانبول واطه لر ، اسکدار و چاملیجه شواحق و حبالندن بدأ ایله بوغازک وانی کوبینه قدر نظارتی شامل بر موقیع مفرح و مستنادر. زروه لردن اینن بروادی ایله بو اراضی چراغانه منتهی اولور . بوراسی ، سلطان سلیم ثالث زماننده احراز اقبال و اشتهاره باشلایوب خاقان مرحوم ، یاپدینی اشعاری و بسته لیدیکی نشانندی بورانک سالخوردده و متنوع اشجار سایه داری آرهلرنده سویلر و سویلتور ، دیکلر و اکثریتله بوراده تفرج ایدر مش .

سلطان محمود خان ثانی دخی سلفنک تأسیس ایتدیکی کوشکری توسیع و تعمیر صورتیه رغبتی اظهار بیوروب موقیع مذکورده کومه فصللری اولور و اندرون خلغنه جرید و طوماق کی ادمان او یونلری اوینادیر مش .

بیلدیز موقعنک براز اوته سننده ساجدارلری علی اغانک اشترا ایدوب حالا اونام ایله یاد ایدیلاں چیفتلیکه دعوتله تشریف لرنده ، اولجه ساز طاقی و جرید و طوماق او یونجیلری [بیلدیز] کوندریلیر (۱) بعدده پادشاه طوب قپوسر ایندن مطلق [بیلدیز] ه اوغرایه رق اورانک لطافتدن استفاده ایله ، ساز اربابی و سائر لرینی بالاستصحاب چیفتلیکه کیدرلر ایمش . عبدالحمید خان دخی بو جای فرح زایه رغبتده اسلافنه تبعیت بیور مشلر ، حتی [بیلدیز] ک چراغانه اتصال ایدن [مجیدیه] قاپوسی اوکنده کی ، طرز معماریسی دلنشین کار کیر [مجیدیه] جامعنی انشا بیور مشلردر که : اکثری جمعه سلاطیندن اول بورای تشریف ایله جامع مذکورده صلاة جمعی ادا بیورلر ایمش .

(۱) الیاس افندینک (اندرون تاریخی)

سلطان عبدالعزیز خان بورایه رغبتده دها ایلری کیدوب اسلافک انشا کرده سی اولان
 اخشاب قصرلری هدم ایله حالا [حمیدیه] جامعنه ناظریشیل پانچورلی بویوک ماین دنیان
 جسم کارگیرکوشکی و اوجسامته قریب اورتہ کوی طرفنده [مالطہ] کوشکنی و [چراغان] -
 منتهی روادیده جسم برکول واونک کنارنده مختصرجه ینہ کارگیر [چادر] کوشکنی انشا
 واحداث ایتدکاری کبی ییلدیزده جسم تیمور جامکانلی قیش باغچه لری ، آرسلان و قیلان ،
 فیل ، جمودی حیوانلر و سائر وحوش ایچون تیمور قفسلرله بولونش مکانلر و هراقلمه
 مخصوص بویوک و کوچوک طیور ایچون تل بولملر داخلنده یووالر و اشجار مصنوعه
 آراسنده درلو قفسلرله ، اضداددن متحصل جنس لری تشدیرمک صورتیلہ [ییلدیز] ده
 اوروپا حیوانات باغچه لرینہ معادل اساسی بنالرو وجوده کتیرمشلردی ، حیواناتک طبیعتلرندن
 آکلار برحق آدم لراستخدام ایدرلردی . هرکون برحلی زیارت معادلری اولان عبدالعزیز
 خان ینہ اکثریتلہ [ییلدیز] باغچه سفی زیارت ایدر . اوراده پهلوان کورشیدرر ، قوچ
 و خروس دوکوشدیرلردی .

سلطان مراد خان خامس جلوسی متعاقب علت دماغیه مبتلارنده اوزمانک وکلاسی
 خاقان مشارالهی بشکطاش سرایندن [ییلدیز] - نقل ایتدیلر . علت ، دواپذیر اولامایهرقی
 اشتداد ایلدیکی کورلمکله ، ینہ او وکلا پادشاهی خلعه قرار و یروب ولی عهد بولونان
 عبدالحمید خانی جمیلہ سلطانتک زوجی اولوب اوزمان تجارت ناظری بولونان محمود جلال پاشانتک
 قره دکنز بوغازی آغزنده کی چفتلکنه خفیاً جلب ایله اوراده جلوس مذاکرملری اجرا
 ایدیلور ، پادشاه مستقبلہ زمانک وکلاسنک خلوص و خصوصیتلرینی و بعض تعلیماتلرینی تبلیغ
 ایلرلر ایش .

ملاقاتلر ، تعلیماتلر و ترتیبات یولنده اما ، مترجم رشدی پاشا وکلاسی رفقا سنہ .

— جانم [جانم اوله جق مشارالیه نونلری غین صورتنده تلفظ ایدرمش] دها دون
 بر جلوس وقوعه کلدی . بونی فصل یاپه جقز . واهالی نک هیجاننه نه تدبیر ایدہ جکز !
 دیرمش داخلیه ناظر اسبقی مدوح پاشا اولوقت صدارت مکتوبجیبی بولونیورمش ..
 استحصال اذن کلام ایله :

— افندم معزولین ارکان واکا بردواتی بوسنه هر سک و صربستان مسئله سفی مذاکرانی
 وسیله سیله باب عالی یه دعوت ایدرز . ولی عهد عبدالحمید افندی نی کیجه دن بشکطاش

سرایندن (۱) طوپ قاپو سراینه جلب ایله سزلرده اوراده بولدورسکنز . بنده باب عالیده
قاله رق مدعوینه :

[— افندم ! باب عالیده وقوع بولان مذاکرات اکثری خارجه ترشح ایدیور
وکلا ، طوپ قاپویه نقل مجلس ایتدیله اورایه بویورک سزی بگله یورلر] دیهرک سوق ایدرم
باب عالیدن طوپ قاپو سراینه قدرده عسکر دیزیلور ، بو عسکر قرالتیسی ایچندن کچنلر
بالطبع عودت ایدمه یوب [فیه وفاقه] دیهرک کچرل ، طوپ قاپو سراینه ورودلرنده
[بیعت] تکلیف ایدیور ، اول حالده رد بیعته کیمک جیسارتی اولور .

مکتوبچی ممدوح بکک [ممدوح پاشا] بوفکر وتدیبری ، مترجم رشدی پاشانک
خوشنه کیدرک :

— آفرین ممدوح بک صاحب تدبیر ایمشک ، دیهرک پسند ایله بیعت سهولتله اجرا
اولونور . و مدعوینک آرقه سی آلینجه ، ممدوح بک دخی بیعت شتاب ایدر . اولنک انای
بیعتده تحت یاننده نزد شهریاریده بولونان مترجم رشدی پاشا ممدوح بکک بالاده ذکر
اولونان تدبیرتی ایراد ایله :

— افندم ممدوح بک قولسکنز بو وجهله تسهیل وتدبیر جلوس ایلدی دیدکده
ذات شاهانه نک :

— ممنون اولدم ممدوح بک ، بزده نحت سلطنتده اولدقجه سزه همتده قصور ایتمیز .
بیوردقلری ممدوح پاشا نقل و حکایت ایدردی .

ایشته شو وجهله وقوعه کلان جلوس عبدالحمید خان ثانی اوزرینه سلطان مراد ، [اگر
سالم عوارض اولدینی حالده خلع ایدلدیسه] مسئولیت اوزما ملک و کلاسنه عائد اوله رق
پادشاه ییلدیزدن جیراغان سراینه نقل اولونور .

سلطان عبدالحمید ، شهزاده لکینده [طرایسه] اوزرنده کائن [ماصلاق] و کاغذ -
خانه ده کی کندیسنه مخصوص قصرلرده یینیجیلک ، و آتخیلق ، مسید و شکار و صنایعه اشتغاله ،
رطوبتسز یرلرده تنها نشین و آسوده افکار اوله رق آشدقلرندن ولی عهدک زمانندن بری
کنترلدیکی بشکطاش سراینک رطوبتلی هواسیه امتزاج ایدمه یوب ، شهزاده لک زماننده
زیارتله اسلافنه امتثالاً رعایتکار اولدینی [ییلدیز] . نقل مقرایلیکی عزم ایله موجود قصرلر

(۱) سلطان عبدالحمید زمانندن بری ولی عهدک بشکطاش سراینده کوز اوکنده طونوله لری
قاعده اتخاذ ایدلش ایدی .

حرم هایونله اقامته صالح اولمادیغندن در آن شمیدیکی ییلدیزك حرم حادیقه بی موقعه
اخشاب بر سرای احداث وانشا و پادشاه ساحل بشکطاشدن او یوکسك موقعه نقل
و ارتقا ایله دی .

✱ ✱

عبدالحمید خانک حین جلوسنده بعض وقوعات

سلطان عبدالحمید خانک حین جلوسنده دولت عالیه نك باشنده مهم غائله لر واردی .
سلطان عبدالعزیزك خلعندن براز اول بوسنه وهرسك اختلالی ایله باشلایان بوغوائل صربستان
و قره طاغك رسماً اعلان عصبانیه سرغمای ظهور اولارق مایس ۱۲۹۳ ده دولت بوحوالینده
حرب و ضرب ایله مشغول ایکن مشارالیه ۱۹ آغستوس ۲۹۳ ده جلوسلرینی منعاقب .
خیلی زماندن بری محاصره آلتنده بولونان [آلکسانیه] و [دییغراد] قصبه لری ضبط
اولونه رق صربلر تلاشه دوشمش و بوموفقیت پادشاه جدیدك ین قدومنه محمول اولش
ایدی .

فقط هب بو غوائلی احداث ایدن روسیه دولتی تك طور امیور ایدی . روم ایلینده
اصلاحات اجرایی تکلیفیه آلتی دولتك مرخصلرندن مرکب استانبولده بر قونفرانس عقد
ایدیلوب طرف دولتهایه دخی صفوت وادهم باشلر بو قونفرانسه مرخص تعیین فلندیلر .
غریبدرکه اصول استبدادك الغاسیله مشروطیتی اعلان ایدن خطهایون دخی قونفرانسك
یوم عقدنده باب عالییه ورود ایتش ایدی . وقانون اساسی اوکون طوب طراقلریله اعلان
اولیوردی . [۷ ذی الحجه و ۱۲ کانون اول ۲۹۳] اوچ کون صوکره بوروز بدیدی
عیداضی تبریکلری قارشوله دی .

۲۵ ذی الحجه ۲۹۳ تاریخنده شانلی وقهرمان سرداریمز عبدالکریم پاشانك صربستان
مظفربتنی تبریک ضمننده مجارستان دارالفنونی طلبه سی وداعتیله مجارستان اهالیسی طرفندن
ارسال و اهدا اولونان سیف مرصع ، استانبوله گلش ایدی .
برآیک ایچنده اوچ درلو ، وسائل سرورك توایسی ایله تشییط قلوب ایدن اهالی
درسعادتده انعقاد ایدن قونفرانسك ، استقلالیزی اخلاص ایدن مذاکراتندن خبرداردکالر
ایدی .

طقوز اون دفعه انعام ایدن بوقونفرانس بولغارستانده ایکی ولایت ممتازه تشکیله و بو ولایات ممتازه والیارینک آلتی دولت طرفدن موافقی شرطیه بو والیارک خریستیانلردن تعیننه و تخصیص اولونه حق ویرکو ایچون ، یالکیز برقسمنک خزینیه اخذیه اصلاحات حقننده ینه مختلط برقومیسون تشکیله وروم ایلی جهتمده مهاجرین چرا کسهنک اسکان ایدلمهسه قرار ویرمشلردی .

روسلرک، تابعیتدن عدم خوشنودی ایله هجرت ایدن چرکس ورنبده تاتارمهاجرینک مقداری آنجق برملیونه قریب ایدی . بونک ربی یولارده آچلقدن سفالتدن هلاک اولورق متباقیسی ممالک عثمانیه به مواصلت ایده بیلدی . بونلرک قسم کلیسی آناطولی به یرلشدیرلدی . قالان قسم جزئیسی ، روم ایلمه کی ، ملیونلرجه اسلاو عناصرینه قارشو نه حکمی حائر ایدی که روم ایلمده بونلرک اسکان ایدلمه مه می ، قونفرانسک ، اعظم احکام قرارندن بولونیوردی ؟

استقلال دولتی خلمدار ایدن بوقرار واقعا مجلس عمومی مقرراتیه رد ایدلدی . فقط [ورق مهروفانی کیم او قور کیم دیکلر .]

بو رد و ممانعتک عقیب تبلیغنده روسیه دولتی ، صربستانده دولت علیه نک موفقیتی کوردرک ، سریعا صربیلرله مصالحه تکلیفنده بولوندی .

روسیه نک تسلطات متبادیه و متوالیه سندن بر مسئله حدوثنه امکان ویرمه مک اوزره ، صربستانک بقای حال سابقه قرار ووروب ترک مخصوصه ایلدیه ده روسیه لولر احداث نزاعه وایقاع فائله یکی ، یکی وسیله لر تدارکندن خالی قالمیورلردی .

وفناکه : مجلس اعیان و مبعوثانک ، قانون اساسیده وعد اولندینی اوزره رسم کشادی اعلان قلندی [۶ مادت ۲۹۴] .

برقاج کون صکره ، بومساری ده ، افلاق و بغداد یعنی شمادیکی رومانیا نک روسیه لیلره تبعاً باش قالدیرمه لر تعقیب ایتدی .

بوده روسیه لولرک اثر تشویق و ترتیبی اولقله برابر ، دیگر طرفدن اروپا دولتلرینی اغرا ایله ؛ بوسنه ، هر سک و بولغارستانک اصلاحاتی و روسیه یه قارشو ، حال سفر بری به آلتش اولان عسا کر عثمانیه نک در حال و بالا خرده روسیه دولتی سفر برار دولرینک ترخیصی ضمننده [پترسبورخ] ده مذاکره اولونماسی ایچون اروپا دولتلرینه برپروتوقول تبلیغ ایتدی .

چونکہ : آناتولیہ عساکر عثمانیہ روسیہ قارشہ احرار موفقیانہ باشلامشدی .
دولتہری اصلاحات بہانہ سیلہ ، پروتوقولار تبلیغہ مشوق اولان روسیہ دولتی ، نہایت
۷ نیسان ۲۹۴ تاریخندہ اعلان حرب ایتدی .

انکلتراہ دولتی ۱۸۵۴ معاہدہ سنہ مفایر اولہرق روسیہ لوری بویلہ خود بخود اعلان
حرب ایتسینی پروتستوایلدی ایسہدہ برتانیہ حصولہ کتیرمہدی .

متعاقداروسلر ، بلامشکلات [اردھان] استحکامنی ضبط ایتدیلر [صخوم] دن ایلرلہ ملک
اوزرہ ترتیب اولنان قوای عثمانیہ دخی برایش کورہ مدیکی مثللو ، روسلر روم یایلدہ دخی مدافعہ
کورہ میرک طونہ نک بو طرفہ کچدیلر . واقعا قوای عثمانیہ بر قسمی قرہ طاغدہ ایلرولہ یرک
[چتہ] بی تہدید ایدیور ایسہدہ روسلر حق بلا مقاومت [طرنوہ] موقع مہمنی طوتدیلر
[۱۵ حزیران ۲۹۴]

واقعا ، آناتولیجہ تک ، توك مظفریاتمز اولویورسہدہ روسلر ، بولغارلرک معاونتیلہ
قوجہ بالقانی دخی کچہرک [زغرہ] لرہ قدر طیانیدیلر . آناتولی مظفریتلری دہ احمد مختار
باشانک [قارص] دہ ہزیمتیلرلہ مبدل مہرات اولدی .

آرتق بو حرب ، قوماندانلریمزک نقصانی ووقوف وحرکاتی یوزندن مشہوم برشکل
آلش ایدی .

روسلر غازی عثمان باشانک پلونہدہ کی مدافعہ قہرمانانہ سنہ رغماً ادرنہ یہ قدر کش
اورادہ کی قوای مہمہ وکلیہ مز دخی بوزیلہرق [کلیولی] بہ طوغری چکلمہ لرلہ روسلر
شباط ۲۹۵ تاریخندہ آیاستفانوسہ قدر کلیدیلر واورادہ اضمحلالمز دیمک اولان [آیاستفانوس]
معاہدہ صاحبہ سنی امضا ایتدیردیلر . پادشاہک نفسی تشبث و تدبیریلہ انکلیز دونائمانی دہ
آق دکن بوغازینہ قدر کلدی .

بوقراخانہ اق وغائلہلر آرمہ سنہ داخلہ دخی حادثہ ظہورہ کلیوردی . [علی سعاوی]
نامندہ بری بعض رفقای مفسدتیلہ دکن طرفندن نوبتیلری قتل ایدرک سلطان مراد خامس
حضر تہرینی تکرار اجلاس ایلہ ملک اوزرہ [چراغان] م کیردیلسہدہ مومی الیہ [سعاوی]
ودھا بعضیلری ہان اورادہ امحا اولوندیلر .

انکلیزلر ، روسیہ نک دولت علیہ ایلہ خود بخود مصالحہ سنی عدم قبولہ اصرار ایلہ
ایشی اوروپاک مداخلہ سنہ وضع و [برلین] دہ برقونفرہ عقدیلہ معلوم اولان [برلین]
معاہدہ سنی تنظیم و امضا ایتدیردیلر .

ایشته سلطان عبدالحمید [ییلدیز] سراینه نقل ایتدیکی زمان دولت عثمانیه بویله آیم
بروضعیت ایچنده ایدی .



حرم هایون حدیقه سی و دائر لری

پادشاه ییلدیزه نقل مکان ایدنجه حرم اتخاذا ایلدیکی موقعی بر سوار یله سلامقدن
تفریق ایتدی . فقط بوموقعك اتساعی ییلدیزك سلامق قسمندن زیاده در . [ییلدیز] ،
هیئت عمومیه سیله اولجوده بیان اولوندینی وجهله : زروملر تختنده وادیلر . ، درلو اشجار
سال خورده ایله برمشجره دلربا اوله رق ، زروملر تختنده کی وادیلر هبوب باد سرددن
مصون بولونمقله ، قیشلری ییلدیز کترله آوطوتار بریدر . سلطان عبدالحمید بومخلده
یرلشدکن صوگرا [جیلان] وسائر اولاناجق حیواناتی ده تلرله تفریق ایتدیکی محللره
صالحه صورتیه بر اقدیرر . بوصورتله طبیی وصنی وشکارگاهده سلطان عبدالحمید دائره
حرم سرایندن چیقار ، دائما اولانیر ایدی .

بروجه محرر حرم وقصر هایون اوزمان ، انشا ایتدیردیکی بر سرای وسیعه انحصار ایدر
ایدی . صکره سلاطین وشهزادگانك تولداتیه خدم وحشم آرتوب اوکا کوره آرو آرو ،
کارگیر و اخشاب متعدد سرایلر انشا ایتمشلردی . بالآخره ، قادین افندیلر و شهزاده لر
بو آرو سرایلره چیمقاریاوب سلطان حمید خدمتکاران و کوزده واقبالرله بر سرای منفردده
اقامت ایدردی . محل مخصوصنده ایراد قلنه جنی اوزره پادشاهك اشتغالاتی بو حرم سوری
داخلنه انحصار ایدردی .

حرم حدیقه سی دینلنجه ، بلاوقت ومساعده بو حدیقه ده و حرم وسلاطین وشهزادگانك
تفرجه ماذون اولدینی آکلاشلماسون ، او حدیقه بلکه پادشاهه محرم اولمقله حرمدر .
بر حدیقه ، ایکی جبل آرسنه جسیم برسد چکیله رك خاقان مرحوم طرفندن
کنیشلمتدیرلشددر . کیز کول دخی بوسدله برابر انشا اولونمشدی .
قیش باغچه لری ، لیونقلر و ترفنده لقلرله بعض حیوانات مکانلری دخی بوباغچه ده
بولنوردی .

کول اعوجاجیه برابر خیلی مسافه طوتار وجاجا آطه جقلر و صندال ، پیاده ، کوچوک

قوطلره کی مراکب و برموتور یوزدیریلور ایدی . کولک ساحلی طییعی برصورتده جنلر
وسایه دار بعض آغاچلرله محاطدر . بو حقیقه نك متعدد قاپولری وار ایسه ده مسدود کی
اولوب اصل ایشلاک اولان باب حقیقه سلطنت قاپوسنك قارشوسنه تصادف ایدر .
قاپونك خارجنده بکچی تفنکچیلر ، بعض بنده کانه مخصوص دائره لر اولدینی کی قاپو
داخلنده بکچی و تفنکچی اوطلری واردر .

بو قاپو صاحلی ، امیرپادشاهی ایله آجیلر و کیجه یینه اراده ایله چوریلوب ایچرودن
کایدانوردی . مستعجل کاغد ورودنده وایش ظهورنده طیشاروده نوبچی تفنکچیلرک
اخباریله قاپو آراق ایدیلوب ایچروده کی بکچیلر طرفندن یینه چوریلوردی . [۱]

خنکارک مقری اولان سرای منفردی دیگر حرم سرایلرینی ستر ایتک صورتله بو
قاپونك جبهه سنه تصادف ایدر . مقر پادشاهی دخی حرم و سلاملق متعدد دوائر اقسام
ایلر . حرمده خزینه دار اوسته لر ، [۲] کاتب قالفه لر [۳] نوبچی قلفه لر [۴] و تطهیراته
مأمور جوارى [۵] و اونلرک عجبیلری [۶] و اقبال و کوزده لر [۷] بولنور .

بونلرک جمله سی نفس شاهانه یه مخصوص خادمه لر اولوب دیگر حرم سرایلرنده کی
قادین افندیلردن وهله ، رشید اولان شهزادکاندن مجتنب بولونورلر . ذاتاً خنکارک سرای
منفردینه بلادعوت کیرمک هرکس ایچون ممنوعدر .

بوسرای منفردده کی دوائر منقسمه دن دیگر دائره لر آمدو شد دخی دعوته وجلبه

[۴] سرای اساننده ، قاپو ، قاپانور ویا سد اولونور بوقدر . چوریلور (درلر .
[۲] خزینه دار اوسته لر ، اونوز بش قرقلق ودها زیاده سرایده بوبومش ، تربیه کورمش
و تخریه دن کیرلش ، امکدار قادینلردر . بونلر باشلرنده ایکی طرفه صالیورلش طاقه صاچ اورکولری
والرنده آلتون صایی قیرباجله ساتلردن تفریق اولنور . خزینه دار اوسته لر سرائک ضابطه مأمورلر بدرلر .
[۳] طرف شاهانه دن خارجده و داخلده کی سلاطین و ساتر حرم ارکان اکا برینه نیلغات تخریه ده
بولنورلر .

[۴] خدمت شاهانه یه آیرلش یینه یاشلی و آغیر باشلی مجرب و امکدار قادینلردر . خزینه دار اوسته لر
بو قالفه لر زر و زیور ایچنده مستغرق کوزلر ،

[۵] تطهیراته مأمور جوارى دخی اوتوزدن قرقه قدر مکفل خادمه لر اولوب بونلرک یشد برمک
اوزره تحت تربیه لرینه ویرلش کنج قزلر بولنورکه اولنرده عجبیلر دینیلر .

[۷] اقبال و کوزده لر ، فراش شاهانه یه مخصوص طوغورملش جواریدر . بونلرکده دائره لرده
خدمتچیلری و مائره سی واردر .

متوقفدر . باخصوص ، خنكارك اقامت ایلدیکی محله و خوابگاهنه کیمسه‌نك تقریه صلاحیتی بوقدر .

یالکیز خزینه‌دار اوسته‌لرله نوبچی قلفه‌لر ، لزوم اوزرینه هر دایره‌یه کیروب چیقارلر و خنكارك بوسرای منفردنده خدمت شاهانه‌ده بولونان قادینلر برای حرمت دائماً آهسته‌رو اولدقلرندن بوراده بویوک برسکون و سکونت ، آداب حکمفرمادر . شویله‌که ، پادشاهك سسندن باشقه ، سربست برصدا ایشیدیلر .

نفس شاهانه‌یه مخصوص اولان بوسرای عالی‌نك سلامق قسمنده بیاض وزنجی مصاحیلر [۷] سرای بکجیلری [۸] بالاخره قره‌کچیلی عشرت‌بندن جلب ایتدیکی محافظلر [۹] بولونور . بوسلامق دایره‌سینه کوچوک مابین دینلور ، صاحبین اذن پادشاهی ایله حرم باغچه‌قاپوسی آچیلدیغی وقت پادشاهك اویقودن اویاندیغی منقهم اولور . بناءً علیه کیرمك صلاحیتی اولانلر باغچه‌یه و دایره‌یه همایونه کیره‌بیلیر .

پادشاه بك ایرکن بیدار اوله‌رق دوشنی‌یایار ، آبدست آیر ، صباح نمازینی ادا وتلاوت قران و اوراد ایله ایشه باشلار .

صورت اغتسال

خاقان مرحومك ، غایت خیالری غالب بولوندیغندن دوشده واستحمامده کیمسه‌ینی نزدیقه قبول ایتیه‌یوب ، چاشورینی کندی چیقارر و کندی کیر ایش . شوصورتله سلطان حمیدك کیمسه طرفندن عربان کورنده‌دیکی وحقی چورابلیغی دخی کیمسه نزدنده چیقاروب کیمه‌دیگندن ایاقلرینك بیله کوروله‌مش اولدیغی سنه‌لرجه خصوصی خدمتده بولونانلردن منقولدر .

کوندوز اشتغالاتی

سلطان عبدالحمید صباح نمازینی وجناب حقدن معتاد اولان نیازی ادادن صوکره‌قهوه

[۷] کیلارجی ، سجاده‌جی باشی ایرقدار و سائره‌کی بولر مصاحبین ممدوددر . نوبله کیمه‌لری قالیدلر . زنجی مصاحب اغارده نوبت طوتار . وظیفه‌لری اسر تبلیغدر .

[۸] سلامق جهتك تطهیر مأمورلیدر . جمله‌سی کامل ، گازکدار کیمسه‌لردر .

[۹] ارطغرله غازی ایله تورکستاندن کلوب بروسه حوالیسندن سکودده یرلشمش و حالا اوراده مسکون برعشیرت خلق اولوب توانا اندام و صاحب تمکین ، وظیفه‌لرینه مقدم شجیع کیمسه‌لر ایدیلر .

آلی ایدوب و قهومی اچوب بر کون اولدن متداخل و کیجه کش اولان مستعجل اوراق قرائت و تدقیقه قویور. بدایت جلوسده بوکی مشغلهلر اندر اولورمش . چونکه اوزمانلر هر ایشه بالذات مداخله ایتزمش .

قدری پاشا ، صفوت پاشا ، عارفی پاشا ، ادهم پاشا و خیرالدین پاشا کی ، ناموسلی مکین و صاحب علم و عرفان ، عالم سیاسیده صاحب مسلک ذواتی صدارتده ایتدیکی زمانلر پک راحت ایدر و حتی ممنونیتی کنندیسیده اظهار و بیان ایدرمش .

لکن مؤخرآ یاواش یاواش وکلا ورجال آرمسنده کی حس رقابت و یکدیگری چکمه مزملک یوزندن فتنه لر ، انترقه لر میدان آلفه باشلامش و رجال آرمسنده موقع صدارته کچن بعضیلری ، زمان مأموریتلرنده باب عالیده ، ایش قایناغی محملره یرلشدیریلن واسطه لر ایله مصالح دولتک جریان اخلال و پادشاهی توهم اتمش و همراهی شده تردد و اندیشه یه اوغرا تمش ، الفا اولونان و سوسه لرله اموردواتی بالذات تمشیه سوق و اجبار ایله مشلردر . صدراعظم لر ، باب عالی یه کیدر ایکن هفته ده ایکی کون قوشلق و قتلری سرای هایونه اوغرایه رق بالواسطه و یا حضور پادشاهی یه چیقمق صورتیله عرض عبودیت و بوضره بعض مهم اموردن معلومات ویرمک اصولدن ایکن بعضیلری بوز یارتلری برر وسیله ایله تکثیر و پادشاهی درلو و سوسه لرله دوچار ایدرلرمش . حتی رکون پادشاه ، سوکلی مرانغوز خانه سنده مشغول اعمالات ایکن ، صدر زمانک یوم مخصوص زیارتی اولمایان برکونده ایکندی و قی هرودی خبر ویریلور .

پادشاه دوچار تلاش اوله رق نزدنده بولونان سود برادری اثوابچی باشی عصمت بکه : — افندی ! کیت باق ته وار ؟ وقوعات فوق العاده می ظهوره کلدی ؟ امریله صدراعظمه اعزام ایلر . صدراعظمی کوروب عودت ایدن عصمت پک :

— موجب تلاش و اندیشه برشی ظهوره کله مش و حتی ایشلرک آزانی حسبیلله باب عالیدن ایرکن چیقلمش ، مشتاق اولدقلری بارگاه هایونه کشلر . دییه خبر کتیر نجه پادشاه : — اوف یوره کم آغزیمه کلدی . بوکون ده آقشام اولدی برایش کوره مه دم . . چاره سز کنندیسی قبول ایتلی !

افاد آیه هیچده خوشنود اولمایه رق استغالاتی ترک ایله صدراعظمی کورمش اولدقلری میومی ایله عصمت پک متأسفانه سویلردی .

یوحکایه لر پک اوزون و مزعجدر . واصل پادشاه ، درلو سبیلرله بارثقیل دولتی

سراینه چکمش و کندیسنی تحمل ایتمش ایدی . بزینه صددی تعقیب ایدم !
 کشاد باب حدیقه حرم امر ایدیلوب پادشاهک بیدار اولدینی و ایشه ایتداری منقهم
 اولونجه خاقانی زیارته صلاحیتدار اولانلر ، دائرة هایونه آمدهوشده باشلار .
 قرنا ، بوبوک مابین دنیان [حمیدیه] جامعنک قارشوشنده کی کارگیر بناده وکاتبلر باش
 کتابت دائرة سنده کجهلری نوبته ، وکوندوزلری جمعیسی علی الصباح حاضر اولوق صورتیه
 بیتوت ایدرلر . قرنا ایسته دکاری ولزوم کوردکاری وقتده حضوره چیه بیلوب کاتبلر
 بومساعدیه مظهر دکالرایدی ،

حضور شاهانه به مثول صورتی

باب حدیقه آچیلنجه ذات شاهانه [فقط ایش ضمننده] کورمک ایستین ارباب
 صلاحیت ، نشیمنگاه خاقان اولان دائرة کیدر ، اوراده برنوبت اوطه سی وارد که بیاض
 وزنجی مصاحبردن نوبتی اولانلر محل مذکورده حاضر در . زائر ، پادشاهی کورده چکنی
 مصاحبانه بیان ایدر ، اولورده کیدوب عرض ایلرلر . اکر قبول اولونورسه در حال ویا
 برمدت صوکره حضوره گیریلور . پادشاه صبا حلری بوصورتله بریاندن تدقیق اوراق
 بریاندن قبول زوار ایله مشغول ایکن باش کاتب ، دون آقشامدن گلش اولان باب عالی
 تلخیصاتی و حاکماری امر واراده سیله یازیلوب حاضر لاش اوراق بالاستصاحب اوده دیگر
 زوار کی نوبت اوطه سینه عزیمتله ینه مصاحبان واسطه سیله حضوره قبولی استیدان ایدر .
 در آن حضوره قبول ایدیلوب اوراق مستصحبیه باقیلور واراده لری آنلور .
 باش کاتبلر حضورده ایکن ، پادشاهی کورمک ایچون گلش اولان دیگر زواره مصاحبان
 — حضورده باش کاتب وار شمدی عرض ایدم چیقسوننده صوکره . جوابی
 ویریلر .

باش کاتبه معاملات رسمیه نک رؤی ایشاده نوبت اوطه سی ترجمه لر وسائر اوراق
 وارده ایله طولار . ذاتاً آقشامه قدر بو مواردات دوام ایدر .

غزته صراقی

اوروبانک رسمی و رسمیه مشهور غزته لری سرایه کایردی . بونلرک مندرجاتی میاننده
 حکومت عثمانیه تعلق ایدن ویاخود اوزمان جریان ایله بین وقایع مهمیه متداثر بولسان

مواد، ترجمہ ایدیلوب تقدیم اولونوردی. سلطان حمید بونلرک کافہ سنی دقتلہ اوکور، تعقیب ایدہ جکی خصوصاتی آیسر. رسمی غزتلہری برر برر کوزدن کچیر، نظر دقتی جلب ایدن رسملر حقنہ یازلش اولان مقالاتی ترجمہ ویر.

ترجمہلر یالکیز غزتلہی انحصار ایتمز. سلطان حمید اجابدن دخی هریرده رسمی، غیر رسمی احباب ایدنمش ایدی اونلر طرفندن اخطار و اخبار خصوصاتی دها اہمیتلہ تدقیق ایدر و ایجابی ہرنہ ایسہ درحال توسل ایلر. البسہ، چاشور، سلاح ادوات فنیہ قتالوغلری دہ کتیرتیر ایدی. و اوقدر مشاغل آردسندہ اونلر دہ باقاردی.

چاشیر و البسہ کی شیلری؛ حالا زمانمزدہ تجارتخانہلری باقی بولونان بک اوغلانک بعض مشہور مغازہلری واسطہلریلہ سائر ادواتی دہ متخصص ذوات معرفتیلہ جلب ایتدیرردی. برلی غزتلہلری دہ کوزدن قاچیرمازدی. الحاصل قدرت بشرک یتیشہ میہ جکی صورتدہ مختلف مشاغل ایلہ هرکون وقت مخصوصندہ اوغراشمہنی معناد ایدنمشدی.

حرب و یا سائر برغائلہ ظہورہ کلیرسہ کیجہ صباחרلہ قدر او یوماز وایش کوردیرہ جکی آدمہلری دہ او یوتمازدی. استراحت زمانی، یمک و قتلری و ہراز کوندوز او یقوسی ایلہ نماز زمانلری اولوب ایشلر آز اولد کیجہ تنہہ اجرا سندن، تیار و تماشا سندن، موسیقی استماعندن دہ کیرو قالمازدی. آلافرانغہ موسیقی ترجیحاً سوه سوه دیکلر، تلذذ ایلردی.

طعام اعتیادی

سلطان حمید، وقت یمکلرینی ہراز ایرکنجہ تناول ایدردی. مغدی و صبحی بر صورتدہ یمک ییدیکندن طعامدن باشقہ کوندہ بش آلتی دافادان یمورطہ ایچمک معتادی ایدی. آت و بالقلرک اسقارہلرینی ترجیحاً یدیوب بورک و وینلی پلاوی دہ سوردی. قہوہ آلتی وزمان یمکلرندن باشقہ شونی، بونی یمکدن معدہ می بوزولوق خوفندن ناشی محترز ایدی. بعدالطعام قہوہ سنی و قالین سیخارہ سنی یارم، یارم ایچردی. قہوہ خصوصندہ ہرہیزی اولمایوب، صیق صیق ایستردی.

امور سیاسیہ دہ اطواری

امور سیاسیہ دہ حلال مشکلات اولوب بونی اوروپا دیپلومانلری دہ تصدیق ایلرلردی. حیات سیاسیہ سنی تمامیلہ یازمق جلدلر تشکیل ایدہ جکی کی بونلرک جملہ سندہ تائین

وقوف محرز عاجز ایچون مشکل اولدیغندن و ذاتاً بر واسطه ایله کوردیکی ایشی، دیگر واسطه بیله مدیکندن بیلدکاریمزدن و زلف یاره طوقونما نلرک برقاچنی ابراد ایدلم :

روسار [ادرنه] نی تحت تهیدیه آلدق لری زمان برای متارکه مرخصلر اعزامنی طاب ایتدکاری ائنده استانبول خطنی محافظه ایدن مهم برقوت بوزیلوب کایبولی یه طوغری چکیانجه، روسار متارکه ایچون کیدن مرخصلر مزه :

— بزمتارکه نی استانبولده یاپه جغزه. جوابی ویره رک آیاستفانوسه طوغری وایلر ولدکارندن نه یاپوب یاپوب اوزمانه قدر بی طرف بولونان انکلتیره نی ایشه مداخله ایتدیرمکه موفق اولوب، روسلرک آیاستفانوسده امضا ایتدیردکاری مستلزم اعظم حلال معاهدنک هدم احکامیه اوروپاده برقونغره عقد اولونه رق بیکیدن برقرار و برلمنی تکلیفیه انگلیز دوناتماننی بحر سفید بوزایینه کتیرمک، سلطان حمیدک فعالیت سیاسیه سی ائیدر .
روسار آیاستفانوسده استانبولی ده تهیدیه قیام و عثمانلی دوناتماننک ده تسلیحی تکلیفنده اصرار ایتدکارنده :

— فقط دوناتمانک بنده ایچنده بولنه جغ ! جوابی ویرمشدی .
برکون دول و تجابه سفراسی، خارجییه نظارتنه براونپاتوم و یروب عثمانلیله شرقی روم ایلیده بولونمالری اوروپاده غوائل متنوعه حدوشنه سبب اولدیغندن تخلیه سی تکلیف ایدرلر . بواولتپاتومی آلان خارجییه ناظری، کورد سعید پاشا پرتلاش مابین هایونه شتاب ایله عرض کیفیت ایدر وایشک درکار اولان اهمیتیه برابر ساعتلرجه بکار بر جواب آلاماز .
تکرار اخطار حال ایدر :

— یارین کلسون ! جوابی چیقار، پاشا حیرتله مستغرق اولور .
ایرتسی صباح سرایه عزیمتنده حضوره جاب اولنور. ایش مذاکره اولونه جق ایکن پادشاه، پاشایه یمک بیوب، یمه دیکنی صورار . پاشا، اکل طعام اتمه دیکنی بیلدیردکده :
— هادی سن یمکنی بیوب اوله کل ! دیر . پاشا، پر بهت و تعجب اراده سنیه امتتالا یمکی یر و حضوره کیرر . ذات شاهانه :

— اونک بر صورتی ده بکا ویردیلر . تلاشه محل یوقدر . هایدی کیت اولنری طرفدن بورایه دعوت ایت ! دیر . پاشا کیدر سفیرلرک کیمی او یقوده، کیمی تنزهده . . . نه ایسه بیک مشکلات ایله سفرای سرایه بر ساعت معینده دعوته موفق اولور .

ذات شاهانه ، اونيفورمه لرینی لابس وقلیجنه طایامش اولدینی حالده (روم ایلی خطه سی اجدادینک قانی بهاسنه آلدیغندن ، تسلیمنده او صورتک اختیاری طبیی اولدینی) لسان مناسبله افاده دن صوکره : بوراسنک عثمانیلردن نزعی حالنده تقسیم منافعه دولتلرک بربرینه کیره جکلری تهلهکسی ده تمهید ایدر . سفرا ، یکدیگرینک یوزلرینه باقهرق لاجل العودت حین وداعلرنده ، ذات شاهانه ایچلرندن برینی (تعین هویت شیمدیلک جائز دکلر) آیروجه کورمک نیازیله آلیقویار .

عزیمتی تأخیر اولونان سفیره ؛ بو تکلیف بارد حکمسز بر اقلدینی حالده (کرید) ک یالکزجه اوسفیرک دولت متبوعه سی حمایه سنه تودیغنی وعد ایدر . سفیر بیان ممنونیتله درعهده کیفیت ایدر . عودتنده سفرای سائر آلدقلری جواب اوزرینه مسئله نک مذا کره می ضمنتده اجتماع ایله سفیر مومی الیهی ده دعوت ایلر . فقط سفیر سرد تمارضله دعوت مذا کره یه اجابت ایتمه یوب (کرید) تکلیفی ده دولت متبوعه سنه یازار ، ایش مطبوعاته عکس ایدر .

دولت علیه نک روم ایلدن اخراجی موازنه یی محل اولاجنی حقنده ولوله ل باشلار ؛ (کرید) وعدی ده دیگر دولترجه طویوله رق ؛ (کرید) ک منحصراً او دولت یدینه کچه سنده کی خطر ، لدی التأمل روم ایلی تخلیه سی ایشی بر اقیلوب (کرید) ایشی اله آلمغله هرایکیسی ده تهلهکدن قورتیلور .

شومالار سلطان حمیدک مهارت سیاسییه سنک ال ساده سیدر . بیلدکلر من ایچنده مهملرینی یازمق زمانی حلول ایتمه مشدر .



خوابگاه شاهانه و اصول نوم

خوابگاه شاهانه مفروشانتک ، قاریوله ده داخل اولمق اوزره پک محیی اولدینی [۱]

[۱] بر زمان سرای هایرنده دوشه می باشی اولان ، آوستریا تبعه سندن (روزانتال) ذات شاهانه نک هر اوطه و صائون دوشه می سنده اولدینی کبی یاتاق اوطه سی طاقنده ده پک مشکل پسند اولدینی سوبلردی .

قنایه ل وپردلر (میقروب) یوواسی اولمایه حق صورتده دوز و ساده اولوب حق تل اورمه صومیه یی ایلك اول استانبوله جاب ایدن حنکاردر ، دیر ایدی .

متعدد صاحب وقوفك منقولاتندن مستفاد اولمشدر .

بو حجره نومك ، حريم وسلاملق طرفلرنده قادين واراك خدمت نوبتچيلرينه مخصوص اوطه لر بولونورمش .

ياتاق اوطه سنك سلاملق جهتنه اصابت ايدن قاپوسي آچيق براقيلارق بر پاراوانه وضعيله بوپاراوانك آرقه سنده ياتان امكدار و امنيتلى بر مصاحب طرفندن [۲] رومان اوقونهرق پادشاه بوصورتله اوبوديلور ايدى .

✱ ✱

رومان صراقى

پادشاه ، يالكز مطبوع رومانلرله قناعت ايتمزدي . اوروپاده انتشار ايدوب هنوز توركيه يه ترجمه ايدلمه مش نادیده رومانلری كتيردير . سراينده كي مترجمله ويا خارچدن برينه عطيه ايله اونى ترجمه ايتديرر ودها عالم مطبوعات عثمانيه انتقال ايتمكسزين اونلری اوقوتور ايدى . سلطان حميد اوقومقدن هيچ بر زمان خالى قالمامشدر .

✱ ✱

اوپه را صراقى

ييلدیزده يازلق و قيشلق ايكي تياترو محلى وار ايدى . بك اوغلنده ايتاليان اوپه را قومپانياسنى آيده برقاج دفعه جلب ايله اجراى لعبيات ايتديرردى . بعضاً سلاطين وقادين افيديلر وساثره دن مركب نسوانى ، و بعضاً سفرا دن برنى ويا برقاجنى صدر اعظم و وكلا دن بعضلريله بندكانى تياترويه جلب و دعوت بيوردرلردى . بايراملرك برنجى آقشامى بالاستيضان عرض عبوديت ايچون سراى هايونه كيدن وكلا و بندكان حرملرى ده سرايده كي مخدرات ايله برلكده بو عاطفتدن بهره مند اولورلردى .

[۲] بوروظيفه يى وفاتنه قدر تشریف هايون مديرى حاجى محمود افندى ايفا ايدردى . حاجى محمود افندى سلطان حميدك كنديبى ايله برابر بو يومش محترم وامنيتلى بر بنده سى ايدى . ذات شاهانه لك سود برادري اتواجي باشى عصمت بك مرحومده بو خدمته اشتراك ايدردى . اولوردن صكره شيفره كاتبي حاصم بك واك صوكره شريف عبدالله پاشانك كاتبي بو وظيفه يه آلندي و خلع پادشاهيده سلايكده بو ذات كيمش ايكن ، و خرا پادشاهك خدمتندن آيرلدى .

ذات شاهانه اوپه رالراچنده ، (تراوواتور) ، (آیدا) ، (میس نکیت) ، (قارمه ن)
(فاوست) ، (ماسقوت) و (نورما) اوپه رالرینک آهنگ موسیقیسندن دها زیاده محظوظ
اولدقلرندن بونلری ، اکثری تکرار ایتدیرلرلر مش .

سفرایه تیاترو تماشا ایتدیریله جکی کیجه اقشامدن یکه دعوت اولنور . ماین موسیقه سی
کوزل اوپه را پارچه لری ترنم ایتدیکی حالده نفیس طعاملرله اکرام ایدیلرلردی .

سفره سنک ادوات و ترتیباتی ده اوروپا خاندان حکمداریلری سفره لرینه معادل ایدی .
تیاترونک ختامنده سفرایه حنکار یاورلری و حنکار چاوشلری ترفیق ایله سفارتخانه لرینه
ایصال اولنور . حنکار چاوشلری بایرامده تیاترو تماشا سنده بولونان وکلا و بندکان
حرملرینک ده خانه لرینه قدر رفاقت ایتدیریاور ایدی .

تیاترو موقعلری زنکین بر صورتده مفروش اولوب الکتریق ایله منور ایدی . کندی
لوجه سی داخلنده تنویرات طی ایدلدیکندن سلطان حمید کیمسه طرفندن کورولمده دن
تیاتروی سیر و تماشا ایدردی .



حیوانات مراقی

خاقان مرحوم ، اک زیاده آرابه وینک آتلینی سودیکندن اورته کوی اوزرنده
تأسیس ایتدیکی بر (حارا) ده ، انسال مختلفه نك اجتماعدن متحصل کوزل حیوانلر
یتشدیرلر ایدی .

ذاتاً ولایتده واستانبول جوارنده حارالده کندی اثر همتیدر .

چفتدکارنده طامزاق بوغاز و مختلف الجنس اینکلرک امثالی یوقدی . جسم قوچلرده
جمله مراقندن ایدی .

(سه تر) و (پو آنتر) آو کوپکلری ، بونلرله آلمان جنسلری و کبیر سالون کوپکلرینک
قیمتی ارباب دقت و مراق غننده پک یوکسک ایدی .

موسمنده آوچیلری واسطه سیله بو کوپکلر استانبول جوارنده آلاندریلور . هر نوع
کثیر شکار ، متأهل سلاطینه و سائر مناسب محملره اهدا واحسان اولنور ایدی .
(پاپاغان) لری ده ذکر و تعداده شایاندر .

سلطان حمیدك كتبخانه سی

سلطان حمیدك ییلدیزده تأسیس ایتمش اولدینی زنکین برکتبخانهك محموی اولدینی آثاره ، اجنیلرده عطف نظر اهمیت ایدرلردی . آثار منتخبه دن متشکل بولونان بو کتابلر میاننده حسن خطلرینه ، تهذیباتنه بهایتشمز یازمه مصاحف شریفه و آثار برکزیده موجود ایدی . کتابچیلرینی ده کزیدکان ارباب علم و عرفاندن انتخاب ایلش ایدی . سرکتابی کلنبوی زاده توفیق بك کبی فلسفه ده صاحب ید طولی و حبیبی افندی کبی عربیاتده کاملین علمادن سرکتابیلری ، عصمت نامنده علوم مختلفه یه وقوفی مصدق انام کتابچیلری شایان قید و تذکاردر . مومحالیه کتابی عصمت بك برخصیصه فوق العاده حافظه یه مالک ایدی که تاریخ علماسندن اولان بوذات ، دولت علیهك تشککندن بری نصب اولونان صدراعظم لرك ، شیخ الاسلام لرك ، صدورک کتبخدالر ورئیس الکتابلر ، والحاصل رجال سالقه دولت علیهك تاریخ نصب و وفاتلرینی و صور نشأتلریله مدفون اولدق قری محللاری حفظ و ازبرنده طوتمق کبی خارق العاده برحافظه یه مالک ایدی . کتابی بکلرک جمله سی صاحب فضل و مزیت ذوات ایدی . کتبخانه یه مراجعت ایدلمک سزین جمله سنک معلوماتندن استفاده قابل ایدی .



ییلدیزده کی فابریقه لر

پادشاهك کندی دارالاشغالندن ماعدا بخارله متحرک جسم برمرانغوز خانه بولونوب بوراده اجنبی اوستهلردن باشقه ، صنایعه تشویق مقصدیله صنایع مکتبندن و طوپخانه مرانغوز خانه سندن نشأت ایتمش بك چوق اوستهلر بولونور ایدی . سرایك پانجور ، قاپو ، چارچیوه - لرینك انشا و تعمیراتی ، ماصه ، قونسول و قنابه کبی اشیاسی بو فابریقه ده اعمال ایدیلوردی . دونوق و پارلاق بوراده یاسیلان جیلا ، آوروپا صنعتکارانك اعمالاتنه متفوق ایدی ، دنیلسه بحادر . پادشاه فابریقه ده کبی ارباب هنری رتبه ، نشان و عطاایا ایله تلطیف و تشویق ایتدیکلندن ایچلرنده بیکباشی ، قائم مقام رتبه لرنده اوستهلر وار ایدی . دمبر فابریقه سی ده معمولاتی ایلری کوتورمش بردارالهنر ایدی . وازو ، طباق ، چای طاقی و سائر طوپراق اوانی اعمالانه مخصوص فابریقه ده اکر

اومعدنی بولسه (سهور) اعمالآتخانه سنک چیقاردینی اوانی به بکزر ،اشیا وجوده کتیریلور ایدی . بواعمالآتخانه ده ، اوانی به آلتون وکوموش درج ایدر ، راغب افندی اسمندم مسن برهنور وار ایدی که درجیاتنه اعمالآتخانه نک اجنبی اوسته لری ده حیران اولوردی . بوفات اسکی کتاب قاپلرینی تقلید وکتابلری تذهیبده غایت مهارتکار براوسته اولدیغندن نظر شاهانه ده معتبر ایدی .



بیلدیزده سرائلرک مفروشاتی

جمله دواثرکیکی وصفه احرا اولمقله برابرخنکار دأثره سیله مراسم دأثره سنک مفروشاتی ومشملاقی برطبع سلیمک اثر ظرافتیدر .

دأثره هایون ، صهی واستراحت نقطه نظرندن آغیر بصورتده مفروش ویرلر پک قیمتدار خالی وسجاده لر ایله مستور ایدی . بالطبع وازو ، آینه وماصه وئه تاژه ر (برنوع راف) وسائر مشتملات ، مفروشاتیکی قیمت وظرافتیه متناسب ایدی .

مراسم دأثره سنه کلنجه ، بورایه : ایمپراطور ، قراللرک آرامگاهی اولمش ویتوتت ایتدیرلمش برسرای عالی اولدیغندن زنکیلک وظرافتده هر سرایه ، هر دأثره یه فاقدر .

بودأثره نک صالونلرلرینک هربری برملک اصولنه توفیقاً مفروشدر . مثلاً عرب اصولی ، انکلیزکاری فرانسر وآلمان اصولنده مفروش اولان صالونلر مشتملاقی ده او قومک اشیا ولوازمی ایله اکمال ایدلمشدر .

بودأثره ده کی چینی و آلتون قاقه (سهور) وازولر آلتون وکوموش راف ، دیوار ساعتلرینک وبخصوص خالیرک وهربری مشهور بر رسامک اثری اولان کرافقیمت رسم لوحه لرینک امثالی نادر ، صنعتجه ده قیمتلری عالی ایدی .

مراسم تشریفاتییه مقدا (حمیدییه) جامعنه ناظر وکارگیر بویوک مابین دأثره سنده اجرا اولونوب ، دأثره مذکور (شاله) قصری نامیه شمیدیکی حجمک نصفی درجه سنده ایکن آلمانیا ایمپراطوری ایچون برملی ده علاوة توسیع ایدلمشدی . بصورتله توسیع وتزیین قلنان قصر مد کور مذکور مراسم تشریفاتییه حصر اولوندی . سفرا قبولی وضیافتلر دخی بودأثره اجرا اولنور ایدی .

خاقانك موزه‌سی

سلطان حمیدك موزه‌سی ، مع التأسف محرر عاجز بالذات كوره‌مامش اولدیفمندن حقیقه
محتویاتی تعریفه مقتدر دكلمه‌مده موجود (پرو) كوپه‌لر وصولری غایت تمیز آنتیقه
پبرلانطه ، آنتیقه باشلق وسائر آنتیقه اشیانك قیمتی ایکی ملیونی متجاوز اولدینی
منقول ایدی .



سرای خزینه‌منك زنكینلکی

سلطان حمیدك ، خزینه‌منده ، اجنبیلره و كندی منسوبیندن محظوظ اولدینی كیمسه‌لره
اهدا ایتك اوزره مرصع ساعت وقوطو ، قادینار ایچون باشلق ، كوپه و كمر وسائر كبی
كرانبها اشیا ونفسنه مخصوص پك قیمتمدار كوركلر و آنتیقه وبها یتمز شالار بولوندینی كبی
شهزاده افندیلر وسلاطین و اقبال و كوزده‌لر ، خزینه‌دار اوسته‌لر و كاتب وزنجی قلفه‌لر
وشهزادكان منسوبیتك حتی صره قلفه‌لری كبی نسوانك مالك اولدقلى مجوهراتك
قیمتلى دهشتلى یكونلر تشكيل ایدردی . وسرایده آلتون و كموش منغال و لیكن ،
وابریق و مرصع مینا كاری و متبوع قهوه فنجانی ظرفلری وینه آلتون و كموش (ستیل)
طاقلری ، وینه آلتون قهوه آلتی ، یمش ادواتی وسائر اوانی وكرانبها صفره طاقلریك
قیمتلى ملیونلر طوناردی .



كرم و اكرام پادشاهی

معینه و كلايه و اصحاب هنر و معرفته احسانی و اجنبیلره هدایاسی مبذول و غالی ایدی .
انسانلرك موقعنه كوره اون لیرادن بیك لیرایه قدر عطایاسی واقع اولوب كندی
مارقه‌سیله موشح آلتون ساعتلى مبذولا احسان واهدا بیوررلر ایدی .
اجانبه اهدا ایتدیكى آغیر قیمتلى هدیه‌لرله خطه‌لر قورتارمش ونتیجه‌علیمنده بولونانلری
احسان و عطایاسیله جلب و اماله ایش ایدی ،

رتبه، نشان و پاره احسانیه عصیانلری تسکین ایدر و انسانلری مجلوب ایلردی. احوال اضطرانی واصل سمنی اولان فقرا و ضعیفا و خستکانی آفچه ایل و طیب اعزامی کبی جمیل لرله سویندیرردی. مکتبلره و مدرسه لره جماعت غیر مسلمله معا بدینه پاره لر کوندرمک معتادی ایدی. بک چوق جرائد مطبوعه اجنبیه یی جیب هایونندن تخصیصات مستوره ایل و الده طوتار ایدی.

هر جمعه ایوبده قربانلر ذبحیله لحوم و آروجه تصدقات تقدیه فقرایه توزیع اولونوردی. تخصیصاتی کفایت ایتمین خسته خانلره و سائر مبانئ خیریه مهلونت ایدر، اکثری وکلانک جنازه لرینی جیب هایونلرندن تجهیز ایدرلردی.



سرایده افطار و دیش کرالی

هر رمضان عادتاً بر سور عظیم صورتنده نمایان اولوردی. رمضانک برنجی کونی، تبریک ماه صیامه معتازم اولان وکلا و مشیران نفیس یمکلرله اطعامدن سوکره صدر اعظم و شیخ الاسلام و سرعسکرلره بیکر، وکلا و مشیرانه بشر یوزلیرا دیش کیراسی و بوبرنجی آقشامدن اعتباراً هراقشام (بیلدیز) جوارنده کی قشله لرده ساییمیه، گوش صویی، تقسیم و طاش قشله لردن و بحریه قشله سی وکیلردن و بالجه عسکری قره غوللرندن فوجا فوج کلن ضابطان و عساکر اطعام اولونوب معاشلرینک بر مثلی جیب هایونندن احسان اولونوردی.

رمضانک ایکنجه کونندن اعتباراً افطاره عازم اولان رجال آره سنده شخصلری معلوم و عطیه دفترینه داخل بولونانلره یوزر و یوز الیشیر لیرا ویرلدیکی کبی علمای گرامدن دخی موقعلرینه کوره ایکیشیر یوز لیرادن اللی لیرایه قدر دیش کیراسی آلانلر و بندکان دائره لرنده، کناره بوجاغه صیقشمش ائمه و ضعیفایه مسافر اولدقلری دائره صاحبی و ساطتیه سرقرین بلا استیدان عطیه ترتیبندن اوچر بشر یوز فروش توزیغه مأذون ایدی.

مطبخلرده علی العاده بر چوق فقرا افطار ایدر کیدرلر ایدی.

ذاتاً، بشکطاش، اورته کوی محلاتی اکثری خانلرنده ایام عادیه ده دخی یمک پیشیرمه یوب، طببله کارلرک آرتیردقلری یمکلرک اشتراسیله کچنیرلر ایدی. بر قیزارمش طاق و بر صحن

پیشمش لحم اوج غروش ، بورك و پلاو و خیر طاتیلیری یوزباره ، ایکیشر غروش و سبزه لر ، آلتش پاره یه صاتیلیور ایدی .

بواطعمه رمضانده دها زیاده لشیر ایدی . چونکه صیام حاليله متعدد چوربارلر آلنه رق انسانده دیگر طعامه اشتها قالماز . بوضورتله طببله کارلر دها زیاده یمک آرتیرلریدی . آرتمش یمکار مطبخدن قبول اولونمادیغندن بالطبع طببله کارلره قالیر ، بوضورتله طببله کارلر صاحب ثروت اولورلریدی .

شهر صیامده ییلدیز سرایی اسلامیتک منہاج قدسیه سنی شمشعه مخصوصه سیله ارايه ایدر . ایکندی نمازندن صکره ، بندکان دائره لرندہ رمضانہ مخصوص اوله رق صاحب دائره نک کیسه دیانتندن اقامه ایلدیکه خوش الحان حفاظتک قرآن کریم تلاوتلری ، سامعه اخوان دینده پک لاهوتی تاثیر حصوله کتیریدی .

وقتا که افطار زمانی تقرب ایدر . آرايه لرله برچوق رجال ملکيه وعسکریه فوج ، فوج او جای روحانیت فزایه کلیرلر و افطار ایدرلریدی . تراویح نمازینک اداسندن صوکره عودت دأب مخصوصه دن ایدی . یاتسو زمانی اولونجه (حمیدیه) جامه نک ، سهاره یوکسلن بلند و مؤثر سسلی مؤذنک ، (الله اکبر) ی ؛ قلوب انسانده ایمان ازلی یه دائره نه بیوک ونه طاتلی حسلر او یاندیرلریدی .

جوار و داخل سرایده ایقاد ایدیلن فانوسلر ، مکوکب کیجه لرک منظره نورانیدنی آکدیرر ایدی .

هر کون ایکندی بی متعاقب سلطنت قاپوسی اوکنده موسیقه نک نوبت ترنماتی رمضانده تراویحدن صوکره اجرا اولونور ،

رمضانلرده او پر دارات سرایی کورمک اوزره بک اوغلندن یوزلرجه آرايه طولوسی کبار اجانب دخی بوراده اثبات وجود ایدرلریدی .

ایشته شهر صیامک هر کیجه سی بوضورتله برطنطنه برسوردیانت سروراولارق کچریدی .



بایرام آلا یلری و تبریکات

سلطان حمید صلاة عیدی بشکطاش جامعنده بعدالادا معایده ایچون بشکطاش سراینه کیدردی .

اوکون وکلا و مشیران و بالا رجالنه قدر مأمورین ملکیه و امرای عسکریه بیوک اونیفورمه لرینی لابس ، نشان ذیشانلرینی حامل اولارق پادشاهک پیش سلطنتنده تشکیل ایتدکری موکب حالینک جامع پیشگاهنده بشکطاش سراینک سلطنت قاپوسنه قدر ایکی طرفلی صف شجاعت باغلامش عسکرک آرمسندن مروری حقیقه بر آلتون آقینتییی بر ریب و فر برمنظره تشکیل ایدری .

پادشاه سرایه مواصلتنده ، براوطیه چکیلوب براز استراحت ایدر بواننده وضع اولونان تختک آرقه سنه قرنا و کاتب بکرو بعض بندکان بیوک اونیفورمه لرله و تختک [۱] صاغ طرفندن اعتبارا وکلا و شیخ الاسلام وبعده سرایه منسوب و فیخری یاوران و امرای عسکریه مواجهه پادشاهیده برصنف مربع تشکیل ایدرلری .

پادشاه استراحت حجره سندن تخت عالی به توجه ایدنجه صانک یوقاروسنده موقع آلان موسیقه نیک ، طنین احتشامی سلام هوا سیله صالونک قبه سنده عکس ایدردی . پادشاه، تخنه قعود ایدنجه آلقیشجیلر طرفندن : (علیک عون) زمزمه سیله آلقیشلانیر . متعاقباً نقیب الاشراف ، موقعندن برار ایلر ولیهرک مختصر وقلبی بردعادن صوکره معایده باشلار .

تختک یاننده برمشیر (ذیل پادشاهی) مقامنده صرمه ایشلمه لی اوزونجه برمندیل طوتار . تخنه قدر ایکی یول کچه سی سرلشدر . بونک برندن تلثیم ذیله تمنا ایدرک کیدیلور . بعدالتقییل ، دیگر کچه یه کچیلوب ینه تمنا ایله آرقه عودت اولونور . بواننده موسیقه آغر ، آغر ترنم ایدردی .

۱ [من کور تختک مصر والیمی ابراهیم پاشا طرفندن مصرده یاپدیریلوب سلطان مراد ثانه اهدا اولندیقی سلائیکی مصطفی افندی تاریخده یازار قیمتدار طاشلرله ترصیع اولونمشدر .

معایده به حاضر لائش اولان رجال دولت بالار تبه‌سندن باشلایه‌رق یوله دزیلور واولی اولاری ایچون تسریفات مأمورلری طرفنده دعوت تذکره‌سی یازیلانلرک اسامیسی اوقونه‌رق قدم اعتباریله سالونه سوق اولونور ، روم ایلی بکاربکاری واولی ثانیرلی دخی بو وجهله ترتیباً سوق ایدیلیر .

منسوبین ملکیه وعسکریه‌نک معایده‌سی ختامه ایرنجبه ینه‌نقیب الاشرف موقعندن براز ایلری چیقه‌رق تکرار درونی مختصرجه بردعا ایله دعا اللری یوزینه سورر بودفعه‌طریق علمیه‌یه پدشوا اولق اوزره شیخ‌الاسلام معایده‌یه شتاب ایدنجه علمایه احتراماً پادشاه قیام ایلر . علما دامن مقامنده دستمالی تقییل ایتمزلر . پادشاه قائم اولدینی حلاله علمانک تبریکاتی خفیف برانحنا ایله قبول ایدر وعلما ایله پادشاه آره‌سنده برتقید مصافحه اجرا اولونور . علمانک معایده‌سی ده ختام بولونجه بندکان وقرنا وکاتب بکلردن ماعداسی چکیلوب شهرادکان ودامادر اجرای معایده ایلدکدن صوکره اجانب و موسیقه چکیلور ، آرتق اورالرده ارکک قالمز سلاطین وقادین افندیلر ومستقرشله وسائر حائر رخصت اولان منسوبین نسوان شاهانه تاشیم دست ودامن ایدرلر . تماشاکران وکلا و بندگان عاقله‌ری بوشرفدن محرومدر . شروانک مکشوف برجه‌تمده دخی سفرا ، ومعتبران اجانب ماداملریله تماشاده حاضر بولونورلردی موسیقه‌ده بوشروانک برطرفنده اخذ موقع ایدر .

معایده قرین ختام اولونجه ذات‌شاهانه براز استراحت ایدر، مختصر برموکله بشکطاش سرایندن ییلدیزه عودت ایلردی ، تماشایه مأذون مسافر قادینلره بشکطاش سراینده بعدالمعایده سوکوش وموسم طولمه‌لرندن ورچل ومتنوع پینیرلردن مرکب برقهوه آتق اگرام اولونور . بعدالتناول جمله قافلهٔ نسوان ییلدیزه عزیمتله مراسم دائره‌سنده آرام ایدرلر ، آقشامه قریب مسافر قادینلر ددر، بشر پولاد تبسیلرده مکمل ومتنوع یمکلرله اطعام اولوندقن صوکره مهماندار جوارلی رفاقتنده مراسم دائره‌سنگ هرطرفی کزدریلیر واقامتارینه تخصیص قلنان اوطه‌لرده هرقادینه برصرراحی لیوناته‌ویرصرراحی صوواوشودکاری وقت اورتونک اوزره اوموز اورتولری بولونورمش وقت ضحی دن صوکره سلاطین ومسافر خاتمر ذات شاهانه‌یه مخصوص ییلدیزده کی تیاتروییه کوتوریلور . وپادشاهده لوجه‌سنده حاضر اولدقلری حلاله اوپه‌را لعبیاتی تماشایه موسیقی استماع ایدیلیر . تیاترونک ختامندن صوکره مسافر قادینلره رخصت ارزانیله جمله‌سی آرا به‌لرله وهر آرا به‌یه ایکی خنکارچاوشی

ترقیقله اقامتگاهلرینه کوندریلور ایدی . و کوندوز شاله قهرنده یعنی مراسم دائره سنده ایکن طرف شاهانه دن مسافر خانملرک بهضلرینه مجدداً و بهضلرینه تبدیلاً شفقت فشانلری و قرمزى آطلس کیسه لرده عطایا ورود ایدوب کاتبه قالفه لر واسطه سیله مستحقینک اسامینى اوقونه رق گوموش تبسملر ایچنده بولان بوهدایای خزینه دار اوسته لر یداً بید اصحابنه تودیع و توزیع ایدرلردی .

بو خزینه دار اوسته لرک یاشلی و آغیر یاشلی قادینلر اولدیغنى ، باشلرنده طاقه اورکی صاج والارنده علامت مخصوصه اوله رق آلتون صاپلی قیرباج بولوندیغنى ذکر ایتیش ایدک . کورن حرم آغالرینک افاده لرینه نظراً بونلر ، قیمتدار مجوهراته مستغرق بولنورلردی . تیاترو ، بایراملرده یالکیز برکیجه قادینلره مخصوص اولوب ، ایالی سائرۀ عیدده تبریک ایچون کلنلره ییلدیز سرائی پک غلبه لک اولور .

عید فطر و اضحی مراسمی بری برینک عینی اولوب یالکیز عیداضحی ده قربان ذبحی مراسمی واردور . پادشاه صلاۀ عیدی ادادن صوکره بشکطاش سرائی بینک طاشنه ورودنده آرابه دن اینجه آرابه یی برکناره چکرلر . بینک طاشی اوکنه ، بوینوزلری آلتون یالیزلره ورقلاشمس ، توکوری قنالمش غایت جسم اوچ درت قوچ کتیریلیر . بندکاندن بری خنکاره ایچنده اک خالص چلیکدن مصنوع آلتون ایشله مه لی اوچ بجاغی محتوی برمحفظه تقدیم ایدر ، خنکارده بو محفظه یی آچهرق موکله برابر کلوب بینک طاشنی احاطه ایتیش اولان مشیراندن برینه ذبح و کالتیله برابر بالتودیع سرایه داخل اولوردی .

دها پادشاه کیدرکن بو قوچلر برر ، برر یاتیریلهرق مشیرمشارایه طرفندن ذبح و خو می تصدق اولونور ذبح وظیفه سفی معیت سنیه ارکان حربیه مشیری مرحوم شا کرپاشاسنه لرجه ایفا ایتیش ایدی .



خاقانك قربان عطیه سی

هر قربان بایرامندن اوج کون اول باشلایه رق قادین افندیلر ، بالتاهل سرایدن چیقمش و هنوز چیقماش سلطانلره ، کوزده و شهزاده لره خزینه دار اوسته ، کاتب و نوبتی قافه لره سرایدن چراق ایدیلوب چیقارلمش بعض معتبر معتقلره ، سلاملقدده بالجه معتبر و متوسط درجه لره کی بندکانه ، زنجی آخالره قربان احسان و توزیع اولونوردی . بواحسن دفترده اسمی مقید اولانلر آدملرینی کوندروب محل توزیعدن آلیرلردی که بونلرک مجموعی بیکرله قربانه بالغ اولوردی و بوقربانلرک اثمانی جیب هایون ملوکاندن ویریلیردی .

سرایک لحوم صدقاتندن بیکرجه فقرا و حتی بشکطاشلی بعض اهالی دخی متنع اولوردی . روز حضرده دخی قربان دفترده مقیدنسوان و رجال جمله سی سرای ارکانه و خارجه کی سلطانلر و معتقلره قوزو توزیعاتی سلطان حمیدک جمله اکرامندن ایدی .

روز حضرده سرای مطبخنده بیکرجه قوزو دولدوریلوب ایجلی ، طیشلی سرای خلقی سفره لرینه برردانه ویرلدیکی کبی اوکون سرای مطبخی جانبنه امکان تقرب بولان فقیر و غنی به سفره لر قورولوب قوزو طولمسی و طاتایسنه قدر یملک ویرملک صورتیه اطعام ایدیلوردی .

روز حضرده استانبولده بولونان بالجه افراد عساکر شاهانه به دخی قوزو طولمسی و حلوا توزیع اولونوردی که بوقوزو توزیعاتنک مصارفی ، قربان مصرفنک اضااف و مضاعفته بالغ اولارق ، بوقوزیلرکده اثمانی جیب هایوندن ویریلیردی .

قوزو و حلوا ایله اطعامدن یالکز سرای خلقی ، عسکر دکل بشکطاش اهالیسی و حتی سرایه کلکدن قورقاییان بعض استانبول سکنه سی ده متنع اولورلردی .

یوم عاشوراده دخی ییلدیز میداننه ، قازغانلر وضع اولوب عاشورا طبخ و آقشامه قدر هر کسه کتیردکاری قاپلرله توزیع اولونوردی . عسکرده عاشورا پیشیریلوردی . قربان بایرامی ، روز حضر و یوم عاشوراده سرای میدانی ، صباحدن آقشامه قدر خلق ایله طولاردی . و بوتجملر ، [متینغ] لر کبی بیهوده دکل ، طعام ایله نتیجه لیردی .

مولود آلائی مراسمی

مولود آلائی مراسمی طبق بایرام آلائی کی اجرا اولنور یالکز بالا رتبه سی درجه سنده اولنلره قدر ، مولدنبوی قرائت ایدیلر جک جامعه ینه بایرام تذکره لری کی صدراعظمک بر [م] امضالی تذکره سیله دعوت اولونوردی .

استانبول پایه لولر ینه قدر علماده بو دعوتده بولنور پادشاه اوکله وقتی نمازینی جامعه ده ایدالادا مولدنبوی منقبه سی قرائت اولونور . منقبه نك استلزام ایتدیکی محله ، جامعه کی وجامع حولیسنده کی حاضر و نه وسلاملق رسمنه مأمور طقوز ، اون طابور عسا کر افرادینه ینه ییلدیز جوارنده شکر آلمق اوزره اجتماع ایتش بیکلرجه قادین وارکک اهالی یه ایکیشر کلاه شکر توزیع قیلنور . بونلری اندرون یعنی طوب قابو سرایی بندکانی توزیع ایدردی . لکن بو توزیعات موزعلر ایچون تهلکلی ایدی . زیرا ، موزعک ایپکلی فوطه ایچنده طاعتدینی شکرلری باغما جرأت قییمه وناجاسنی کوسترن خلقلک آباغی آلتنده قالارق ازلمه سی محقق ایدی . بوجهتله موزعلری بش پولیس وعسکر احاطه ومحافظه ایلدیکی حالده تکرار شکر آلوب کوتورمک اوزره عودت ایدن موزعلرک فسیسز ، اوستی باشی پاره لانش اوکندک فوطه نك یالکز برطوطلم پارچه سی قالمش اولارق عودت ایدیلردی کوریاوردی . شو حالک تاسنی دعوت ایتمه سی قابل اولما مقله برابر انسانک کوله مکده الندن کلزدی .

☆☆

سال جدید عطایایی

حرمک برنجی کونی دخی وکلا ورجال دولت واجانب وجماعت غیر مسلمه رؤسای طیراملرده اولدینی کی تبریک ایچون سرایی هایونه کلرلر ، پادشاه وکلایی حضورینه قبول ایلر تبریکدن طولایی بیان محظوظیت ایلر وبالا آخره اوسنه یه مخصوص یکی ضرب ایدلمش آلتون وکوموش مسکوکاتدن وکلایه یوز الیشیر لیرالق عطایا ویریلر ایدی . طاباقلره وضع ایلر کتیرلمش اولان بومسکوکات جدیدک فقط قلیل المقدار اولارق ، سرقرین بک واسطه - سیله سائر زواره ده توزیعی اصولدن ایدی .

محرمك اونجی كونی ده عاشورا طبخ و توزیعی عادت اولوب ، اوكوندن برکون اول
ییلدیز پیشکاهنده کی میدانجغه کیر قازانلر چیقاریاور . اوراده موقت اوجاقلر قوریلوب
عاشورا طبخ و هر مراجعت ایدن کسانه توزیع اولونور و بونده مولد شکرلی توزیعی ائساننده
اولدینی کی قاپلرینی مکرراً طولدرتانیلرک هجوملری واقع اولوردی .
اوكون یوم تبریک اولدیغندن وکلا ورجال و سائر زوار سرایه گلزلر ایسه ده یوم
مذکورده دخی بو عاشورا آلمغه کلنلرک غلبه لکندن ، اقشامه قدر سرایه کیروب چیقماق کسب
عسرت ایدردی . پیشیریان عاشورانک نوع مکملندن ، نسوان و ذکور سرای خلقی دخی
طبیعی مستفید اولورلردی .



سوره آلایلری ولادت و جلوس شنلکاری

سوره آلایلری ، ولادت و جلوس شنلکاری ، حق الانصاف دوشونیلورایسه اودورده
اهالی ایچون برر وسائل تفرج و نشاط ایدی . سوره آلایلری ، دونانمش دوهلرک تماشا سندن
عبارت برسیران ایدیسه ده اوكون هر طرفدن ، قادین وارکک بیکلرجه خلق ، ییلدیز یوللرینه
دوکولور و سوره اسکداره کچرلیدیکی حالده آقشامه قدر ییلدیز یوللارنده و جاده لرده ازدحام
برطرف اولمازدی .

ولادت ، جلوس ایام و کیجه لری ده برر سور سرور ایدی دیمه مک قابل دکلر .
تبریک ایچون سرایه عزمت ایام عیده مائل اولوب فقط اوكون اهالی ایام مذکورده تک
صباحندن سوقاقلره ، واپورلره دولارق بوغاز ایچی ، قاضی کری ، حیدرپاشا و تابوستانجی به
قدر جوار تفرج محللرینه دوکولورلر . برقاج کون اولندن احضار ائده بولونمش اولان
یالی و کوشکلرک فنار دونانمالرینی تماشا ، کیجه لری کونلوز حاله کتیره ن اولیالی منوره ده
قایقلر صندالار دونانمش ، استمبوط و فوق العاده ایشاندیریلن [شرکت خیره] و اوزمان
[اداره مخصوصه] دنیلن شمیدیکی سیرس فائن واپورلریله تابصباح اهالی ، اجرای تنزه ،
یایلرده ، کوشکلرده ، و دکر اوزرنده بازار قایقلرنده آلامانلرده [برنوع بیوک بالی
قایی] ترنماز اولان موسیقه و اینجه سازلی دیکیلرک اکتساب نشاط درون ایدرلردی .
ییلدیز پیشکاهنه قورلمش اولان جسم طاقلر اوزرنده رنگارنگ فانوس و فنارلرک نئشر

ایته کلری ضیای تابدار آره سنده سواده کی نجومه نظیره کی آتیلان فشنگارک یشیل ،
قرمزی ، صاری ، مور و ایلاق مهتابلرک کوزقاشدیران انوار و نقداری اومیانده عسکری
موسیقهلرینک ترنمات آهنگداری ، اودورک اک کوزل تماش و تیزهلرندن ایدی .

دور حمیدینک ایلك سنهلرنده مهتاب کیجه لرنده دکره چیقاریلان مکمل سازطاقلری
اطرافنده طویلانان باطه لیمانندن ، قاکلیجه کورفرینه قدر بیکرجه قایق و صندالاردن
دکز اوزرنده مرور و عبور قابل اوله مازدی .

هر جمعه و بازار و حتی چهارشنبه کونلری کوکسو ، کاغذخانه ، بویوک دره ، بکقوز ،
چاملیجه ، فنار باغچه و هله روز حضرده حیدر پاشاده آتدن و آرابه دن و قایق دن برطرفدن
او بر طرفه کچلمزدی .

کورنلرک و تخطر ایدنلرک معلومیدرکه رمضان جمعلرنده دیوان یولی شهراده باشنده
دخی آرابه جولانلری یاپیلردی . فقط صوکرملری بونلر منع ایدلدی .
واقعا ، صددن چیقلدی . فقط شملک مراسمی یازیلیرکن ، شمدی منسی اولان اعتیاد
مسرت دخی تخطر اولندی .



خرقہ سعادت زیارتی مراسمی

و کلا و رجال و امرای عسکریہ رمضانک اون بشنچی کوئی طوپ قابو سر اینہ دعوت اولو نور .

مدعوین ینہ فورمہ لری لابس ، فقط نشان و قلیج لری تعلیق ایتہ یہ رک سرایده اثبات وجود ایدرلر . [نشان و قلیج لری منع تعلیق اسبابی آتیا کلاشیلیر] پادشاہ اکثری استمبوطیلہ بشکطاش سرایندن ، طوپ قابو سر اینہ کلیر و اورادہ ریختیمدن برفیطونہ را کبا خرقہ سعادت دائرہ سنہ کیرردی .

مدعوین سرایک باغچہ سنہ زیارتہ منتظر اولور . سلطان حمید برازا ستراحتدن صوکرہ ؛ مدعوینی ، زیارت ایچون خرقہ سعادت دائرہ سنک داخلہ کیرمکہ مآذون قیلاردی .

و کلا ، بعدالزیارہ جانب شاہانہ دہ صف آلیر ، ذات شاہانہ برایی آیاق باصامقلہ چیقیلور کرسی کبی برحک اوزرنده آیاقده طورور ، بوکر سینک اوکنده بر رانی اولوب بو راف یوقاریدن آشاغی صیرمہ ایشلہ مہلی بر اورتو ایلہ اورتولمشدر .

بو رافک اوزرنده اولجہ چیچک صوییلہ اندرون آغلربی طرفندن تعطیر ایدلمش ، وجناب پیغمبرہ حرمتی مشعر تورکجہ برقطعہ یازلمش تولبند چورہ لری حاضر لانیردی . پادشاہ خرقہ شریفہ موضوع اولان چکمہ جہی آچار ، خرقہ سعادت بوغچہ سنک براوجنی تقبیل ایچون کیدن زائرہ او تولبندلردن برنی خرقہ شریفہ مسایلہ یدبید ویرر . زوارک نشانی و قلیجی متعلق اولسہ بوغچہ سنک حین تقبیلندہ رافہ ویا کرسی بہ اورتلمش پوشیدہ یہ طاقیلہ رق مسور و کلہ نسی قریب الاحتمالدر . بو مراسمدہ بالایہ قدر رجال واستانبول پایہ لیلرینہ قدر علما ، و فریقانہ قدر امرا بولونور . چونکہ دائرہ طاردر .

زیارتک آردی آلنجه پادشاہ حرمة کوروب اورادہ کی أمکدار نسوانی عطایا و انفاتیلہ تسریر ایدر . بوسرایده ، سلطان سلیم ثالثدن قالمش یوزاوزبش یاشنده اسکیلر و ارایدی . بونلردن [شب آہنک] قادین ۱۲۹۷ دہ وفات ایتمشدر . بومراسمدن صوکرہ پادشاہدہ دعوت ایدر . بمنصاً افطاری دخی بورادہ ایدرک کیجہ ییلدیزہ دوزردی . پادشاہ اندرون ذکور خدامندہ ہر زیارتدہ عطیلر توزیع ایدردی .

طوب قاپو سرایی

خرقه سعادت دائرہ سنک تاریخی طوب قاپو سرایی فاتح سلطان محمد انشا ایله دیگر پادشاہلر طرفندن توسیع و بعض مہانی علاوہ قلمشدر .

خرقه سعادت دائرہ سی صرف فاتح حضرتلرینک انشا بویوردقلری محلدر . و خطہ حجازیہ فی فتح ایله دکن صوکرہ حجازدہ بولدیفی و شریف مکہ طرفندن اوزمان کندیسنه تسلیم اولونان بعض اماناتک حفظہ تخصیص ایتشددر .

لواء شریف وذات حضرت رسالتینہینک و بعض اصحاب کزین حضرتلرینک یکر میدن متجاوز قلیجاری و مغرلری خرقہ سعادت و بو مثالو بعض امانات مقدسہ بودائرہدہ محفوظدر .

خاقان مغفورک افکار دیندارانہ سی

سلطان حمید ، شریعت غرای محمدیہ غایت رعایتکار ایدی . بش وقت نمازی فوت اوقات ایتدیکسزین ادا ایدردی . مدت سلطنتندہ بوبرک خستہ لغنہ دوچار اولدیفی وقت یالکیز بر جمعہ نمازی ترکی مجبور قالمشدر .

رمضان آیلرنده ، مختل الصبحہ اولدیفی حالده دخی نقض صیام ایله دیکنی کسه کورمه مشدر . ذاتاً تصدقاتی و کرم واکرامی ، اموالک ذکاتی ایدی . (الناس علی دین ملوکهم) قوی اوزره ییلدیز سراینده کی معیت سنیده بولونانلرک اکثری ادای صلاۃ ایدر و آرملرنده نقض صیامہ جسارت ایدن کسه بولونمازدی .

سلطان حمید . ہر حرکاتی شریعت اسلامیہ یه توفیق ایله مألوف بولوندیغندن اختیارندہ تردد ایتدیکی خصوصاتی صورت خصوصیہدہ ، علم و فضلنہ اعتقاد ایتدیکی ذواتدن استفتا ایدر ، برکشی یهده ربط قلب ایدہ مہیوب برقاج کشیدن - ژال حال ایدردی ، فقاہتی مشہور عالم اولان ، مجلس تدقیقات شرعیہ رئیس اولفی محمود افندی حلال مشکلاتی ایدی .

« هر محاسنك ، شريعت محمدیه به موافق اولديغنی و دين اسلامك محاسندن عبارت »
اولديغنی سويلر مش . هر نمازده تجديد وضوء معتاد هايونلری ايش . مسكراتدن طبعاً متفق
اولدقلى كې استعمال ايدنلری ده يك سومزلر ایدی .

جهت عسكریه به خدمتی

بالقان حربیه ، حرب عمومیده ضایع اولان و خدا حفظ ایتسون حالا بر حیات بولنان
گزیده ارکان حربلریمز و مقتدر ضابطلریمز خاقان مغفور زماننده یتشمش قیمتدار وجودلدن
اولديغنی انكار ایتك شمسك ضیای تاباننه اسناد ظلمت ایتك دینكدر .

مليونلرجه (ماوزه) یوزلرجه سریع و مکرر آتشلی طوپلری دخی مشارالیهك
تدارك ایتدیكنی دشمنلریده تصدیقه قائل و تقدیره مائلدر ظن ایدرم .

بودجه توزین اولنه مامسندن عموماً سنده آلتی ، یدی معاش و یریه بیلیر ایدی . لیکن
ضابطان عسکریه تعینلر و یابدللی منتظماً و یریلیر عسکر حائللری قید ضرورتدن وارسته
یشارلردی . و حتی بعضیلرینه فضلکلان تعیناتی صاندرلرلر قده تحویل ایتدیرلر ایدی که:
قسماً ضابطانك خرجلانی مآمن ایدی .

بودجه بی توزین ایتك ایستر ایدی . فقط قارشواق اولوب استقراض ایله توزیندن
اشقه چاره یوقدی . استقراض ایسه منفور افکاری ، حادثا برهیکل خوفناکی ایدی . بیلیم
بوفکرینه مصیبتی و یاغیر مصیبتی دینلیر .

واقعا ، زماننده بعض سؤ استعمالات جای انكار دکلدی . بونکده اندفاعنه پادشاه
يك باشنه مقتدر اوله مزدی و اوله مدی . کلن ، کیدنه رحمت او قوتیق شرطیه مستخدمینك
دخل عظیمی واردی . مشارالیه اصلاح و احلاص ارزوسى کوستر ، مثلاً : کوچك ضابطانك
معاش و تعیناتلری دون اولسندن معیشتده ضرورت چکدکارینی خبر المغله چاره رفاهلری
نهیه متوقف ایسه بالتذکر بیلدیرلسون . بیورلدی ؛ قومیسوئلر تشکل و بونلره ایکی مثلی
معاش و یرلسی ترفیه حاللرینی تأمین ایدر دینلیدی . والبت قارشولقده کوسترلدی . ایکی مثلی
معاش الموق دکل ساده نان عزیز تعیناتی دخی و یرمز اولدیلر . بو حال دخی مسموع عالی
اوله رق تأسفی متضمن ارادهلر (ورق مهر و فانی کیم او قور کیم دیکلر .) زمزمه سیله
قارشواندی .

هر مشکلات ایچون سرایده قومیسینلر تشکیلی عادت روزمره می ایدی . محرر حاجز بوفکرینه معیبر دیم (ایولاک اولور ایسه حقندن فناق اولور ایسه قوندن) بیاینیر دیه برضرب مثلار وارد . اکاماصدق اولور ایدی . ضابطه ایشلارنده بومسلاک کندیسینه سوز کتیردی .

همده غائله لردن راحت ایدمهز ایدی . مع مافیہ زماننده رسومات ، تلفراف و پوسته ، دفترخانه نافعه و برقاچ ولایت چیقارلدقندن صکره اوتوزه قریب ولایت مستخدمینی معاشرینی پشین ایر و صرفیاتلرینی دخی کوررلر ایدی . بونلرک حاصلاتی توحید ایله سیان برمعامله الیه دها بجا و کندیسینه ده بوفکرک وارد بولندیغنه شبهه ایدلار ایسه ده اسکی حیراتیده بوزار ایسه ک دوستی ده دشمن ایدرز ؛ مطالعه می مانع اجراآت اولور ایدی ظن ایدرم . بعض امورده فقدان جسارت موجب وخامت بولندیفی انکار ایدیله مز .

طاباته خدمتی

بوده حق الانصاف شایان شکر و محمت برصورت تشکیل ایدر . بوکون یتشمش خذاق اطبا مز ، مهارتکار اوپر اتورلریز ، هانکی زمانک محصول محاسن علمیه سیدر ؟ ارباب اختصاصک جمله سی شایان تجیل استاد کل اولوب اعدادی اسامی صورتیله تعداد اولنه میه جق درجه ده ماشاه ، ماشاه کثیردر .

نمونه اوله رق : بسیم عمر ، اصف درویش و ضیا نوری و جمیل پاشا-الر و نورالدین بکار کبی بی مثل معلمین صنعتلرنده اوروپایه معادل قدرتلر کوسترمشلدرد . اسمارینی صایه مدیغمز ذوات مشهوره ادرا کمزک صحیحاً فوقنده در . حسناتی براقوبده مشارالیهک قائل سیئاتی اولوق برچوق مقتدر و عالی ذواتک وجودینی کتم ایتمک کبی منافی انصاف برطریقہ انسلالک دیمک اولور .

سلطان عبدالعزیز زماننده اوروپاده تحصیل کوروب زمانک احاطه کار معرفتی اولوب رحمت حقه قارششمش کتاب مجمله زمانمز منفردین فضیلنه برذیل مطول عالی دیمک دخی تعریف ماهیتلرینه کافی دکلدر .

حیرات و حسناتی

بوده یا لکز کوز او کننده اولنلر تصدیق ایله دیکر لرلنده التزام سکوت اولنیور . داخل ممالک ضایعه دکل بحر سفید سواحل طولا شیلیر ایسه دشمن انه کچمش قشله و حکومت قوناقلری وقشله کبی اعدادی مکتبلری ، ارباب حمیتک چشمانندن ریزان دموع تأثری منع ایتمک قابل اولدیغنی بودفعه نفسمده مشاهده ایله ذکره مجبور اولیورم . واقعامع التأسف بونلر مهال حالنی الدی .

سیأت تحری اولندیغنی حالده انسانلرده بو حصالتدن ولایحطی بولنه ، یه جنی برامراشکاردر . ارباب نصفت سیأت ایله محاسنی ساجیده میزان ایدر هانکیسی غالب ایسه حلم اوجهته لایق اولور .

ستروطی حسنات ایله تمداد سیئه دن جلدلر تشکیلی دخی قابلدر . لاکن حقانیت کوزه دلش صاییلیرمی ؟ بن ، تابع حسیات اوله رق یازی یازیورم اثر ژاژ کسترم نه اصملا ماهر ، نه ده الطاف مشهوده سائقه سیدر . اعتراض وارد اولسه ده حقیقت ظاهره جورودلر !

معارفه خدمتی

جان آله حق دقتله تعقب اولانه حق بر بحث مهمدر . چونکه بوده مشارالهی من طرف الله ویاز حمدار اوله رق سومیانلر ایچون باعث انواع قیل وقال اولمشدر . بو بحثده اولان اسناد اولنان سیأندن باشلایه لمده حسناتی دخی تذکار ایله اختتام بچشده حریت قلمیه مزنی کمسه منع ایده من .

(جلدلرله کتب دینییه مضردر دینلرک طوپلاتدیریلوب یاقش ! مشاهیر ارباب فضلاک تاریخی و ادبی کتابلری میدان استفاددن قالدیرلش ، زمانی صبیق سانسورله کچدیکندن) (قاریوله غیجیرتیلری) کبی اسلامیت و ادبه مغایر رسائل نشر ایتدیرلر ایش ! الخ ، الخ سلطان عبدالحمید خان عمی عبدالعزیز خان کبی عربیاتدن مجید دکل ، عربجه برعباره اوقومغه مقتدر دکل ایدی . اولسه ده پادشاهک تدقیق کتب و رسائل وظیفه سی دکلدر بوکی

کتب دینیہ علی الاکثر عربیہ یازیلیں و جهت شرعیہ دن بالتدقیق طبعہ رخست ویریلیر البتہ تدقیقات اجرا ایدن لمقتدر تدقیق علمادن بولنورلر. کتابک خطادن سالم اوله رق مطبعہ ینہ کلنجہ اورادہ می نرہدہ ایسہ برخطا صیقشدیریلیر .

چونکہ : کتب عربیہ نک ممالک عثمانیہ سورومی آز ایدی صاحب اثر ماملکی رهن ایله بیوک برجمده ایکی اوچ بیک کتاب باصدر مش و بولنرہ وضع ایدی لان فیأت ایله اشتراہ یک اشتہا کوسترلیہ جکی طبعی بولنمش اولدیغدن صیقشدیریلان شوخطانی اسماعہ پرواسطہ بولنوب لدی الاخبار قیامتار قویار تدقیقہ مأمور اولنلر ازارہ اوغرار و : — هان پارہ سی معارفدن ویریلیرک کتابلر آلنسون و میدان فروخته قونمش اولنلر طویلا دلسون !

ارادہ سی صادر اولدی می مؤلفک کفی کلیر. ایکی یوز لیرا مصرف ایدلمش وایکی یوز لیرادہ استفادہ پانی قونیلہرق سنہ لرحہ صاتمسنہ امکان و اومقدارک اشتراسنہ انسان بولنما مقولہ شویله طویدن — واقعا برقاج دفعہ دائرہ معارفہ کل کیت اولورایسہدہ — صاتیق وایکی یوز لیرا حق تألیف تأمین ایدلمک صورتلری ایشیدیلیر ایدی .

مشاہیر ارباب قلم ، ضرور بضاعہ و صرف همملہ وجودہ کتیردیکی بر اثر نهقرانہ حق اوزات اثرینہ بها تصور ایدہ میور

اہام و جناس ایجادینہ قدرت بوکتابلریدہ غائلہ سز صاتازدی . ارتق اوچنچی نوعہ مساعدہ و سربستی جاژمیدر ، دکلی در. انی ارباب ادب محاکمہ ایتسون ! کلہم حسناتہ : طی ، عسکری ، فنی نشر ایدلمش و مکتبلردہ اوقوتدیرلمش کتابلردہ اوزمانک محصول محاسنی اولدیغنی انکار ایدنجه : ہر صنفہ ملتی جاس جاولاق جاہل کور مکملکمن لازم کلیر ایدی . زلف یارہ طوقونلیہرق بونجہ قاموس اعلام و لغات تاریخیہ و جغرافیہ و دیگر قاموسلر و لغتار معلومات متنوعہ دن باحث قرق انبارلر ، طغارجقلر ، مجموعہ ابوالضیالر ، السنہ اجنبیہدہ یازلمش ینہ لغتار و قواعد کتابلری ، مدحتلرک ، ابوالضیالرک ، شمس الدین سامیلرک و سائر مشاہیر محررینک و سائر کتابلریدہ هانکی زمانہ معطوف اولہ ییلیر .

قرق انبار مهران ابوالضیا ، اقدام محمود بک مطبعہ لرینک و سائرہ لرینک معارفہ و طبیعات مهمہ ینہ خدمتلری هانکی وقتدہ واقع اولمشدر ؟

بوکون برخانہدہ صحت عائلی و معاشرت بیتیہی ابتدائی اولسون بیلیمیان یوق کیندر

پوکی اثر لر ایادی استقاده یه هانگی زمانده کجی تداوللری هانگی آه مصادفدر ؟
بونکده جوابی ینه ارباب انصافه ترك ایدرز .

بوانوار ساطعه مهر منبرده بالحقله صیوانیرسه ظلمت دیچور جهالت محاط محیطمنز اولق
ایحباب ایدر .

شوتعداد اولنان شیارهده اعتراض اولنور ایسه ارتق انک جوابی ویرمه کیسه
مقتدر دکدر .

شوراسی غرببدرکه دور حیات مشارالیه عاثر بروقه حسنه یاد وتذکار اولنورده
اووقعه نك خادمی ذکر خیره مظهر اولور . انجق اوذات کیمک برگشته سیدر . اوذاتی
اوخدمته اتخابندن طولای مشارالیهده بر حصه پسند دخی دریغ اولمشدر .

برقاچ کشی یوزندن اصحاب مزبانه رغبتی وقدر دانلنی منسی حکمنه قونلق ایسته نیلور .
مثلاً : صفوت ، خیرالدین ، عارفی قدری پاشالربی بهره دار علم وعرفان ذواتی موقع صدره
جودت عاکف وعابدین و کریدی سری و از میرلی مصطفی ، منیف و قازی احمد مختار
سعدالله ، ممتاز افندی زاده رضا پاشالری عالی پاشا زاده علی فواد بك وسر کتابی توفیق بك
وحسنی افندی و سائر کبی بحق فضالادن و صاحب ذوات بر تسکاتندن اولسنه نظراً غیر
مقدر ایدی دنیلهمز . دائره کتابتنده مکاتب عالیهدن برنجی وایکینچی چیقمش ذوات
مقتدره یی استخدام ایدر ایدی .

شمائل شاهانه وصورت تلبس

اورته بویلی ، وجودینک قسم اعلاسی قسم اسفلندن اوزون ، صدری عریض ،
شوموزلر قالدینی ، بویی اوموزلره براز کوملمش ، باشی بویوجک ووجهی کنیش ،
شقاقلری ویاناقلری آزاباقچه ؛ انفی خاندانه مخصوص شکل منقاریده ، کوزلری غایت
پارلاق و باقدقلرینک سرار قلبیه سنی اوقور صورتده مدقق ، وجودی شحم زائدن عاری ،
فقط قوی البینه ، صدالری ، قالین وکور ، افاداتی منقح و ساکنانه ابدی تبسمی کثیر ایسهده
سلطان حمیدک قهقهه ایله کولکاری ایشیدلمه مشدر . قامتی برازمنحنی ، رفتاری ، طبیی کبی

پروکار و آهسته اولوب نزاکت طبیی ایلہ برابر هر حالندہ و اطوارندہ بر مہابت نمایان اولور ایدی .

غایت حساس ، سریع الانتقال ، حافظہ سی متین و دقی چوق ایدی . ہیئت عمومیہ سیلہ کندیسنده برفوق العادہ لك مشہود ایدی .

طرز تلبسی دہ موقع و سنی اجاباتہ کورہ شاہانہ و ظریف اولوب ، قیش و یاز اوکی ایکی صرہ دوکھلی اینجہ و یاقالین یومشاق قاشلردن یاپیش اوزون بالطولر کیر و فنی ، جہجہ سی اورتہ جک درجہ دہ بویوک انتخاب ایتک معتادی ایدی .

بوالبسہ لری ، بک اوغلندہ مغازہ سی بولونان بر آلمان تری طرفندن احضار اولونوردی . تلبسندہ مراقی حسیلہ چوق البسہ اصہار لار و چوق البسہ مالک ایدی .

ہلہ چاشیر خصوصندہ مشکل پسند اولدیغندن ، جانب ایتدیکی قاتالوغلردن ، صحتی صورتندہ معمول بولونان اشیانک بالطبع الکیمتدار و نفیسی انتخاب ایدر ، انکلیز معمولاتہ ہپسندن زیادہ رغبت ایلردی . جوراب و مندییلری پک سوردی . اکثری کودریدن پاکلر کتیردیر ، بونلردن بعض بندہ کاندہ دہ اہدا و احسان ایتک ذوقی ایدی .

یاز قیش آیاقلرینہ موسمہ کورہ یاپیش قونجلی و اوزون اوچکھلی کوسلہ سی قالین قالوشلی بوطلر یاپدیرر ، بونلری برقاج دفعہ کپدکن صوکرہ ینہ شوکا ، بوکا ویرردی . دوریدنلر جزؤدانلر ، نوط دفترلری و قلملرہ ، الاعلا انکلیز چاقی و مقاصلرینہ دہ پک زیادہ مراقی وار ایدی .

حاصلی اشیا خصوصندہ نفائس پرست و فقط کندی نفسی ایچون ہر شیئک سادہ لری ترجیحاً قوللانیر ، ہر شیدہ انتظامی سور و کوزہ تیر ایدی ،

پاپدیغنی یا پہجغنی و آلدیغنی آلدیرہ جغنی درحال نوط ایدر ہر نوع سپارشلرینی دخی اہمیتہ کورہ توسیط ایتدیکی آدمہ نوط ایتدیرر . بشریتدہ مقتضی خصوصاتک ہیچ برندہ لا قید قالمزدی .

اجانب نزدندہ موقعی

ذکاسی و دلفریبانہ معاملہ سیلہ اجانیکی حرمتی قازانمش اولدیغندن ذاتہ و نفسہ اضافہ ایلہ ایشی کوردیرر . احوالندہ کورولن فوق العادہ لکہ حیران اولانلر مقاصدینی تسہیل ایلہ افتخار ایدرلردی .

حکومتلر نزدنده باب عالیجه اصفا ایتدیر یلهمه ین پک چوق ایشلرده ، تشبثات
خصوصیه سنک کارگیر تاثیر اولدینی کورلمشدر . کندیسی ده اولرک ایشلرنده اعتنا مسلکینی
اعتیاد ایله مش اولدیغندن ایشلرینی قیصه یولدن کوردیرمک ایسته ینلر طوغریدن طوغری به
سلطان حمیده مراجعت ایدرلردی . [۱]

انکلتره و آلمانیا سفیرلرینک مراجعت خصوصیه لرنده بونلره زیاده جه نوازش کوسترمه سی
اوزرینه ، نزدنده بولنوب بو حال کورن محرم امورندن بری اثر تعجب اظهار ایله دیکندن :
— برینک عظیم دونانماسی ، دیکرینک جسیم اردوسی وار بزمده طاقلی دیلجن
اولماسونمی ! دیدیکی منقولدر .

اوروپاده کی بعض اختراعاتک بر نمونه سی ، حکمداران اجنبیه طرفندن صورت خصوصیه ده
خاقان مقفوره اها ایدیلیر ایدی که بونلردن بعضیلری مؤخرأ موزه عسکری به انتقال ایتمشدر .

[۱] بو بوزدن دولک بوتون مهم اموری غیر مسئول اولان پادشاهه انتقال ایتش و اوزمان باب
حالیکنک هیچ برامبق قالمامشدی .

ختم

لاحقہ

اسباب تجسس و تحذر

بویخت طویل الذیل دخی خارجہ دن کوردیکمز، ایشتدیکمز ویلایکمز صورتہ اولیوب، مشہودات و معلومات ذاتیہ یہ استناد ایلدیکندن، ضال و مضل اکلا شلق اوزرہ سزای تفصیلدر. بناً علیہ یک مهم، مزعج و بعضاً خندہ آور صفحہ لره آریلان مبحث مذکور مراق ایله تعقیب اولنه حق شیردندر.

سلطان عبدالحمیدی تنزیہ ایچون سویلیورم: هر حکمدار محافظه حیات و سلطنتی قیدندن وارسته دکادر. المانیا ایمپراطوری (ویلهلم) که استانبولی ایکنجی زیارتندن برهفته اول ایمپراطور حقنہ افکار و احوال محلیہ بی طبقات متنوعه دن بدقیق و تحقیق ایتک اوزرہ متنوع کسوه لره بروشمس سکزنفر آلمانیا لی کلش ایدی. بونلر پولیس مأمورلری اولیوب، ایمپراطورک خصوصی محباری ایش. (بزخفیہ دیرز) حتی ایچارندن برینک ثروتدار برمجوهرجی اولدیفنی تشخیص ایدنلر سویله دی.

یعنی هر برده و هر حددار نزدنده بواصول جاری اولوب اگر او یله اولسه هر مکیدن و مفسدتک زیر خفاده قاله جنی آشکاردر. فقط افراط ناجا اولوب بونک سبیلری و مسبیلری ده اولسه ینہ طبیعی معذور کور یله مک ایجاب ایدر.

بز مطالعائیزی بوقدر ختم ایدوب مسموع و مشہودیمز اولان بعض وقایعی اراد ایدہ لم.

تجسس مراقی نه زمان ابتدا ایتش

مدحت پاشا حین صدارتندہ پادشاهه برتبدل وکلا لیستہ سی تقدیم ایتش، بوتبدل افکار پادشاهی یہ توافق ایتدیکندن خاقان مخلوع بونی سکوتله کچشدرمک ایستہ مش. بوندن مغبر اولان صدراعظم خواجه شاگر افندی واسطہ سیلہ بعض طلبہ علومی تحریک ایله پادشاهک اول زمان مقیم اولدیفنی طویلہ باغچه سرایی میاننده نمایشلر اجرا ایتدیرمش

بالطبع و همناك اولان پادشاه صدر مشارالیهی آقشامی سراینه دعوتله پاشا دائره سنده مترقب قبول حضور ایکن سرای قاپوسیندن علی ملاالنفاس چیقارلدینی تقدیرده فتنه ظهوری ملاحظه سینه بناءً پاشانك اوطوردینی دکره ناظر بر پجیره نك پارماقلقاری اولجه سوکوله رك مشارالیه مدحت پاشا بو پجیره دن چیقارلش و صورت مخصوصه ده احضار اولونوب ساحله بکله یین عزالدین واپورندن کلن برفلکه یه ارکاباً واپوره نقل ایدلش و بوصورت غریبه ایله ممالک اجنبیه یه طرد واجلا قانمش ایدی، فقط بویله بعتاً پاشانك اجلا اولغیسی افکار ملتده نه تأثیر و تأثیر حصوله کتیردیکنی مراق ایدن پادشاه و سائط خصوصیه ایله ارشدرمغه باشلادیقندن ایشته تجسس، اولزمان پیشه ایدنش اولدینی منقولدر . افکار عمومیه ده پاشا ایچون او یله يك مهم برتاقی کوریه میوب بعض منسوبینك پس پرده دن مترقب فرصت مکاید اولدقاری آکلاشلماقله انلرده پای تحتدن اوزاقلاشدیرلش، اورته لقمه امنیت حصوانه مبنی پاشای مشارالیهك طقوز آی صکره پای تخته ورودینه مساعده ایدلش ایدی .



ایک نجی قسم پادشاہک اسباب توہم و تجسسی

علی سعاوی وقعه سی - سلطان حمیدہ ایلک سوء قصد - پادشاہی اولدورمک ایستہین برزوم

علی سعاوی وقعه سی

بوصورتله نتیجه لمان بومستلہدن صکرہ پادشاہده ینہ براطمستان حاصل اولمش ایکن برکون چراغاندن طوغری توفنک و طبانجه طرافہلری ، مسامع مجاورینی تدهیش ایتکله اول وقت ییلدیز سراینه نقل ایتمش اولان پادشاہک ، کوش دہشتندہ طنین انداز اولان یوطراقہلرک تحقیق اصلنه اعزام اولنان آدملر ، شخصیتی پک چوق دیدی قودیلرہ سبیت ویرمش اولان مشہور علی سعاوی افندیکنک ، روم ایلی مہاجرلرندن برطاقم اشخاصی قانديروب سلطان مراد خان خامسی تکرار جلوس قصدبلہ دکز طرفندن چراغان سراینہ کیرمش اولدیفنی وبونک اوزرینہ مجیدیہ قرہ غواندہ کی عسا کر شاہانہ ویشکطاش حسن پاشا قرہ غواندہ کی ضبطیہ افرادی یتیشہرک سلاح ایلہ مقابلہ ایلرندن ، سعاوی افندی ایلہ روقاسنک بعضیلری مقتول وباقیسی الہ ایدیلہرک وقعه ختام پذیر اولدیفنی پادشاہہ اعلام ویشیر ایدرلرسدہ (۱۹۲۵ هـ) دہا برقاج سنہ اول عموجہسی سلطان عبدالعزیز خانک خلع وشہادت وقعه سندن متیقظ و عبرتین اولان پادشاہی بوواقعه بتون ، بتون وھمدار ایدر ، کندیلری ایچون ییلدیز وجوارندن تباعدی برزمانلر احتیاطہ موافق کورہ مہرک ، حتی پک چوق جمہ نمازینی ذیل حریقہ ییلدیزدہ (مجیدیہ) جامعندہ ادا بیوررلرایدی .

سلطان حمیدہ ایلک سوء قصد

دہا ، ہنوزسرای ہایونہ انتساب ایتماش ایدم . (۱۲۹۶ هـ) تاریخنک ۱۲ ربیع الاولندہ مولود نبوی آلاینک تماشای ایچون ، مذکور (مجیدیہ) جامی جوارینہ عازم اولدم . پادشاہ اول زمانلر ، جامعہ ، اسب سوار اولہرق عزیمت بیوررلردی . اوکون اخذ ایتدیکم بر موقعدن پادشاہک ، ییلدیز حدیقہ سنک مجیدیہ قابوسندن برموکب مدبدبلہ کادیکنی کوردم . بن بوموکبک ایلرولدیکنی تماشایہ طالمشدم پادشاہ ینک

طاشنه واصل اولور اولمز اوراده برهرج وهرج ظهوره کندی . پادشاه جامعه کیردی . موکب افرادی خنکار یآوری قیافتند . باشندن فسی دوشمش پریشان قیافت بر شخصی در دست ایتشلردی . بوهرج وهرج تماشا کران آره سنده نمایان اولمقله بنم ایچون پای ثباته امکان قلامش ایدی . بوصورتله کندیمی برسمت سلامته آندم ، بیت احزان فقیره قاجندم .

پادشاهی اولدورمک ایسته بن برروم

صکره دن او کړندم که ، (۱۲۹۴ هـ) تاریخنده یاتخی محافظه ایچون معیشتلری کندیلرینه عائد اولمق اوزره استانبول اهالیسندن (موکب) وبالاخره (ملکیه) نامی آلمش اولان آلایلر تشکیل ایدلمش ، آز زمان صوکره بو آلایلر لغو ایدلمشدی .

پادشاه بر خاطره اولمق و قیافتلری باقی قالمق اوزره بو آلایلر افرادندن یاقیشقلی اوج شخصی یاوران شهر یاریلری سالدکنه قید و قبول ایلشاردی . بونلردن بری (سیف الدین) نامی طاشیور ایدی که بوشخص دنی اولجه روم اولوب مشهور لغوفت (لغوفت) فاملیاسنه منسوب ایکن ، بویوک برادرینه کینه دار اوله رق آوروپابه عزیمت ایتمش واورادن نام آخرله قارداشنه ، مصنع برچکمهجه و بوچکمهجه نك اناختارینی با پوسته مظروفا ارسال ایدوب ، تحفه مهلهکه لدی الورود بیچاره آدم ، مفتاحی حین تطبیقنده بر اشتعال وقوعه کلکله ، باشنک اقسام کلیه سندن مجروح وایکی کوزندن محروم اوله رق یالکیز حیات بی سود و نابیناسی آرتیه قالمش و برادرینی ، بوشکل مؤسسه تقلیب ایدن اوشخص ردی ، استانبوله عودتله ، ایشک کندیسندن صدورندن شهه دار اولان عائله سنک ، طعن وتلعینندن وارسته قالمق زعمیه اسلاحی قبول و مذکور (موکب) ویا (ملکیه) آلایلرینه دخول ایتمش ایدی . صرقوم مذکور الاسامی وهی وکنعان باشالرله سلک یاورانه التحاقندن صوکره ، برشیئه اغبرارندن طولای اوله جق ، که پادشاه حقنده دخی برسؤ قصده نیتله ، آلائی محله مواد مشتعله ایله عزیمت و آئی استعماله مبادرت ایلدیکی ائنده دردست قلندینی آکلاشلدی .

مجهول بر شاپقه لینک یلدیزه هجومی - یلدیز سراینه کیره ییلمک ایچون سرایدہ کی طاغستان آلاینک داغیدلمہ سی

پادشاه ، تعرض و تعرضدن صافنہرق باغچہ سنک قیوسنہ برقاچ یوز خطوہ دہ کی جامی ،
مصون تعرض ظن ایدر ایکن اورایہ دہ وسائل مہدکنک ورودی ، مشارالہی پک بیزار
وہادتا مبتلای عموم واکدار ایلر . بونک اوزرینہ بالطبع وبالاحتیاج تقید و تجسس آرتار
ہقید احترازہ برقات دہا صورت ویریلور . مرقوم لدی الاستنطاق نہ صورتلہ ایسہ جزای
مایلیقندن باشی قورتاروب یالکنز ممالک اجنبیہ یہ چیقارماق صورتیلہ مظهر مرحمت
وعنایت اولور . [۷]

یوقمہ یی شویلہ تحف برشی دہا تعقیب ایدر : خاقان مخلوعک (یعنی سلطان مراد
خامس مرحوم) قرناسندن (سید) بک بشکطاشدہ مقیم اولدینی (سرنجہ بک) بوقوشندہ کی
خانہ قومشورلندن دار شورای عسکری باش کاتبی (سعید افندی) وینہ مأموریندن
مختار بک و سائرہ ایلہ بالاتفاق ؛ خاقان مخلوع ایلہ کویا مخبرہ اجلاسہ ابتدار ایلہ یوب
پاردقلمری مکتوبلر ، چراغان سراینہ جاری صویولارندہ مشمع بر دوش اولہرق خط
ہستریلہ دردست اولنور . مومی الہم دہ ولایاتک برر محلہ نفی و تبغید قانور ایسہ دہ
بودرجہ یہ قدر خردہ لی تشبثلر پادشاهی بوتون ، بوتون توہیم ایدر .

واقعا عالم ، وقایع کونا کونہ مخنہ در . دنیادہ انسانلر ، ہر درلو مشاق و محن اقتحام
ایدر ، افراط اوہامہ محل یوقدر دنیلور . انزواکاہ واقامتکامہ مزہ دخی خارجدن و داخلدن
بر ، ایکی تعرض و تجاوز ، بزلی درلو تقید احترازلرہ مجبور ایدہ جکفی کسہ انکار
ایلہ یہ من . کندیسنی ، عسکریلہ ، محافظلری ایلہ مصون تعرض ظن ایدن پادشاه بویلہ بلالرہ
اوغرار ایسہ توہم و توحشدن رہا بولامازدی ، ظن ایدہ رم .

قارئین استعجال بیورمہ سونلر یوقمہ ار ، نقل ایدہ جکمز وقایع آتیہ یہ نظراً پک سادہ

شمیلر در .

[۱] مرقوم ، وؤغراً عنو ابدیلہ رک ینہ استانبولہ عودت ایتیش و تکرار ایتیش

ایکن ، بوغاز ایچندہ را کب بولندینی قوطرہ ایلہ غرق اولمشدر .

مجهول برشاپقه اینک ییلدیزه هجومی

برکون دخی ، ییلدیز سراینک (قولنوق) قاپوسی اوکنده [۲] دولاشمقده اولان برشاپقه‌لی شخص [۳] بقتہ تشہیر سلاخ ایله ضمانت ایدن قاپوجیلردن بمضیلرینی جرح و قتل ایدرک بوصورتله قاپودن ساحہ سرایه کیرمکه موفق اوله‌رق ، حرم قاپوسنه طوغری هجوم ایندیکی اثنائوہ یاوراندن برذات ، مرقومک اوکنه چیقارق ، بالمجادله ، صائی هلاک وکندیسی‌ده زخماک اولوق صورتیله وقعیه نتیجه ویریلیرسه‌ده ، پادشاه ، بونک سبب و مسیبنی تخمیندن طاجز قاله‌رق بوصولتکیر مجنونک اتلافنه تنکدر و بووقعه‌دن صوکره‌ده برقات ده‌ا حرکاتنده تحاظ و تحذر ایدر اولدی چونکه ، قولنوق قاپوسنندن کیرلک‌کدن صوکره ، حرم قاپوسی بولوق ، ییلدیز موقعی برقاج دفعه زیارت ایدنلرجه دخی صوروب اوکرنمکجه پک آسان دکادر .

بویله برشخص اجنبینک ، بمض قاپوجیلری اتلاف ایله حرم قاپوسنه هجومی ، آنجق اوزون اوزادی‌یه تدقیق ایله ترتیب اولونمش بریلان نتیجه‌ی اولدیغنه شبهه براقایورسه‌ده حریفک اتلافی حسیله مسئله‌ده‌کی اسرار آکلاشیلاماشدر . یالکیز ، اوزرنده ظهور ایدن اوراق و آثار ایله برایتالیان اولدینی تظاهر ایتشدر .

گرچه حریفک حرکتی دلیجه برشی اولوب مرقوم قتل ایدلیدی محله یاقه‌نی قورناروب باب حرم هابونه واصل اولسه ایدی بیله یینه اوراده‌کی تفنکی بکجیلر طرفندن مطلق تلفد ایدیله‌جکی آشکار ایدی .

ییلدیز سراینه کیره ییلمک ایچون

نه فائده‌که مرقومک بوجرائی دخی پادشاهی یکی قوشقولره دوشوردی . سرای قاپولرنده تفنکی و نوبتی عسا کر تکثیر اولوندی و ییلدیز سراینه کیرمک ایسته‌ین هر شخص مشکلاته وازعاجات واستجواباته معروض براقلمه باشلانلدی . بر زائر هر کیمک یانه کیده جکسه قاپوسی خارجنده تأسیس قلنان قولوبه‌ده بکلتدیریلهرک زیارت ایده‌جکی یردن

کوروب ، چیقدینی معلوم قاپو .

تیزه ایندیکنندن بومشی کسه‌نک نظر دقتی جاپ ایتمه‌شدر .

صوریلور . فقط سرای ، نسوینی باشلارندن قورقدقلری جهنله قولای ، قولای هر کسی قبول ایده مز اولشلر ایدی . چونکه ، زائر قبول ایدلیکی تقدیرده ، ساعت زیارت وعودتیه زائرک وکیمدیکی دائره نك اسمی در حال قابوچیلر کانی طرفندن دفتره کچیریلور . و اودفتر یاتسودن صوکره سلطان حمیده تقدیم اولونوردی .

طاغستان محافظه سواری عسکرینک لغوندن صوکره ارناوود تفهکجیلری تکثیر قلندیغی و ارناوود و صرب طابورلری تشکیل ایدلیکی کبی خنکارچا ووشلری دخی اوزمره دن انتخاب وایچرو آلندی .

سرایده کی داغستان آلا نك داغیدله سی

طاغستان آلا بی ینه توهمدن ناشی برکونده طاغیدیلوب همان افرادی مملکتلرینه احاده ایدلدی و قوماندانلری محمد پاشا تحت استجوابه آلندی . بونلرده ، خاچ پادشاهی به مترقب فرصت اولدقلری اخباریله طاغیدلردی . بومسئله ده صدراسبق سعید پاشایه برآز ؛ مشیر فؤاد پاشایه ده خلیجه کدر ایرشدی . فؤاد پاشا استنطاقلره بیزار ایدلدکن صوکره البته بری الذمه بولوندقلری آکلاشیله رق ینه سربست براقیلمشلرایدی .

طاغستان آلا بی افرادی پک ماهر ، پک شجیع اشهب سواران اولوب ، سرعت برقیه ایله آتلری قوشارکن اکر اوزرنده آیاغه قالقهرق اوکه و آرقیه دونمک اوزره سلاح بوشالدير . آتنک قارننه صارقه رق تحفظ ایدر ، آنک رفتار سریعی اثناسنده یره اینر ینه اسینه بینر ودها سائر معرفتلی یاپار . تماشا کرانی اعجاب وحیران ایدرلر ایدی .

بونلرک جمله سی ده برچیرپیده سیچمه ، لوند قامتلی و ملی قیافتلی ایدیلر . ابتدای امرده بونلر نزد پادشاهیده پک مقبول و معتبر ایکن کندوسنک خاخنه متشبت اولدقلری اخباری دخی انواع و سوسه لره منضم اولونجه تحفظ قیدی ده آرتارق الفا ایدلایلر .

مصاحب زنجی ندیم وقعه سی - (اورسینی) سیمت منده بومبا مسئله سی

مصاحب زنجی ندیم وقعه سی

ینه برکون ، کاغذ خانه تنزهندن عودت ایدن زنجی مصاحب لردن (ندیم) نامنده تور کجه سی
آز بر سودانی ، آرقداشلرندن دیگر بر مصاحبی کندی دائره لرنده باله ورور و لورایله قتل و اتلاف ایدر ،
بوکارنا هموارندن ندامت ایدن مصاحب (ندیم) روو و لورینی ، باقی قالان فشنک لریله در جیب ایدوب
نیاز عفو و امان مقصدیله حضورهایونه شتاب ایدر . نزد شاهانه یه واریر و ارماز پادشاهک آیاقلرینه
قابانق وضعیتی آنجه بو آرائق مرقومک آئنده برور و لوره اولدینی کوریلور . بالطبع پادشاه
زیاده سیله قورقار ، او ائنده نه حرکت و معامله جریان ایتدیکی ، او طه ده پادشاه ایله (ندیم) دن
ماعدای کیمسه اولمادیغندن مجهولدر . پادشاه بر تقریب او طه دن چیقوب مرقومی دردست
ایتدیرر . عبدالحمید تمنا دن ماعدای هیچ بروضع خشوعدن خوشلانماز و کیمسه یی یاقینه
صوقاز ایکن بویله بروضعیت قارشوسنده قالدینی وقت نه درجه مضطرب و وهمناک اولدینی
تخمین ایتک آساندر . هر نه ایسه زنجی قالدیریلور . وقتوا امینی خانه سندن در حال جلب
اولونور . سپاهی ده جرمنی اقرار ایتمه سنه مبنی اعدامنه فتوی آئوب ایرتسی صباح علی السحر
بشکطاش قره غولی جوارنده صلباً افندان صوکره همان ایپدن آئوب دفن اولونور .
فقط ایش بونکه بتمه یوب دها برچوق کشیده بو خصوصدن طولانی تحت استنطاقه آئیر .
طبانجه ایله بر آدمی قتل ایتدیکی حالده (ندیم) ک حضوره کیمه سنه فصل مساعده
اولوندی ؟ طبانجه سی ایشیدلیدی ، اصلی آراشدیرلادی ؟

استنطاقلر اجرا اولوندی ، دارالسماعده اعاسی شرف الدین اغا وباش ، ایکنجی مصاحب
و سره مصاحب لردن وحادثه قتلک وقوغه کلدیکی دائره خدمه لری کاملاً نفی اولوندی .

(اورسینی) سیمت منده بومبا مسئله سی [۱]

مزج وقایی براقمنده شاهدی اولدیم خنده آور بروقعیه حکایه ابدلم !
بر آقشام یاتسو زمانی ایدی | ساحلخانه عاجزی یه بریش چفته سرای قایی یاناشدی
فقیر بر تلاش اصلی قایق ریسنندن صوردم :

— یا:الر ، بکار قولہ لی مکتبہ سزی بکلیور وایستہ یورلز دیدی .

« ہنگام فتنہ اوردی بلال مبارکی »

یورہ کم آغزیمہ کلدی . عالی پاشا صدارتہ قوہ لیدہ برچوق کسان تحت استطاقہ
آلش اولدیفی واورادن نفی اولوندق لرینی خواجہ مشہور طوپخانہ مفتیسی دخی تحت
استطاقہ آلہرق بالآخرہ لینی یہ نفی ایدلایکنی سویلردی .

اووقعہ خاطریمہ کلدی ، اوجای بی میمنتدن اورکمش ایدم .

نہ اولسہ چارہ سز کیدیلہ جک ! اجضاریمزہ سوق اولنان مذکور بش چقتمہ را با
پارم ساعت صوکرہ یعنی کیجہ آلاتورقہ ساعت ایکی رادہ لرندہ ، قولہ لی مکتب اعدادیسی
پیشکاہنہ موصلت اولدی . ریختیم کنارندہ وولطہ ایدن برضا بط قایق یانا شیر یانا شہاز
شتاب ابلہ قایقندن اخراجہ معاونت ایتدی .

واقعا معاملہ استقبال حرمتکارانہ ایدی . لکن بن تسکین اندیشہ و خلجان ایدہ میوردم .
پرتلاش وارتعاش ، مکتبہ کیملر اولدیفی ضابطہ صوردم . مکتب عسکریہ ناظری ذکی
پاشا ایلہ [۲] مابین ہایون ارکان مأمورینندن برذات ومکتبک رسم خواجہ سی سید بکک
ورودیمہ انتظار اوزرہ اولدق لرینی سوبلہ دی .

نوقاریشیق منتظریندن ، ینہ بر نتیجہ تخمین ایدہ مدم . (اللہ خیر لراحسان بیورسون)
نیاز تسامانہ سیلہ ، رہرو جای منتظرین اولارق ، برایکی دقیقہ صکرہ ذوات مذکورہ نک
حضورینہ داخل اولدم . بعد مراسم السلام :

مکتب طلبہ سی میانندہ ، (اورسینی) سیستمنندہ بر بومبا احضار لاندیفی مسموع شاہانہ
اولہرق ، بونک تحری والدہ ایدلمسی ایچون کوندردلکاری ، بنمده ، طلبہ نک ضبط افادتی
ضممنندہ کتیردلایکم آکلاشلدی . شو حالہ میرالای بکک مخبر صفتندہ بولدرینی مفہم
اولیوردی .

واقف حقیقت حال اولنچہ برار فرح نفس آلدیم ، اما ، تالی درجہ تحصیلدہ بولنان
طلبہ نک اوچتجی (ناپولیون) . آتیلان بومبانک عاملی (اورسینی) بی بیلمہ لرینہ احتمال
ویرہ مدیکم جہتلہ ، تاریخی برشہرتلہ بزمنش شو اخبار مصنع ناہمواردن طولانی کیجہ وقتی
طلبہ نک بیہودہ ازعاج اولونہ جغنی وخشیتمہ دوچار ایدیلہ جکنی تأمل ایلہ طوغریسی متأسف
اولدم .

شوتامل آره سنده اظهار زهر خنده ایلشم . اسبابی صور دیلر ، فکرمی صاقلامدم ،
سویله دم .

— نه که لازم آبکم ! سن مواظب وظیفه اول . دیدیلر . اوت ! وضعیت اوילה ایدی .
— بیورک ایشه باشلایلم . دیدم .

(هر حالده وهر مکنده کتم شخصیتی)

اخطاریله ، مخبره اخبار حال ایدن (کوزل تعلیم ابدلش) برچو جفک جلب واستجوابندن
باشلادق . بویله برشی یاپلیدیغی رفقا سندن برندن ایشتیکیکی سویله دی . راوی اولی
جلب ایتدک .

[اورسینی] و [بومبا] کله لرندن استعجاب ایله بویله برشی بیلمدیکنی و سویله مدیکنی
ویالکیز بریو وارلاق اعمالندن بحث ایتدیکنی بالیان اوده بر دیگر رفیقنه عطف اخبار
ایلدی .

حاصل کلام بوصورتله متسلسلاً اون ، اون بش طایفه ایله مشرف اولدق . جمله سی ده
(اورسینی) و (بومبا) کله لرندن برشی آکلامیور و متعجب اولیور لردی .
اک صکره کتیر دیلان برچو جغه ، مساعدت سوال آلر ق بن صوردم :
— یو وارلاق برشی یاپیلشم ، اونصل شی ر وکیم یاپدی ، دیدم .

— ها ! اوت ! (حسنی چنک کوبینک) علاجی [۱] آنی کنیدیسی اوندی یاپیش
مکتبه کتیردی ، نزهیه صاقلادی بیله هم . او بواقشام مآذوندر مکتبه یوقدر . فقط مکتبک
حام کلخانه صاقلادی ظن ایدرم . دیمه یی اوزرینه :

— امان ! کیدک باقک دییه رک ، مومی الیهی برضابط وداعتیله کلخانه کوندردک . بن :
— بومبا ! کلخن ! بر تضاد عجیب ، دیه میرلدانیوردم . بر آرز صکره یو وارلاق
نهادت میدان تدقیق اولدی . بو ، ایسانمش سیاه بر یو وارلاق اولوب حجمندن زیاده
آغیردی ، میر آلائی :

— آمان افندم پاموقسز ، محفظه سز بومبا الله طوبلز ، الله اسیر که سون بر قضایه

[۱] مکتب عکریه ده طایفه نومرو برینه اسامی واقعاتگاه ایله یاد اولنور . چو جفک اسمی حسنی
اولدینی بک خاطر مده دکدر ، مکتب اصطلاحده مستجوبک افاده سی صورتی تقلید ایتدم .

دوچار اولمیهلم ، دیور و اخبارینک صحتہ اقرانندن طولای اظهار بشاشت ایلکندنده
خالی قالمیوردی .

فقط مخبردخی ، ایلک نور مستلزم السرورینی نشره باشلامشدی . یووارلاق احتیاطاً
پاموقله بر قوطی به وضع اواندی یونی مستصحباً بزم قولهلمی ریختیمندن قایقه حین رکوبمزمده ،
آرتق شمس ، زرین شعله‌لری ایله قارشو ساحلده کی مساکنک جاملری تابدار ایتمش
وشو منظره بکا ، بوصباح الحیر الحلاصک شهر آیینی کی کلیور ایدی .

اویقوسزلفدن یومولش اولان کوزلرم یوتابنده تماشالره غداسنی آلدی آچلدی .
قوای جسمانیه مهده براتباه کلدی . یووارلاغک عاملی چوجنی تلاشسزجه بولدیروب بشکطاش
حسن پاشا قره غولنه کوندرملرینی ضابطانه تنبیه ایله بزعاظم سمت مقصود اولدق .
برآز صکره قایقی ، بشکطاش اسکله‌سی یوقا وسنده تنها اولان متروک کارگیر ساحلخانه
ریختمنه یاناشدیردق .

رفقا ، براز اویقو کسیدیرمک اوزره خانهلرینه کیده جکلربی و بنم ، میر آلالیله ،
(متاع مدوری) بشکطاش قره غولنه براقه‌رق کیفیتی خاکپای شاهانه‌یه عرض ایتمکله کئی
تنبیه ایلهدیلر .

تنبیه واقعه توفیقاً ودیعه‌لری قره غولده ترک وین سرایه کیتدم ، حرم قیوسی هنوز
آچیلیوردی . بر مصاحب ایستدم . حکایه خوان [۲] تشریف هایون مدیری حاجی محمود
افندی کاسی . قوله لیدن کلدیکمزی سویلهدم .

— اوت بیلورم اوته کیلر زرده برشی بولندیمی ؟ دیدی (ایشی بیلدیکنه نظراً ،
مخبرک عریضه اخباریه سنک واسطه تقدیمی اولدیغنی تخمین ایتدم) .

— اوت ایسانمش برجسم مدور بولندی مملری یوق بومبایه دیردیمز سوزی
آغزیمه طبقایه‌رق (بکزه میور) کلمه‌سنی تلفظه میدان براقادی .

— دور بن کلیورم . دیهرک ، برشتاب عجولانه ایله کیروسی کریه کیتدی . آر
مدت صکره کلدی . و :

— افندیمز سلام وموفقیاتکیزدن طولای بیان ممنونیت بیوریورلر ، شمعی کیمیا کر

[۲] بوذاتک کیجه‌لری ذات شاهانه‌ک یاتدینی اوطه یاننده (باراوان) ارقه سنده رومان
اوقودینک ذکر کیچمش ایدی . موی‌الیه بوضوطله کیجه‌لرینی سرانده وکوندوزلرینی ، خانه سنده
کچرر ایدی .

حضرت شہریاری ہونقوفوسکی پاشایی جلب ایلہ برابر کوتورہ جکسک وخپوہ بی کمال احتیاطلہ
آچدیروب محتویاتی راپورینی آلمکز ! اوتہ کیلرلہ برابر کلیکز . بن :

— عرض کیفیت دہ تلاش ایتدیکز . اوتہ کیلر اورادہ قلمدی برابر کلدک ، صباحہ
قدر اویقوسزلقدن برای استراحت خانہلرینہ کیتدیلر ، مخبرلرلہ (متاع مدوری) بملہ
بشکطاش قرہ غولنہ سوق ایتدیلر . بر آزدن آنلردہ کلہ جکلر او وقت ایشہ باشلارز .
فقط افادات مضبوطہ دن جسم مذ کورک بومبا اولمدینی بورادہ ینہ درحال سوزمی
کسہرک (آکلاشیلیور) کلہ سنک تلفظنہ امکان براقادی ویدی کہ :

— سنک نہ وظیفہک ! سن کیمیا کری کتیروب برابر قرہ غولہ کوتور ، اورادہ بکلہ ،
آنلرک بورایہ ورودندہ اورایہ کوندیریم . ایشہ باشلارسکز . ہایدی باقالم ! تنبیہلہ بزہ
صو صدیردی .

بن کیمیا کری جلب ایتملرینی قرہ غولہ بیلدیردم . کندمدہ عازم اولدم .
یووارلاق عاملی طلبہ بی دہ کوندرمشملر ایدی . چوجق ، اون آلتی یاشندہ قدرضعیف
البنیہ برکنج ایدی . جسم مدورک کندی طرفدن اعمال ایدیلوب ، ایدمدیکنی ومحتویاتی
صوردم :



ایک نئی قسم : پادشاہک اسباب توہم و تجسسی

(اورسینی) اصولی بومبا نہ ایمش ؟ - پادشاہ اخباراتہ نہ دن اہمیت ویردی ؟ -

سعید پاشا و سلطان حمید

(اورسینی) اصولی بومبا نہ ایمش ؟

— اوت یادم ضعیفیم وار. تور پولنش چلیک طلاشی ایکی به بولنش برہندستان جویری درونہ مرطوباً قویوب برقچ کون آنی فرو نہ ترک ایتد کدن صکرہ چیقاروب برکاسہدہ صویہ قویہرق ینہ چند کون صکرہ بوصودن صباح، آقشام بر فنجان ایچیلورسہ قوت ویرر. دیدیلر بندہ یادم حمام کلخانہ براقدم، ایشتہ بویوارلاق اودر، دیدی.

ایش آ کلاشلدی، میرالای بک فنا صومورتدی، او آراق تحقیقاتہ ناظر اولان ذات ایلہ کیمیا کر دخی ورود ایتشلردی ذی پاشا کلیہ جکمش.

جسم مدورک حقیقی مومی الہمدہ آ کلاتدی. (کشادی ایادی نزاکت و احتراز و وابستہ اولان) بوخبرہ بر چکیج ضربہ سیلہ آچیلدی، تیمور ربزلر اورتہ یہ صاچلدی. میرالایدن ماعدا بالطبع بو حال جملہ نی مجبور خندہ ایلدی. کیفیت اولدینی کی تحقیقاتہ ناظر اولان ذات طرفندن شوکتا بده عرض اولندقدہ : بلارنجیدہ میرالای بکلہ، طلبہ نک ترخیصی امری چیقدی.

مخبردہ بلکہ مغفلدر دیلم !... جملہ دن اول کیفیتی مکتب ناظرینہ اخبار ایلہ تحقیق و تحری اولنوب میدانہ چیقارلسہ، اوصورتلہ ایش آ کلاشلہ ایدی. بوخلیفہ، خلجانہ دوچار ایدلماش و آلدادلماش، بزلر مکتب طلبہ سی دە اویقوسزلقلہ ازجاج و اخافہ اولنماش و بومبا حقندہ، طلبہ دەدہ برفکر اویاندیرلماش اولہ جقدی. انصاف ایلہ محاکمہ ایدلسون! وسوسہ لہ، تجسس لہ، کیمتر ونلر سببیت ویریور!

بوتزہ یرو قباحشتدن طولایی مستحق جزا اولان میرالای بک حقندہ برشی یاپلیم؟ سوالی، مستوجب ایراددر..

پادشاه اخباراته نه دن اهمیت ویردی ؟

سلطان عبدالحمیدخان ، اصلی ظهوره چیقیمیان مسئلهلری ، برکونده مخبر ، حقیقته اقتران ایدن اخباراته موفق اولور مطالعه سیله بعضیلرینی عفو ایله قارشولردی . بو فکر بحامیدر ، دکلیدر ؟ بیله م .

شو مسئله مستلزم الضحک ، پک استلزام مضار ایتدیکندن مقرون عفو اولسون دیدیم ! او یله مسئلهلر ، او یله ضعیفلر ظهوره کنیردیکه : بیوک مقام صاحبیلرندن صدوری حسبله انسانی اعجاب و اغصاب ایتماک قابل دکلدی . مشارالیه او کیلری ده خوش کورردی ،

فتنه نامدر آنی سبیلر اویاندریر .

بنه بر مسئله مهمه نك تحدی دولایسیله مطلع اولدیغمز بعض روایات و بومیانده تصادف ایدیلان انواع تخریفاتك شوراده تخطر و ایرادی ، تنویر مسئلهیه بر مقدمه تشکیل ایدم چکدر .



سعید پاشا و سلطان حمید

سلطان عبدالحمید ، حین جلوسنده مابین هایون باش کتابتنه - انشته سی محمود جلال الدین پاشانك ملتئم سی اوله رق کتیردیکی - سعید افندی (صدر اسبق سعید پاشا) ، معارفه سابقه سی بولمقله برابر [۱] پک قوشقونلور مش ! .

[۱] صدر مشارالیه خاطر اتنده : جلوس کونی ، سلطان مراد خان خامس حضرتلرینك انفصال ایدن باش کاتبی ، سعدالله بک (سعدالله پاشا) تصادفله مشارالیه کی باش کاتبه : -- خافاز جدیدم انتسابکزه نه وقتدیریدر ؟ ... سوآننه کنندیسنك (یعنی صدر اسبق سعید پاشانك) - بوکون جوابی وبردکلرینی قید ایله نه سبیه مبنی ایسه : کتم حقیقت ایدرلر . حالبوکه سلطان عبدالحمیدک ، انشته سی محمود پاشانك قره دکنر بوغازی اغزندمه کی چقلکه ، جلوس مذاکره لری ضمننده جلب اولندقلری اتاده برکون او مجلس محرمانه یه بلا تکلف ، قیصه قامتلی برذتک داخل اولدیفنی کورمسی اوزرینه پادشاه مشمتر اولور . بو ، تقیری حس ایدن محمود پاشا : - راحتسز اولمک افندم ! محارمزدن سعید افندی (صدر اسبق سعید پاشا) تخت سلطنتی تشریفکزدده ایشکزه یارایه جقدر . بیافاتیله پادشاهی تطمین و تأمین ایدرک آندن صوکره ملاقاته مساعدله بدلمش اولدیفنی صروی بولنوب شوسبیله ، خاقان مشارالیه ایله مناسبتی او زماندن اولقی لازمکابر .

پادشاهک مشاهدہ حسیاتی اولان سعید پاشا پادشاهک خوف و اندیشہ سنی برطرف
ایتدیرہ جک مساعد بر فرصتہ مترقب بولنورمش ، برکون مدحت پاشانک :
— [مشروطیت] عقیدہ لری ایله مشبوع اولان افکارک دستور حرکتی ، سرایک
استقلالیتی فسخ ایتک و سزہ کندی وظیفہ کزی او کرتدکدر ، تبدیل وکلا ایچون تقدیم
اولنان عریضہ ، اوچ کوندرد موقع اجرایہ قونلیدی . بوحال ، بر صنعتکارک آنده کی بتون
اجہزہ صدقی ابطال و عقامتہ محکوم ایدر . بناء علیہ آندن ایش بکلمہ یکیز ، الح زمینده ،
عبدالحمید خاہ یازدینی تذکرہ دائرہ کتابتدن کچمکله باش کاتب سعید افندینک بالطبع
منظوری اولور . حین تقدیمده ، [پادشاهہ خوش کورنمک ایچون اولہ حق] اصرارک ترویجی
مناسب اولمدینی فکرینی بسط ایدر . پادشاهہ تردددر ایچنده بزار ایکن آنفا حکایہ
اولمدینی ارزہ طلبہ علومک نمایشی وقوعندہ مستغرق خوف و وخشت اولان پادشاه ،
محرم اجرا آتی اولان باش کاتبہ تدبیرمذا کرہ ایدر .



مدحت پاشانک تغریبی و سعید پاشا - سعید پاشانک بر حکایہ سی - سرایک عقل
خواجہ سی - سعید پاشانک محافظہ سی

مدحت پاشانک تغریبی و سعید پاشا

باش کاتب صورت آنفہدہ مدحت پاشانک ممالک اجنبیہ چہ قارلسنی تدبیر ایلدیکنی
عرض ایدنجه باش کاتبک بوتدیرینی پادشاهک تقدیر ایلدیکنی اوزمانکی مقرین پادشاهی
روایت ایدرلردی . طوغری دکلسہ کنہا لری بیونلربنہ !

سلطان عبدالعزیز خانک دائرہ سی جاریہ لرندن برینک ، خاقان مشارالیه حقندہ وقوع
قصده دائر ، روایتی سوزدن عبارت اولدیغنه پادشاهجه قناعت حصولہ مبنی مدخت پاشانی
طقوز آی صکرہ عفو ایله از میر والیلککندہ استخدام ایتمش اولمسندہ دخی باش کاتبک
رأی اولوب اولمدیغنی بیله مم .

بووقعہ لرندن صکرہ باش کاتبہ توجہ و امنیت حاصل اولور . پادشاه دیکر وکلادن دخی
قوشقولمغه باشلامش ، ایشته بورادہ : باش کاتبک ، مدحت پاشانک رفقایی اولان

وکلانک ترصد تحتند بولندیرلمیهرق سلطان احمد ثالث ، برادری سلطان مصطفانک خلغی اجرا ایدن وکلانی نصل برر ، برر عزل ونفی ایتمش ایسه [۱] اول صورتله حرکت اولنشی حقنده سرد ایتدیکی تدبیردخی السنده تحسین ایله دأثر ایدی .

صدراعظم اسبق کامل پاشا ، خاطراته اعتراضده ، وکلانک تحت ترصدده آلمنشی وصره (باش کاتبک باشنده بوحال کلهرک) (الجزء من جنس العمل) دیهرک قارشوله مش اولمنه نظراً ، حقیقت حال توضیح ایدر کیدر .

باش کاتبک مؤخرأ نشر ایتدیکی خاطراتنده کی ایکی فقرهده محتاج تصحیحدر . بری : اون سکرز ساعت ، حبس اولندیغی فقره سی اولوب بومدته یتمشک برذات ییوب ایچماهکه متحمل اولور ایسهده هرم ، عضوه وهن کتیره جکندن دفع حاجت احتیاجندن وارسته قاله من ظننده بم .



سعید پاشانک برحکایه سی

ایکنجیسی : پادشاهک باش کاتبه مؤخرأ خنچر کشیده ایتدیکی وغلاننده جیقاردینی برکوچک (روولور) ی باشنه طوتدینی فقره سی اولوب : سلطان عبدالحمید خانک (روولور) طاشیدینی جای انکار دکلسده حاضر وچویک بولونمق مقصدیله (روولور) ی غلاف ایله طاشیمادینی اربابجه معلوم اولدیغنه نظراً غلاف ایله روایتندن بویله برتجاوزک وقوعه کلدیکی دخی تبین ایدر . پاشای مشارالیه بونلری ، علاقه دران مشروطیته ینه خوش کورونمک فکریله قید ایتمش اولمایدر .

هرنه ایسه خاطراتک مندرجاتنده کی اعترافات ایلهده تبین ایلدیکی اوزره ، پاشای مشارالیهک ، جلوسندن خلای تکلیفنه قدر [۲] پادشاه ایله اوغراشمقدن برآن خالی قالمدینی اکلاشیاور .

[۱] راشد تاریخی

[۲] تبعه امکان بوقه سی ینه سلاطین مالفه عثمانیه دن برینه یکچریلر طرفندن بعض تکالیف ایله کوندریلان و (جلوس ایسترمیسکرز ؟ ...) خاطره منی تورید ایدن (...) امام کی آیاستفانوسده حرکت اردوسنه خلع پادشاهی بی پاشا تکالیف ایتمش دیرلر آخرنفسده پوف دیدی . ایمان چراغنه ! ...

سرایک عقل خواجه سی

وینہ اوکتابک مندرجاتندن وسرای خلقنک مشاهدات دقیقه سنہ مراجعت اولنجه پاشای مشارالیه ، ایلک موقع صدره کلدکاری (۹۶) ذی الحجہ سنندن پادشاهک اواخر سلطنتہ قدر موقع صدارتدن انفصال ایتماش کی موقع رأیدن اصلا و اصلا اوزاقلاشمه مشدر ، اوزاقلاشدیرلما مشدر . [۳] زیرا : صدارت موقعندن انفصال ایدنلر ، انفصالنک اوچنچی کونی : (موقع عبودیتده قائمز) قیلندن بر کره سرایه کلهرک ارتق بعمدا ، (برفوق العاده ایشده چاغیرلما قیجه) کنج انواردهده (صم بکم عمیا) مال حالسنه توفیق حال ایدرلر .

پاشای مشارالیه ایسه : موقع صدرده ایکن باب عالینک ایشلک گوشه لرینہ برلشدیردیکی آدم لرنندن ، سرایده طوتدینی واسطه لردن [۴] ال آلتندن آلدینی معلومات اوزرینہ لایحه لر ، خاطره لر تحریریلر ، جلب وجودینہ و کندی مطالعه سنه ، احتیاج زمینلری احضار و تحریری هر درلو تمسححات تقدیمندن بر آن خلی قالمیه رق دائما سرایده اثبات وجود ایدر ایدی .

صدارتده ایکن سرایی زیارت ترنده اعظمی بر ساعت بولنورسه معزولیتنده ، صباح دن ایشامه قدر سرایده اصرار وقت ایدر وایتدیریلوردی .

★★

سعید پاشانک حافظه سی

پاشای مشارالیه ، بیوک بر رجل سیاسی اولما مقله برابر ، قوه احاطه و حافظه ده خوار قدن ایدی .

باب حالیده کی اوراق و قیوداتی عادتاً یوتمش و خانه سنه طاشیمش عظیم هیاکلی یامش ایدی .

[۳] ایشته بونده قباحه خاقله مخلو مکدر .

[۴] حاله اولیه ایکن قیومزده بکلایان خفیه لردن شکایت اولنور . انلر مأمورین خفیه دن دکل مأمورین عانیه دن قیومز آدملو ایدی . بولنور دن جمله منک قبولرنده برر ، ایکیشر بولنوردی . خانه دن چیتاچه کیتدیکمز محلا ره قدر بزی تمقیب ایدرلردی ، محرر حاجز بولنور : - لالامز ، دیر ایدم . بولنورک وجودی ، امور دولتدن چکامش برذانه آل التندن اخباراتده بولونمق کی حائر اهمیت اولیه جفنی و بوشکایتلره قارش کمال پاشانک (الجزاء من جنس العمل) دیتمکده کی حقنی تسلیم ایتماک قابل دکرده .

صوك زمانلرده چلوس عبدالحمید خانیدن بری ، نه مسئله لر حادث اولمش ونه یاپیش ایشه :
 اقتضای حاله کوره بونلره مراجعت ایچون پاشا ، مسائل جاریه دوسیه لرینک ، یرلی یرینی
 خبر ویرر ، کتیرتیر وتلخیص ایدردی . پادشاه بوسبیلده مشارالیهک یقه سنی براقه مزیدی .
 پاشا ، حین جلوسده ، فائله لر طولاییمسینه اوزمان وکلاسنگ یاتسولره قدر باب عالیده
 قالمردن پادشاهی توخیش ایدرمش . بالاآخره بو حاللری کنندیسیده اثنای مأموریتلرنده
 اختیار ایتدکلرندن مشارالیهک باب عالییه مواصلتنی وعودتنی باب عالی تلغراف مدیرینک
 سرای تلغراف مدیرتنه اخباری تنبیخ قلممشدر . تلغرف مدیرلرینک بو مخبراته واقف اولان
 پاشا ، مغضوباً ، پادشاه شکایت ایتمش ایدی .
 نه دیمه لی بیلمم (البادی)



خلعه آلت اولق اوزره طلبه علومه پاره طاغیتلورمش - رضا یوسف پاشا -
 (ابوالهدا) افندی - کامل پاشا علیهنده برترتیب

خلعه آلت اولق اوزره طلبه علومه پاره طاغیتلورمش

رضا یوسف پاشا

وسوسه لره سببیت بحثی ده چوق صو کوتوریر . بز بونی بوراده ترك ایدم ده ذات
 وقعه یی حکایه ایدم .

بووقعه مرتبه نك توضیحه مدار اوله جفی اجلدن ، اعضای وقعه نك ده حال وشانی
 ترتیباته سائق اولان اسبابی دخی بیلمك لازمه حالنددر .

ملغا مهاجرین قومیسیمونی رئیس پتریچلی دستان آغا حفیدی رضا یوسف پاشا ، مشهور
 رشید پاشانك یتشیدردکلرندن اولوب بولوندینی مأموریتلرله برقات دها نزید معلومات
 ایتمش صاحب فضائل بررجل سیاسی ایدی .

ترجه قلمندن نشأ تله پارس سفارتنه کاتب وباش کاتب اوله رق بعده (آتیه) ، (پترسبورغ)
 و (طهران) سفارتلرینی احراز ایلش ، عربجه ، فارسی وفرانسزجه یی اولماتلرک فضلاسکی
 سویلر ، یازار وروسجه یه ده وقوفی اولسانلردن آشاغی قالمازدی . بودرجه بهره دار علم

وعرفان و سیاسیات اولمقله برابر صدر اسبق عالی پاشانک جلب توجهنه مظهر اولامایه رق برچوق زمان منکوب قالدقدن صوکره عبدالحمید خانک جلوسندن ۹۸ سنه سنه طوغری ایدیلن توجیه اوزرینه نظرگاه شاهانه ده کسب اقبال ایلش ایدی .

روسیه ورومانیا سفارتلریله ؛ سرای هایون میانه سنده ، ایش بیتیریحی ماهر برواسطه ایدی . بوایکی سفارت دولترینی ، مهارت سیاسی سیله دولت علیه یه یاقلاشدیرمش اولاسندن هریکی طرف زنده تشبثی مشر و موفقیته مظهر برذات ایدی .

خصوصات سائرده دخی پاشاهک ، مستشار مؤتمن و موقری بولنیوردی . حرم هایونده صوکره دن احداث اولنان کولده ، سفارت دونوشلرنده ورودینه منتظر بولونان پادشاهله (موتور) ویا فلکده ده برابر تنزه ایلر ، کتیردیکی خبرلری احرازایتدیکی درجه موفقیتانی اوساحه لطافتنده برقات ده کسب انبساط ایله ین طلاقیتله نقل ایلر ایش . ایشته بو قدر کمالات جامعہ سی ، وخدمات مهمه ده کی یارارانی ایله برابر سلطان حمید ، عشارالیه برعنوان رسمی ویرمزدی .

نه سر و حکمته مبنی ایسه ، سلطان عبدالحمید خانک بویله برشماریده وار ایدی . پاشای مشارالیه نزد شاهانه ده موقر اولمقله برابرلر البته خلق آره سنده ده شرف و شانیه کورنمک ایسترکه بو برحس طبعی بشردر .

نزد شاهانه ده اقبال مخصوصی غائب ایتیه رک خفیجه وقعه آتیه یه مشارالیه پاشا مدخلدار اولور .



(ابوالهدا) افندی

ولهدا ، (شیخ ابوالهدا) دخی مکر فسونکاریله پادشاهه زیاده تقرب و حلول ایتش واکرچه بهره سی وسط درجه ده ایسه ده ذکای مفرط ورأی شدید صاحبی بر آدم بولونمش اولمقله اونکله ده ذات شاهانه استشاریه رغبتله ، انواع عطایایه مستغرق ایدردی . ایستدیکی زمان ، حضوره کیرر و محرم ملاقاتلرله کسب شرف ایلردی . باخصوص طریق علمیه نک سلم منتاسنه قدر حیقارلمش ایکن رسمی برما موریتده قوللاناز ، مومی الیه ایسه مظهر اولدینی وجهه بالا عترار مقام مشیخته غایت حریصانه هوسکار ایدی . بوامنیه اوزایوب ، حیز فعه

کله دجه ، ذاتاً مفطور مکيدت اولديغندن ، هر در لواختياله برقات دها وسعت و تقويت ويرمك
طريقنه سالک اولور .

★★

کامل پاشا علمينده بر ترتيب

اوزمان ماليه نظارتندن انفصال ايله مش اولان بر ذات دخی تمادی ایدن معزوليتندن پله
زياده مفتور بولنيور مش .

اووقت موقع صدارتده بولنان کامل پاشانک سانی کنديسني استخلاف ايدنلره اوفق
بر همتله تافله آتدير مق محقق ايکن ، بودفعه ۳۰۲ تاريخنده موقع صدره کچيريلان کامل محمد
پاشانک ۳۰۹ سنه سنه قدر يدي سنه تمادی ایدن مأموريتي ، پاشايه کران گلکه باشلامش ایدی .
مع مافيه اسلوب قدیم اوزره او دملرده وقایع جاريه نك تفصيليه باب عالينک خطا آلود
حرکاتنه متدائر ترقيم و تقدیم ايتديکی لوايح ده هيچ بر ثمره ويره يور صدر اعظم عزله
اولونيور دی .

کونک برنده (برای خلع) طلبة علومه کامل پاشا طرفندن عطايای خفيه توزيحي سمع
شاهانه يه ايصال قلندی . بو خبر دلخراش ، کوش زد پادشاهی اولونجه ، بالطبع موجب تلاش
اولور . وهان ال آلتندن تفحص مسئله يه ، صیقي صیقي امرلر صادر اولور .

لدی التحقیق ، سلطان احمد مدرسه سیله . نور عثمانیه مدرسه سنندن اخذ عطایا ایدن اون
قدر طلبه علوم بوابوب بیلدیزه احضار ایدیور . سرای هایونده بعد الغروب ، کنج استراحت
چکلمش ایدم . اوزمان سرقرین اولان عثمان بك طرفندن بری کله رک محرر فقیری ایستدیکنی
تبلیغ ایتدی . همان شتاب ایلدم . وقت مزبورده سرقرین اولانلرک او طه سی ، (بویوک مایین) ده
برنجی قاتده ، وکلا او طه سی یاننده [۱] ایدی .

باش مایینجینک او طه سنه داخل اولونجه اوراده صاحب حجره سرقرین عثمان بکله ،
آنک دامادی اووقت باش کاتب بولونان ثریا پاشا ، (چوق ناموسلی ذات ایدی مولی غریب
رحمت ایده) وماليه نظارتندن انفصال ایلش اولديغنی بیلدیکم برذاته (خارجی اولان بوذاتک

[۱] وکلا ، هفته ده ایکی دفعه مابین هایونه کله کجه بواو طه ده اوتوروب اکل طمام وذات
شاهانه دن اخذ سلام ايله باب عالی به کیدرل ایدی .

اورادہ موجودیتہ معنی ویرمہ مشدم) وما بین ارکان مأموریندن دیگر بر ذات موجود ایدی .
 سانح اولان سلامہ مقابلہ احترام اجرا قلندقدن سو کره ، بر مسئله ایچون واقع
 اولاجق بعض استجواباتده ضبط نطق ایچون جلب ایدلدی کمی آکلادم .



طلبة علومك استجوابی - استنطاقك نتیجه سی نه اولدی ؟ - حقیقت نصل

آ کلاشیلیور ؟ کامل پاشانک سرای مخبری

طلبة علومك استجوابی

هیئت مستجوبه ایچون ، مابین ارکان مأمورینی اوزانک دخی اشتراکی اولدینی حالده ،
 ایشه بالابتدار ، مسئله نك مخبری اولان ذی علماده برتر به دار تزدمنه جلب واستجواب
 اولوندی : [سوختکانک مرهم فقری اولارق پادشاهک خامی شرطیله صدر زمان کامل
 محمد پاشا طرفندن پاره توزیع قلندیخی بحسب الصداقه « عرض » ایلدیکم معروضدر .]
 حیدی .

سوختکان پر خاجاندی بری دخی ، موقع جواب و استجوابه کنیرلدی .

— اوغلم اسمك نه ؟

— حمش (هاشم)

— پدرینك اسمی ؟

— حسمن (حسن)

— کاملی پاشا افندیمنز [چونکه افندیمنز دنیلهرک توزیع قلنمش اولدینی ، ویریان

رورناده محرر ایدی .] طرفندن کوندریلان آقچه یی آلدیکزمی وسزه قاچر غروش

ویردیلمز ؟

— الله برکت ویرسون ، اوزر مجیدیه آلدق .

— پاره ویررکن سزه برشی دیدیلرمی ورتکلیفده بولوندیلمی ؟

— خیر ! یالکیز [بوپاره یی کامل پاشا اسیمز کوندردی . کسمسه خیشلامایک

« نسله میک » دها سزه پاره کتیرله جکدر . [دیدیلر .

— پادشاه ایچون ده برشی سویله دیلرمی ؟

— اوت ! آنی سورمیسکز ؟ دیدیلر ، بونک اوزرینه پاره ویرن آدم : « پکی ! پکی ! »
دیه رک کتدی .

— سزه پاره ویرن آدم فصل برشخص ایدی تعریف ایده بیلیرمیسکز ؟

— خیر ! هوا یغمورلی ، باشنده یغمورلنی وارایدی ، یوزی آنی کورر نیورایدی .

— پکی اولادم هایدی استراحت ایت ! .. خطاب وتنیهله او ؛ کوندرلدی . دیکری

و بردیکری دها ، خلاصه اون کشی بویله جه حده استجوابدن کچرلدی . سؤاللار وجوابلر
هیچ تخالف ایتیوردی و ایتدی .

[صاف و مطیع آدملر] نه اولدیفنی ونه اوله جفنی بیلمیورلردی . طوغری ، طوغری

سویلیورلر ایدی .



استنطاقک نتیجه سی نه اولدی ؟

نتیجه استجوابه نظراً ؛ — صدر زمان کامل پاشانک طلبه علومه — بتون بوذوانک اقرار
صافیانه لرینه نظراً — پاره توزیع ایتدیردیکي ، تحقق ایلوردی . فقط مابین ارکانندن اولان
سرقرین و باش کاتب و دیگر بر مأمورک وجودندن بشقه مالیه ناظری معزولانک ، یعنی
خارجدن برذاتک او ، مجلس استجوابده و وجودینه هیچ بر معنی ویره میور و حیرتله و دوشو —
نجه لی نظر لرله ، کاه ، کاه مشالیه باققدن کنیدی آله میوردم .

اوده بو نظرلرک معناسنی مقدرس اولیوردیکه بلا سبب محرر فقیری تحسینلره مستغرق

ایدیوردی . بوده بئم ایچونینه [وفیه نظر] اولیوردی .

استنطاق نتیجه پذیر اولدی . کیفیت متحصله خاکبای شاهانه هرض ایدلدی . مسئله

شایع اولماق اوزره ، مخبرک و مستجوابلرک برر ایکیشر ییلدیز باعچه سنده کی [کابه] لرده [۲]

برقاچ کون مسافر اوله رق اقامت ایتدیرلمه سی و دیگر طرفندن ده دها پاره آلوب و آلیان

سوخته اولوب اولمادیغنیک ال آلتندن تحقیق و تفحصی اراده بیورلدی .

[۲] بوتون مشتملاتیه اوچ دوت کفی یانایله جک قدر کابه لر اولوب طرز انشالی بر باغچه

باشیر صورته نظر ربا ایدی .

سمت ؛ سمت مأمور لر تعیین قلندی . محرر فقیرده ؛ نوبتخی اولماق مناسبتیلہ عازم کلبہ احزان اولدم .

★★

حقیقت فصل آ کلاشیلیور ؟

ایرتسی کونی ، سراپہ عزیزیمتہ حاضر انور کن آلا ی مفتیلرندن [محمد سمید] افندی نامندہ برذاتک زیارت عاجزی یه گلش اولدیغنی خبر ویردی لر . کیمدر بیلمیورم اما : «بیور-سونلر !» دیدم . خفیف اللجبہ ، سیاسی لطیف صاریقلی ، عسکری شریذلی لاطہ اکتسا ایتش وقور برذات اولوب فقیرہ سلام ویردی ، اعادہ سلام و احترام ایلدم . مومی الیہ دیدی کہ :

— بن قریبکزده قومشو کرم ، سزک سنکزله متناسب اولمیه حق درجه ده رشدیگز ی ایشیدیورم . پادشاه منسوبنی بویله اولمیدر . بنم شا کردم برتر به دار حیلہ کار [فلان] افندی [اسمی خاطر مده قلندی] بعض سوختکانی [کامل پاشادن پاره آلدیلر] دیهرک ، [دقت ، دقت بیورلسون] توقیف ایتدیرمش ، بوفقیر لر اورته دن غائب اولمسیله بهضیلری ضابطه یه مراجعت ایتشلر ، کیمسه نک خبری یوق !! خوفناک کوزلر سراپه منعطف !! ایشته سراپه ، بویله سوزلر کتیریلیور و وبالہ سبیت ویردبریلیور . بویله لری ، کامل پاشا توزیع ایتدیرمدی محقق مالیه ناظری معزلی بالخاصه کندی آدمیله ، فقط [کامل پاشا نامنه] توزیع ایتدیروب کندیسی ده کیفیتی عتبہ علیایه ژورنال ایلدی . مخبر مرتبی اولان تر به دار ، بنم شا کردم بولمق حبسیله محرمانه برصورتده کندی ایشکذاراغنی آ کلاتمق صورتیله آغزندن قاچیردی . کند یسنی تکدیر ایلہ ترتیباته آلت اولماسنی تنبیه ایتدم اما خائن جرمنافع ایچون یینه یاپاجغنی یامیش . (الله ایچون) سوزلری کوش شاهانه یه اسماع ایت ! ممکنسه ، شوفقیر طلبه لری قورتار !!

اوف !! نه مؤثر سوزلر ، مزعج مسئلہ . هم ایشده بزم الیزک آلتندہ !! برکت ویرسون بوذات ستوده شیم کا مطلع دکل ! معاذالله فقیری ده بی وجه تحت تعریفه آله حق !! — متأثر اولمیک ، تعجیل بیورمیک افندم ! ذاتاً شمدی سراپه کیدیوردم صراحة اوله مز ؛ آل آلتندن تفحص حال ایدرم برشی اوکره نیرسم فیها ، یاخود افاده گزی . جناب

پادشاهه عرض و اعلام ایدرم . سز بکا ممضی برکاغذله افاده حال ایتلیس-کنز دیدم . « بک
اعلا یازیم » دیدی و یازدی و یردی .

سرایه کیدیور و هم ده مالیه نظارتندن منزله پاشانک هیئت استجوابیه ده موجودیتی
تقرس ایتش بولنیوردم .

الای مفتیسی [محمد سعید] افندینک ورقه اخباریه سنی . در حال ، فقط ماشه اوجیله
(ویریلان ورقه مندرجاتی شایان دقت اولغله ، لفاً عرض و تقدیم قلندی عی محاط علم پادشاه
اعظمیلری بیورلدقده فرمان شوکت مآب افندمن حضرتلرینکدر .) سطرلریله ، خاکپای
شاهانهیه تقدیم ایتدم . (هپ معروضاتم بوصورتله گذارش پذیر اولمشدر [۳]

کامل پاشانک سرای مخبری

ایرتسی کون خانه ده ایکن ینه سرقرین عثمان بک طرفندن استنلایکم خبر و برلدی .
(خیردر ان شاء) دهرله عزیمت ایتدم .

سرقرین عثمان بک ، بکا غیر مأمول بر معامله بارده ده بولندی . بوکاسب تصور
ایده بیوردم . برادیشمک ایجابی بکا قبا بر خطاب ، بک مورث اضطرار بدر .
فقیر — نه اولمش ، نه وار افندم ؟ دیدم .

عثمان بک — سن ایکی بیک غروش معامله کامل پاشانک سرای مخبری ایتمشسک .
بوکون (محمد سعید افندی) نامنده بری امضاسیله ذات شاهانهیه تقدیم ایتدی بک عریضه
مألندن بو حال سه زیلیور ، طور باقلم ایش آکلاشیلور . و در حال جاب ایتدی بکی آدملرینه : —
شونی سجادده جی باشینک اوطه سینه حبس ایدیگز ، بر تفنکچی ده قویه نوبجی قوییکز ! .
دیدی . بو توجیه بکا حیرت ویری . جوابه مقتدر اولانیوردم .

بزی مرحوم سجادده جی باشی ابراهیم افندینک اوطه سینه کوتوروب براقیلر
صاحب حجره اوراده بولنیوردی .

— بوده تحف ! ضرری یوق دور باقلم ! دیدم اقشام اولدی ، یانسودن صکره
ینه سرقرین بک دعوتی تبلیغ قلندی .

عزیمتمده باش کاتب ریا پاشا مرحوم ده اوراده اولوب ، الای مفتیسی فقیر محمد
سعید افندی ده احضار ایدلمش بولنیوردی . باش کاتب ، الای مفتیسی : « صدر اعظم
کامل پاشا حضرتلرینی نه زماندنبری طایر س-کنز ؟ » سؤالی ایراد ایتدی .

[۳] طبعی مفتی بک افانکاهی و موقع مأموریتی عریضه سینه ایضاح ایتدیرلمشدی .

تربه دارك اعترافاتی - کامل پاشانك عزله رمق قالمش - خفيه تشبثات
وتشكیلاتی نه ایدی ؟ صوكره نهله تحول ایتدی ؟

مفتی ادراك ، نطوق برذات ایدی . جسورانه :

— « عالم ناسوتده کامل پاشایی اصلا طانیام . عالم ارواحده کی استیناسنی ده ادراكدن عاجزم . بكا ، چوق سوال صورميك ! هم كندیكزی ، هم بنده كزی پیوده یورمايك ! تربه داری بورایه احضار ایدك ! ، هر حقیقتی حاجزیکز تبین ایتدیررم . » دیدی ، و برجه اخطار تربه دار ، احضار اولندی . واعضانه برادا ایله ، مفسدلك ، كاذبلك و بی نوعنه غدر ایدنلك ، دنیا و آخرتده عقوبت مدهشه دن تخلیص کریبان ایده میوب ، قهر قهاره دوچار اولملری محقق بولندیغنی ، ابواب توبه ، كشاده ایکن معترف حقیقت اولوب استغفار ایدرسه ، لطف آلهی پادشاهده عفو الهام ایده جكنی اوقدر مؤثر بر صورتده ایراد ایلدیکی تربه داره ، بررعه ایله برابر بزلرده ربكا عارض اولدی .

★★

تربه دارك اعترافاتی :

تربه دار ، ابراز تهوین اضطراب ایدرك :

— كنهكارم ، عفو ! ، . . . افندم ! ، . . . دیوردی ،

تصریحات ! دنیلیدی ، تربه دار : نطقه مجالی اولیه جق درجه یكیدن بكایه قاپلیدی ،
آرده : « سویلیه جكم افندم . سویلیه جكم » . . . دیوردی .

براز استراحتدن صوكره : — حقیقتی سویلرسه م عفو دن امید وار اوله ییلیریم ؟ . . .

شبهه سز (النجات فی الصدق) ! دنیلیدی . تربه دار ، صبیله رق :

— افندم فقرالق ! . . . شی افندم . (سكا بر ضرری یوق سن طلبه مك پاره آلدق لرینی

بزه خبر ویره جكسك ! . . .) دیدیلر . ییلمم فصل اولدی موافقت ایتدم .

هر کسی بر بهت و نفرت استیلا ایتش ایدی . محروم فقیر ، (کامل پاشایه مخبرلك عز وندن

طولایی) پر حدت دخی بولنیوردم .

کیتدیلهر ، کیفیتی عرض ایتدیلهر ، کامل پاشانک عنانه رفق قالمش ایدی . (اغبار شاهانه) ارباب دقته مستور دکل ایدی .

ایش بویله اولنجه طلبه نك درس عادتده قالمیری جائز کورولمیوب چونکه کامل پاشا روح مسئله یه کسب وقوف ایله مغیر اوله جفتدن امواته حرمتکار اولیان تر به دار فته کار دخی برانکده اوله رق عطایای سینه ایله قلبلری تطمین قلنه رق بروسه مدرسه لرینه کوندرلدی .

ذاتاً طشره خلقیندن اولدقلرندن استانبول و بروسه آنلره برایدی .

توزیعانک مرتب اولدیفی ، محمد سعید افندینک واسطه سیله تصحیحی چاریارشیموکارانک مسموعی اولنجه بزی ده کامل پاشا مخبر لیکله لکهدار ایتک ایسته مش ایسه ده ، مسئله آکلاشینجه بزده یقه یی قورتاردق یوقسه ، بزده ولایاتدن برینی بکنمک دوشیوردی !... .
وقعه شویله جه معلوم اولنجه بشقلرینک تزویرانی یوزندن اوپانان وسوسه لرندن دولایی خاقان مغفوره حق ویریلورمی ، ویرلمزی [۱] ؟ . . . اورالری قارئین کرام حکم ایتسون !

بز یالکیز پادشهی ، ارباب تزویر و ترتیبک پیشنه کوزجیلر قوپمقده کی حقی تسلیمندن کندینزی کیرو آله مامق اضطرارنده یز .



خفیه تشکیلات و تشبتهاتی نه ایدی

سکره لری نه لره تحویل ایتدی ! ...

محرر عاجزک سرایه حین انتسابده (۳۰۱ سنه سی) خفیه تشکیلاتی یاپلمش ایدی . یوز یکریمی لیرا تخصیصاتی اولان بو تشکیلاتده اوچ یوز - الی - بشیوز غروش معاش آلیر آدملر وار ایدی .

[۱] بزم فکر منجه قطعاً حق ویرلمز . دنیانک هر برنده هر وقت ضرور و مفسد یتشمشدر . فقط بویله ضرورلرک و فسدلرک تزویرات و افسادانه روی قبول کوستره رک اوله کندی وهمه دوشن واو وهمله بوتون تبمه سنی تضییقات و تمذیبات کونا کونه معروض برافان ویر آره لق مملکتده ارباب ناموس ایچون یاشامق امکالیرینی سلب ایدن حکمداران پک آز کورولمشدر .

فقط بونلر پک عادی و آیاق طاقی اشخاص ایدی . باشلرنده اوزون و قرمزی
فسلرندن و آیاقلرنده کی چیزمه لردن بونلرک هویتلری هرکسجه آکلاشیدلر یغندن خفی برایش
کورمک احتمالری یوق ایدی .

بونلر ، کیجهلری بک اوغلنده ، غلطه ده و شهرزاده باشی دیرمکلر آره سنده طولاشیرلر
وبلا اجرت تیآرو وقافه شاتنلره کیروب چیقملرینه ، تیآرو غازیو صاحبلری طرفندن
مساعده ایدیلردی .

سرایه کتیردکلری حوادثلر - : غازیو ویا تیآرو و سوراق آره لرنده برقاج کشی
آره سنده تصادف ایتدکلری قتاله و سرایه ، وکلایه تفوهات ناسزایه (مطلع اوله بیلیرلر ایسه
وساثره یه دایر ایدی .

زیرا : برقاج کشینک بر آرایه کله رک آیلقلرک چیقما مسی یوزندن شورایه بورایه آنوب
طوتانلری اخبارلری واقع اولدقده آوانسله شورادن بورادن پاره تدارک اولنه رق معاش
ویرلمسی اراده اولنوردی . محرر عاجزک بو حاللر پک خوشمه کیدر ایدی . بونلرک وجودندن
برفائده حصوله کلامکله سرایه نسبت عاجزیدن برقاج سنه صوکره لغو ایدلدی ، او
وظیفه لر تفنیکجیلره ویرلدی . کیجهلری بک اوغلی و غلطه و سائر غلبه لک محملرده نوبتله
طولاشیرلر ایدی .

اصل خفیه لک ، سرایه کیروب چیقانلرک آل آلتندن ایش کورملری ایدی .
بونلرکده انواعی پک چوقدر . بونلره بعضاً پاره ویرلمسندن رواجنه سببیت ویرلمش
ایدی .

بعض کسه لرده ، کندیسنی مشغول مفسدت کی کوستره رک تحت استعجوابه آلدیرر ،
تحقیقاتلر ، استطاقلردن هیچ بر نتیجه ظهوره کلامکله مستجوبک حال و شاننه کوره عطیه ایله
کوککلری آلتیردی .

پادشاهک توهملری هرکسک معلومی اولنجه آرتق ایشک آرقه سی آلتیز حاله کلش و بیچاره
پادشاهی هیچ راحت بر اقمز اولمشلر ایدی . جناب پادشاهک اوللری خرقه سعادت زیارتنه
کردونه - وار اوله رق قره دن و غلطه کوپریسی طریقله ، شاهانه برموکله کیتیمک عادتلری
ایدی .

کوپری آلتندن بومبا ایله رهو ایدیله جکلرینه دائرویریلان ژورناللره رغما پادشاه وهله

اولی‌ده پك مغلوب توهم اولدی . ایام اخیرده حمیدیه جامعه قدر بومبا کتیرلمی و او انفلاق دهشتناک نظر آ پادشاهک و همده حقنی انکار جائز اولمسه کرکدر . (رمضانک ابتداسندن اون بشنه قدر کوپری آلتنده عسکر و مأمورلره کیجه وکوندوز نظارت ایتدیرمک نوبت بکاتمک احتیاطیه ینه او طریق اختیار اولندی .

زوالمی‌بی حالنه براقمیورلردی ، کوپری آلتنه دکنه طورپیل وضعی اخبار کاذبنه قدر جسارت اولندی . پادشاه برسنه علی الفور ، اون قابانی کوپریسندن کچهرک زیارتی ینه فرهدن‌پادی . آکاده برقولپ طاقلمش اولمیدرکه ارتق قره طریق ترک ایله استمبوطله بشکطاش سرایندن ، طوقو سراینه کیدیلیمی تقرر ایتمش ایدی .

برارالق بوکاده برشی یراشدیرمش اولمیدرلرکه . پادشاه چراغان دأره‌لرینک بری اوکننده اسکله یایدیردی . ییلدیز بفتحسنک مجیدیه قپوسندن چیقیویروب بوقپویه قارشو اولان مذکور اسکله‌دن استمبوطه را اکب اولورلردی . صکره کسب امنیت ایدلمش اولملی که : ینه بشکطاش سرایی اوکندن رکوب عادتیه رجوع اولندی .



ژورناللری ویرنلر و توسط ایدنلر - پادشاهک آراباسنه بر نوزاد آتلماسی - سلطان حمیدک صوغوق قانلیلمی

ژورناللری ویرنلر و توسط ایدنلر

بوبادی توهم و توهم ژورناللر ، هپ خارچدن کلیردی . تقدیمه توسط ایدن بندگان دلالتده معذور ایدی . بری توسطده بولونماسه ، دیگر بری واسطه‌سیله تقدیمدن امتناع ایدنک خیانتندن بحث ایدلمه‌سی و ممتنعک تهلکیه معروض براقلماسی محقق ایدی . هم اخبار واقع ظهوره کلیمویرر ایسه اومسؤولیت مدعشاهی کیمک تحمله جسارتی واردر . مع‌مافیة مخبرده و (بیلنیرسه) واسطه‌یه دخی (ژورنالچی) تلقیبی آرتق زبازد اولمش ایدی . کیمسه حق و حقیقتی محاکمه ایتزدی . هله بوقییل ایشلری باشارمق اقتدارینی حازر اولمایان بعض ذوات ، برای تنزه (ییلدیز) سراینه هپاقشام ایکنددی و قنلری (نوبت) اوران موسیقیه دیگلمکه عازم اولان ارباب تنزه قدر ، ییلدیز جوارنده کورلدکده (اکلاشلدی بوده معلوملردن) دنیلردی . بویله تعریضلره هدف اولمق قورقوسیه ایام

عادیہ دہ اورالرہ کیمسہ یا قلاشہ میوب جماعت غیر مسلمہ اغنیاسی واجانب ، هوایی مساعدا بولد قیجہ : ماداملری ، چوجقلری و خدمتجیلریلہ آرابہ سوار اولہرق فوجا فوج کلیرلر موسیقہ دیکرلر ، صفای خاطرلہ تنزہ ایدرلردی .



پادشاہک آراباسنہ برنوزاد آنلاسی

بز توہمانہ قائل اولار قسلطان عبدالحمید خان ایچون دائما تعریضدن و تعریضدن کنیدی میز آلامایور ایسہ کڈہ ، (ظاهر من قبل الرحمن اولاجق) خاقان مرحوم دائما بروقعہ مهمہ یہ معروض قالمقدن خالی دکلدی .

بونجہ تقید و تحفظہ اہتمام ایدیلوب طورورکن مأمول ومنتظر اولمایان جہتلردن ظہور ایدن حادثہلر ، متوہم حکمداری بیزار ایلردی .

برکون دخی بشطاش سراینہ تشریف شاہانہ اٹاسندہ موکب ، بشکطاش کوپری باشی موقعہ مواصلتنی متعاقب درکین فرصت اولان برشخص ، قوجاغندہ بولوندر دینی بر بچق یاشلرنده چوجو غنی ، شایان حیرت بر مہارت و جالاکی ایلہ پادشاہک سوار اولدینی فایطونک ایچنہ آتی ویرمشدی .

أمان یاربی ! موکبی تشکیل ایدن اشخاص بربرینہ کیردی . چوجو غنی آتان شخصی دردستہ شتاب ایدن یاورانک رامی طفلی آتلیرنک آیاغی آلتندہ آزمہلرینہ رمق قالمش ایدی .

بو حرکت مجنونانہ دن ذاتاً صاغ قورتلیق ؛ طالعک فوق العادہ برمساعده سی دیمکدر . پادشاہ واقع اولان بویلہ آتی بر تعرضہ قارشو متعرضک سلاحلہ دہ اتلافی مأمول و محقق کبی ایدی . نصل اولدی دہ اولیلہ بر حادثہ وقوعہ کلدی . وقعہ ، افراد موکبی دکل تمامنا کرانی دخی برہرج و مرجہ دوچار ایتمش ایدی . پادشاہ ایسہ آراباسنہ آنیلان چوجو غنی ، آرابہ دن یرہ دوشمک تہلکہ سندن وقایہ ، او قدر متوہم و قورقاق اولماسنہ رغماً ، درحال لاری آرمسندہ طوتمشدی ! . . شو منظرہ ، متناظرینہ رقت ایراث ایتمکک ، ہر کسک کوزلری یشاردی .

چو جوق یرینه آراهیه برآل بومبایی آتلق امکانی خاطر لاناں بو حرکت ، پادشاهی
اصلاً دوچار تلاش ایتمه‌دی .

آراهیه‌ی طور دردی ، چو جوغی دردست ایدیلن باباسنه تسلیم ایتدیره‌رک ، برابرجه
سرایه احضارینی امر ایتدی .

شو تجاوز بی ادبانه قارشو عجبانه‌ی پاه‌جقدی ؟ بو ، مرکس ایچون جای مراق ایدی ،
وهر کسی باشقه ، باشقه تخمین واعطای حکمه مجبور ایدیور ایدی .

عوام پادشاهک غضبندن باشقه حسیاتنه امکان ویره‌میوردی . رامی طفل سرایه
کتیرلدی ، حرکاتک اسبابی صورلدی .

بحربه منسوبینندن بولونان بوشخص ، معاشلرک چیقماماسندن عاقله‌سنی کچن‌دیرمکدن
عاجز قاهره‌رق چو جوغی ، شوصورتله حمایت شهر یاریه تودیمه مجبور قالدیغنی ، اصابت
حرکاتنه قائل برلسان ایله بیان ایله‌مشدی ،

نه اولسه برتربیه‌سزجه حرکت اولماسندن آز چوق برجزایه لایق ایکن پادشاه رامی
طفله‌الی لیرا عطیه و مسله‌کنجه ترفیعنی (!؟) اراده ایله مرقومی سربست برافیدردی .



سلطان حمیدک صوغوق قالدیغنی

سلطان حمید بروقه‌نک حدوشنه قدر و هم وتلاشه دوشرده بروقه‌ه فوق‌العاده قارشوسنده
بولونجه اصلاً دوچار فتور اولمزدی .

ظرافه‌هولناکیله قولاق‌لره ایراث صمم ایله‌ین ویل‌دیز و جوارینی براه‌تزار فوق‌العاده‌یه
دوچار ایدن ، (حمیده) جامعنک دکل ، ییل‌دیر قصرلرینک جاملری انبساطه کتیردی‌کی هوا
تضییقه‌لر ریزه ریزه ایدن معهود بویوک بومب‌انک اشتعالی متعاقب جامعدن سراینه عودت
ایچون آراهیه لاجل‌الربک یینک طاشنه ورودنده طوره‌رق بلا قید و بلا تلاش : انفلاقک
نه جانبندن وقوعه کل‌دیکنی ونفوس‌ججه موجب ألم برشی اولوب اولمادیغنی حاضر و ندن سوال
ایله واقعه‌ه‌ه‌ا‌ل‌ل‌ه‌دن بر آرمعلومات آلدق‌دن صوکره آراهیه‌را کب اولوب عنان‌اسبانی‌یدینه آلدیغنی
بوصورتله آراهیه‌ی کندی قوللان‌دیغنی حالدده سراینه عودتی کورنلر شاشیروب قالمش‌لردی .
بووقه‌نک تفصیلی آتیا کوریل‌ه‌ج‌ک‌در .

حرم هایونده حریق قصدی - عرب و آرن اوود طا بورلری مصادمه سی

حرم هایونده حریق قصدی

عرض ایتدم آ سلطان حمیدك دائماً بر وقعه فوق العاده یه معروض قالمق نصیبی ایدی .
سرای هایونده کی جوارینك اوبله بریرده بولونمالرینه نظراً او حیاتدن ممنون اولامایه جقلری
ظنی اشغال اذهان ایده جککنده شبهه یوقدر . حالبوکه : او حیات ایله کسب الفت ایله ینلرك
اکثریسی اصلاً اورادن آیرلمی آرزو ایتمز لرمش . بالطبع چیقماق آرزو ایدنلرده بولنیورسه ده
بو قسم اندر در .

بر جاریه چراققلنی آرزو ایله نیازینی مافوقنه بیلدیردیمی ، او آرتق سرایده طوتماز
در حال چیقاریلور . بونك اسبابی آنیا آکلاشیله جقدر .

برکون مقرهایونك بر قسمندن حریق ظهوری نمایان اولماسی اوزرینه در حال یتیشیلهرک
اتساعنه میدان ویرلمکسزین اطقا اولونمشدی .

سرای هایونده حریقه قارشق قیودات فوق العاده اتخاذ قلنمشدی . کیجه ، کوندوز
نوتجیلر هر طرفی صیق، صیق دور ایله نظارت متادیده دن خالی قالمزلردی . حریقك ظهوره
کلدیکی محل ، پك آدم اوغراغی بولونما مقله اورایه باقلمامش و بعدالاطفا ، یانغین محلنده
اماره سؤ قصد کورولمکله بو حال پادشاهی عظیم تلاش و وسوسه یه دوچار ایتمشدی .

زیرا حریقك داخلدن زیاده خارجدن ایقاعنه تولید ظن ایده جك اثر بولونمقله ، بو قدر
بکجیلر تفننکجیلر و دوریه لر آره سننده قرارگاه پادشاهی یه یافلاشمغه نه وجهله امکان بولونمشدی؟
بو ، عادتاً پادشاهی تدهیش ایدیوردی .

خارجدن بوتون بونون بریابانچینك کله سنه پك احتمال ویرلمه یورسه ده اوده نظر دقتدن
دور طوتلایه رق بکجیلر و تفننکجیلر دن دها زیاده شبهه ایدیلیور؛ بویله جانی امنیت ایتدیکی
اشخاص آره سننده ، بوکی سوء قصد تشبثلری وقوعی ، بوتون بوتون سلب حضور
ایدیوردی .

ایچریده ، طیشاریده صیقی تحقیقلر ، استنطاقلر نتیجه سننده حریقك ، چراق ایدیلهرک
سرایدن چیقارلماسنی آرزو ایله مافوقنه برقاچ دفعه بسط نیاز ایدن برجاریه ، املنك اصفا

ایدلمه سندن مغبر اولوب سرایی آتسه ویردکدن صکره فرصت فرار بولورسه قاجق نییته
یادینی آکلاشلمشدی .

بوجرمک قانوناً بیله جزایی وار ایکن پادشاه عفو وصفح کوسترمش مومی الیهایی
ومومی الیهانک طلب و نیازینه قارشو لاقید بولونان مافوقی ودها سائر علاقه دار اهل
اولانلری . جهازلریله خرجلقر بله سرایدن اخراج ایتشدی .



عرب و آرناوود طابورلری مصادمه سی

دیدیکمز وجهله ، دائماً بر حادته مهمه سلطان حمیدی ، و هملره ، وسوسه لره ، دهشتلره
دوچار ایدردی .

برایرام کونی ییلدیز جوارنده کی قشله لر پیشگاهندن طوغری شدید بریایلم آتشی صداسی
ینه جوار اهلایسنک و سرای خلقنک ، کوش اضطرابنه واصل وهر کسده ذات وقعه یه
اطلاع اندیشه الیمی حاصل اولدی .

سرای هایوندن ؛ سمت ولوله داره طوغری یاوران ، خنکار چاوشلری و تفنگچیلر ،
خارجدن کوزی پک اهلایدن بعضیلری شتاب ایدیورلردی .

بووقعه آننده سرایده ایدم . دنیاده ، طوپ و تفنگ طراقه سندن و حتی انسان آوازه لرنده
مصون ظن ایتدیکم ، سرای جوارندن بویله محاربه یی آندیران تفنگ سسلرینک حدوثنه
امکان ویره میوردم و ویره مزدم .

آتش دوام ایدیور . ، هم اویله برقاچ یوز فشنک بوشالمایور . اطراف سرایی ، جسم
بردشمن اردوسی باصدیرمش ، بیکرله آتسه بیکرله آتش مقابله ایدیور کی ایدی .
اقامتگاه شاهانه دن خواص دخی محل ولوله و غلغله یه شتاب ایدیورلردی .

کمال سکون و امنیته مقرارولان اولطیف لرلده بو هولناک طراقه لر بو آجی تفنگ صدالری
برقلب حساس ورقبقی پک زیاده رنجیده ایدیورلردی .

وقعه . ایکنندی وقتنه تصادف ایتمش ایدی . سلطنت قاپوسنک پیشگاه تعظیمنده

(نوبت) طربنی ایفا ایدن موسیقہ [۱] (لاژور ٹھلانوی) اوپہرا پارچہ لری ترنم ایدیوردی .

اوکون ، بکا کیجہ کبی مظلم کلدیکنندن (کوندوز ، کیجہ) اوپہرا پارچہ لری دخی سودیکم حالہ بینمی طیرمالایور ایدی . برآن امکانہ قدر ہرکس وظیفہ سنی اجرا ایدر ، موسیقہ جیلردہ وظیفہ رسمیلری ایفا ایدیوردی . محل وقعہ یہ کیدنلردن ہنوز عودت ایدن اولامش ایدی کہ اساس مسئلہ اکلاشلسون !

بوخوف حادثہ دن ، فقیر جملہ دن زیادہ متأثر ولرزان ایدم ؛ دیسہم ، ارتکاب کذب ایلمہ مش اولورم .

بنم بی آرام وکمال اندیشہ ایلمہ دوران وحرام ایتدیکم محل کہ : قولتوق قاپوسی جواری ایدی . کسيلمہ ين تفنك سسلرينك دوامی اورالردہ ، پای ثباتك دوامی مندرس ایلدی . حرم قاپوسنہ ، حرم حدیقہ سنہ صیغتمق موافق اولاجفنی تخطر ایتدم . اوسوی امن وامنہ روان اولدم . دہا حالا حرم هایوندن تحقیق مسئلہ یہ آدمیر قوشیورلردی . بی اورالردہ مشاہدہ ایدن بر بکچی ، (یعنی قصر هایون مطہری) :

— نہ خبروار ، افندیمز مراق ایدیور . دہا حالاحارہ بیتہدی ، کیدنلردہ کلدی ، بوکوررتولر نہدر ؟ کیت ایچری کیت افندمزك نزدندہ ، ادم قلامش کیدر . ہایدی نوبت اوطہ سندنہ بولك ! دیدی .



سرایدہ کی تلاش و اندیشہ — مجا دلہنك اسبابی نہایش ؟ — ارمی مسئلہ سی و بومبالر

سرایدہ کی تلاش و اندیشہ

ایچری کیردم ، نوبت اوطہ سندنہ برقاچ ہ صاحب سیاہ چہرہ لری آغارمش ، دنیلہ جك قدر متغیر اعضای وجودیہ لری ، حس ایدیلہ جك درجہ لرزہ دار ایدی . بری بکا :

[۱] بونوبت دخی بازار کونلری مابین هایون موسیقہ سی و چہار شنبہ کونلری بحریہ صلاح انداز طاہوری موسیقہ طاقی وایام ساثرہدہ دیگر آلایلر موسیقہ طاقلری طرفندن اجرا قنور . مابین هایون موسیقہ سیلہ بحریہ موسیقہ طاقی ہمارتکار ارکانی جامع ایدی .

— آیول بو محابه نه اوله حق ؟ کیمکه بوغوشه یورز . موسقوف ، بردن بره بوغاز
ایچندن عسکرمی دوکدی ؟ مسئله آ کلاشلما دی که : افندمزک پک مکدر و پک مراقده در
هایدی قوش کیت ! سن اولسون چاک بر خبر کتیر ، دبایلر .

طوغریسی بنده اوجسارت مفقود ایدی ، شمدی کلیرلر ، سوزیله مقابله ایتدم .
حقیقه بنده تخمین وقعه دن عاجز ایدم . روسیه لیلرک تجاوزینی اصلا مأمول ایتمز
ایسه مده [علی سهاوی] کبی ، فقط : دهها زیاده قوت تدارک ایتش ، اختلاجینک ،
بوتون ییلدیز وجوارینی احاطه ایتمکه : جیش بسالشیکار عثمانی ، مقابله یه طوروشمش ،
فقط اوراده کی قونک بویله برشردمه یی تنکیله افتداری محقق بولونمش اولدیغنی تخمین
ایدیور ایدم . مصاحباندن بری :

— جانم افندم ! همان یارم ساعت اولدی . تفنک سسلری مسکون بولمادی ، دیدی .
وارالق :

سلطان حمید ، نوبت اوطه سنه چنغراق چکدی ، مصاحباندن بری قوشدی ، کیتدی .
بالعوده بو فقیره :

— افندمز ، بوراده مترقب امر و خدمت اولدیغیکزدن حظ ایتدی . قاپودن بر
ارابه ایله اوده محل وقعه یه کیتسون تیز آ کلاسون کلسین ، بیوردیلر ، دیدی .
شمدی آرتق قورقارم دیمک اولمازدی !

— فرمان افندیملرک . دییه رک فیرلادم . لکن محل وقعه دن پرتلاش ایلك عودت ایدن
طوفان آغایه راست کلدیم [۱] تمام خبر بونده ؛ دییه رک مومی الیه دن سؤال حال ایتدم .
کندیسی حضور استیذانی اشناده بکاده :

— عرب ، آرناوود طابورلری . دییه رک مختصر بر جواب ویردی ، بوندن صکره
متعازمین عربدکاهک آرقه سی سوکدی . کیدنلر ، برر ، برر عودت ایدیورلر ایدی .
بونلردن وقعه تمامیه آ کلاشلمش و ذاتاً سلاح سسلری ده کیلیمش اولدیغندن بنم
عزیمتمه لزوم قالماش ایسه ده ، امر پادشاهی یی یرینه کتیرمک وظیفه م ایدی .

هرکس دوزکن بن کیدیوردم . عودت ایدنلر میاننده بر محبمه راست کلدیم ، و :

[۱] ییلدیز باغچه سنده کی مراکبه مأمور ، مصاحباندن ایدی . صوکره لری لوالفه قدر ترقی
ایله طوفان پاشا اولمشدر . لاز ایدی .

— باصدیرلدی ، هیئت تحقیقیه تشکیل قلندی اولنلرک مشغولیتلری ائشاده کیتمکنز
تایجادر . دیدی ، بنده دوندیم .

ذات شاهانه ، بو وقعهده دخی طبیعی خوف و خشیتنه کرتار اولدی . فقط سلطان حمید
فراسلی و مدبر اولدیفندن اوله ، عقول قصیره صاحبی مصاحبانک ظن ایتدکلری موسقوفلرک
ورودینه ، نه بنم تخمینم کبی بر فئه باغیه نک باصقینه قائل اولمق سزین وقعه محانه کوندردیکی
ادملر :

— هایدی باقک ! اضداد واجناس مختلفه غالباً بری برینه طوتشیدیلر ! عسکره ؛
بندن سلام تبلیغ ایدک . ترک نزاع ایتسونلر ! دیمش و فی الحال ، سلام شانه ؛ در حال فصل
نزاع ایله مشدی .



مجادله نک اسبابی نه ایمش ؟

وقعه عصر وقتندن صوکره عسکر ؛ بایرام مناسبتیه قشلهلری میدانلغنه تنزهه چیقمشلر
کومه کومه مشغول لب ایکن ؛ بر قسم کلیسیده [زیبک] اویوننه چقانلری تماشا
ایدیورلر ایمش .

— او ؛ اویناسون ؛ بو اویناماسون دییه چیقاردقلری نزاع ، منجر مضاربه اوله رق
ایچلرندن بعضلری اوک ایاق اوله رق سلاحه صارملشلر و برکت ویرسون محاربه سپرلردن
اجرا ایدلایکندن پک جوق تلماتی موجب اولماش . طبیعتیه دیوان حربلر تشکیل
ایدیلوب عذالمجا که مستحق جزا اولانلرک جزالری ویرلدی و بعضیلری ده ماکتلیینه
ترخیص اولونه رق عرب و ارناوود طابورلری تمیزلندی .

اما نه فائده ! نظام تحتنده و باخصوص ییلدیز محافظه سنده بولونان عساکر میانده
محاربه وقوعی ، پادشاهک سلب امنیتتی موجب و وهمنی مستوجب اولمش ایدی .



ارمنی مسئله‌سی و بومبار

بو وقعه‌لر جمعه‌نك كوزی او كنده واقع اولمش ایسه‌ده تخطر و تفصیلی موافق صددره ارمنیلردن بعضیلرینك ایقاع اختلال ایله‌یه جگه‌ری وینه ایچلردن بعضیلرینك سلا حلاقلری و شوارد بورداده بومبارلر اخفا ایدلیدی حقه‌ده روایتلر دوران ایتمه و ژورناللر اعطا قلمغه باشلادی . سلطان حمیدك ؛ تجسس و تحقیقه کوس‌تریدی اعتنا ؛ بو خصوصه دخی اوزمان باعث انواع قیل و قال و اعتراض اولویوردی .

بعض کیزی سلاح طاشیان کسانك ، باب عالی جوارنده طولاشمغه قدر جسارت ایتدکاری ؛ ضابطه‌جه بیانیور ایدیسه‌ده تحری و دردستلری ائنده ؛ چیقاجق اختلاله سبیت ویرلمش اوله جغندن احترازاً برشی پایلامیوردی .

ارمنیلرک قوم قپوده پطریقخانه‌ده طوپلانیله‌رق باب عالی‌یه برای استعدا مجتمعه کله جگه‌ری دخی خبر آله‌رق ضابطه متیقض باب عالی عسکرله محفوظ بولونیوردی . حقیقه برکون پطریقخانه‌دن غلبه‌لک برجماعتک سدراهی ایچون ژاندارمه پولیس قارشولایوب کری دونمیرنی اخطار ونصیحتنه سلاح ایله مقابله ایله ژاندارمه طابور اغاسی بیگباشی احسان بکی اوروب شهید ایتدیلر .

کندیلرینه قارشی سلاح ایله مقابله ایدیه‌جکی اعتقادنده بولونان ارمنی اختلاجیلرینه سبیت ویردکاری قتل نفوسدن طولای مقابله ایدیه‌جکی سویله‌نه‌رك مرقومون او کون کوجه عودت ایتدیرلدی و طاغیدلیدلر .



ارمنیلرک عثمانلی بانقه‌سنه هجومی - ارمنی اختلالی ائناسنده

ارمنیلرک عثمانلی بانقه‌سنه هجومی

براوله وقتی ، غلطه‌دن طوغری کان و تفنك و طوب صدالرینه بکزه‌مه‌ین و اوزمانه قدر استانبولده ایشیدلمه‌ین ، هولناك انفلاقبرک طراقه‌لری تا ییلدیز سراینه قدر کلیور و سامعه‌مزده طنین انداز دهشت و خشیت اولویوردی .

ینه حرمسرای هایوندن بعض ذوات ، یاوران و خنکار چاوشلری مقررینه قوشیورلر ، اورادن ده سمت صدای مخوفه طوغری حازم اولویورلر ایدی .

بو محرر فقیره ده بر مصاحب :

— قوش ، کیت ! بو ، طوپ سسلری نه در ؟ او کره ن چاپک خبر کتیر ، افندیمر امر ایدیور ! دیدی .

— باش اوستنه دیهرک : کورولتونک قوپدینی غلطه سمتنه طوغری کیتدم . بن کیدنجه قدر ، صیق ، صیق انفلاق دوام ایدیوردی . غلطیه وصولده آرابه دن ایندم . شورادن ، بورادن مسئله یی صوروب او کړندم . آقچه تبدیلی ایچون کلشیر کبی اوموزلرنده طور به لرله بش اون باغی ، بانق عثمانی قاپوسنه اقامه ایدلش اولان نوبتجی عسکرلری وطرا و مائی شالوارلی بکجیلری قتل ایدهرک ، بانقه نک شیمدیکی بناسنه داخل اولمشلر و بیچاره بانقه مأمورلرینی ده اوراده آلا قویمق صورتیه ، ویر یانسون ، یوقارو هائرلردن ، بانقه نک حولیسنه بومبار آتیورلر مش ایمش .

بانقه آبلوقه نختنه آلمش ، ایچرویه کیرمک ممکن اولمادینی کبی ، کیرمک کیمک ده حدی . آرتق ، گوشه باشلرینی ده عسکرلر طومش ایدی ونیم حرکات جالب شهبانه ، تفنگلرایله مقابله ایدیورلر ایدی .

بیلمم بوده چی اونک سیئه عملیدر ؟ وکلا ، ضابطه یوقی ایدی ؟

گوشه باشلرینی عسکرک طوماسنی ، ارباب سلاحه ، سلاح ایله مقابله اولونماسنی و بو صورتله اطفای اختلال قابل اولایله جگنی (فون در غولج) پاشا ، سرایه اخطار ایتمش ، اورادن واقع اولان امر و تعلیمات اوزرینه اجرای تقیداته ابتدار قلنمش ایدی .

(مولی رحمت ایتسون) صدر وقت رفعت پاشانک ، وکلانک دنیادن خبری یوق . وقعه ، زمان قدیمده ، شهزادکان ولادتلرنده کی طوپ شنلکی کبی تلقی اولنیوردی . محرر فقیر ، سرایه عودتله ، معلومات و تحقیقاتی عرض ایتدم . هپ محل وقعه به کلنلرده بندن زیاده عالم دکلردی .

بونی ، حکایه سی موجب کلال و ملال ، معهود حادثات تعقیب ایتدی . بانقه ده کی مهورلری کتیرمش اولان روسیه ترجمانی (تحفدرکه اسمنی قید ایتمه مشم و خاطر مده قالماش) (فرانسزجه صفر) شکلی ذات ، دلالت استیان ایله بانقه ده دن

تحت الحمایه آلوب براستمبوطه واورادن پوسته واپورلرینه ارکاباً ، کنیردییی محله سوق
واعزام ایلدی .

★ ★

ارمنی اختلالی اثناسنده

استانبوله مقاتله بردوام ایدی . وقعه نك ایکنجی کونی ، اوزمانلر ایچون بیت آلام
اولان فقیرخانه دن استانبوله عزیمت لازم کیش ایدی . واپوریمز مطلق بشکطاشه اوغراوه
بزم واپور بشکطاشه کلیرکن ، یولجی ایله طولو ، طولو واپورلر کوپریدن دونمشلر ،
بشکطاشه یاناشیورلر ایدی .

مشاهدات ، استانبولک قاریشقلغنی ایما ایدیوردی . چونکه استانبوله اینه نلرک ،
عینی واپورلرله یینه دونمش اولدقلری آکلاشیلیوردی .
سوار اولدیغمز شرکت خیریه واپوری بزی ده بشکطاشه چیقاردی و ایسته مه یناری
تکرار بوغاز ایچنه کوتوردی .

محرر فقیر ، شو حال اوزرینه سرای هایونه عزیمته مجبور و مضطر ایدم . دارالسلام
وامانظن ایتدیکم بشکطاش اسکله سنه قدم زن استراحت اولدم . براز یورودکن صوکره
متوجه اولدیغم طریق اوزرنده برآرپه جی دکاننه ایکی آل روولوه آتلدی ، شالوارلی
واوزری جا کتلی برشخص بیچاره آچ طاووق کی آرپهلر اوزرینه قاپاندی . فقیر کی
رقیق القلب برکیمسه ایچون بو ، پک الیم وفاجع برمنظره ایدی .

اوخیال فجایع مالی مفکرمدن جیقارمغه مقتدر اولامایه رق برآرابه یه را کب اولدیغم
حاله ییلدیزه مواصلت ایتدم .

بویوک مابین دائره سنه واروب ، کیفیتی سرقرین حاجی علی پاشایه تصویر ایده جکدم .
وکلا او طه جیسی :

— انجمن وکلا وار ، دیدی .

باب عالی به آتیلان بومبا - ییلدیز انفلاق عظیمی - انفلاقدن صوکره

— ضرری یوق بن پاشایی کوره جکم . ورودمی خبر ویر ؛ دیدم .
حاجی علی پاشا ، مساعده ملاقات ایلدی . کیردیکم وقت اوراده ؛ صدراعظم رفعت
پاشا ، عدلیه ناظری عبدالرحمن پاشا ، خارجیہ ناظری وسر عسکر رضا پاشا ، داخلیه
ناظری ممدوح پاشا بولونیور ، قرین پادشاهی ، کاتب ثانی عزت پاشاده [۱] آیاقده طور بیوردی
محرر فقیر ، سرایده براز سربست ایدم . حاجی غلی پاشایه خطاباً :

— اوح اقتدم بوراسی صحیحاً دارالامان ایش ! سرای قابوسندن ایجری کیرلیدی
کورولتو ، ضرورت و هر درلو کدورت ، طیشاروده قالییور بو . ور رصینه داخل اولامایور
بوکون استانبوله اینک اوزره واپوره بیندم . بشکطاش اسکله سنه ورودیمزده بزدن اول
استانبوله اینمش اولان واپورلر ، استانبولک هرچ ومرجی قارشوسنده یولجیلرینی چیقارمغه
موفق اولامیهرق ، جمله سی دوندیلر . بزم واپورده عودتی اهالی به بیلدیرمکه ، بنده کز ،
کلش ایکن ، جای سلامت ظن ایتدیکم بشکطاشه چیقایم وسرایه کیدهیم ، دیدم کذرکاهمه
مصادف بر آرپه چی دکانه ، کمینسکه غدردن ایکی ال طبانجه آتلدی . دکان صاحبی خون
آلود بر صورتده آرپه لر ایچنه قاتلدی .

شو فجیع منظره نک تأثریله ، حضوریکزه شتاب ایتدم دیدم .
عزت پاشا :

— چوق شی ! حسن پاشا بشکطاشده وقوعاته امکان یوقدر ؛ دیمش ایدی .
— آمان بک افندی ! عالم ، عالم وقوعاتدر . بوخصوصده عدم امکان تصور ونعهد
اولونه بیلیرمی ؟ جوابی ویردم .

بوانساده عزت پاشایه بر مظروف صونلدی بعدالمطالعہ :

— صحیح ایش ! شمدی ابکی کشتی یی رها تلف ایتمشلر ، کیدهیم افندی مزه عرض
ایدیم ، دیدی ، کیتدی .

ذاتاً انجمن وکلانک اره نی مسئله سی ایچون اجتماع ایتدیکی مسموعم اولان برقاچ
کله دن آ کلاشیلور .

[۱] عزت پاشا دائماً وکلا انجمنلوینه کوندریلور و عادتاً رایه اشتراک ایتدیریلور ایدی .

تکمیل وقوعاتی تعداد و تصویر خارج از صدد اولوب عسکرک تنکیله مأمور ایدله‌سی اوزرینه واقعه مذکوره تسکین ایدلدی .

★★

باب عالی‌یه آتیلان بومبا

— عجب ینه نه‌وار ونه اولدی ؟ دیرکن براز صوکره بودفعه‌ده ، باب‌عالینک بومبا ایله ارمنیلر طرفندن بر قسمی تخریب ایدلدیکی خبری آاندی .
مائل وسوسه بر ذات اوزرنده بووقعه‌لر نه عظیم تأثیر و تأثر حصوله کتیرر !
زمان بونک‌ده اوزرینه بر سترر ماد چکدی . هرکسجه اهمیتسز بریادی قالدی ، فقط عبدالحمید خان ایچون اويله دکلدی ! . . . و سوسه‌سی کی بونلرک اوکی آلمق اوزره تجسس و مراقی‌ده مشتمد اولدی .

★★

بیلدیز انقلاق عظیمی

ایشته بویک مهم ودهشتلی بر وقعه اولوب ، حدوشنه دائر معلومات ایدینک اوزره قارئین کرامه مسئله‌نی براز تفصیل ایده‌جکیز .
کوزهل وکشایشلی بر جمعه کونی پادشاه ، دارات وحشمته ادای صلوٰه جمعه ایچون [حمیدیه] جامعه‌نه کلدی وکیردی .

جمعه‌لری حمیدیه جامعی ، اوچ صره عسکرله احاطه اولونور . بیلدیزدن بش‌بکطاشه اینن یوقوشک صاغنده‌کی میدانلق اوکی ، برصف پیاده‌دن صوکره ، سواری ارطغرل و مزارقلی آلایلری طرفندن اشغال ایدیلور . آرابه‌لی ویایا تماشاگران‌ده بوسواری صفرینک آرقه‌سنده اخذ موقع ایدرلر .

جامعک بو جهته ناظر حولیسی ، یولک انحناسنه کوره آلچاقلی ، یوکسه‌کلی برسد ایله مترفع اولوب بوسدک بارمقلقلری اوکنده‌ده بش‌بکطاش قره‌غولی پولیس وژاندارمه افرادینک صفری واردر .

پادشاهک جامعدن عوتی خبر ویرلدی . آرابه‌سی ، بینک طاشی اوکنه کتیرلدی ، بندگان اورایه دیزلدی و عسکر صفری وضع نظام و انتظامی آلدی .

هنوز پادشاه کورونمه مشدی. بوسرده تماشاکران موقعندن طوغری قولاق زارلری پاطلاته حق قدر مدھش و شدید برطرفه قوپدی، صاغ قولانغه عارض اولان صممن ایکی آی محتاج مداوات اولدم. قالین و سیاه بردومان ستونی سمایه طوغری یوکسهلدی. مذکور سید اوزرنده پولیس و ژاندارمه لردن وینه انفلاقک واقع اولدینی جهتہ ناظر شہزادگان محفلی بینک طاشنده بولونانلردن بعضیلری برآندہ یرہ دوشو ویردیلر.

انفلاقک تأثیریلہ جامع شریفک، سرائیک وقعہ جوارنده کی دائرہ لریلہ عمر می مطبخک و حتی داخل سرایدہ کی بعض دوائرک جاملری، ایخہ فقط دھشت فزا برصدا ایلہ ریزہ، ریزہ اولمشدی.

برقاج ثانیہ صوکرہ سمان: قول، باجاق و قفا کی عضولر یرہ دوکولیوردی.

انفلاقدن صوکرہ

فقیرہ عارض اولان خوفدن پک لرزان ایدم. اوتھلکلی محلی ترک ایلہ ایجری قاجینی ایستہ یوردم. فقط کندمده اقتدارمشی کورہ میوردم. خشیت و ہیجان آرہ سنده متوجہ بولوندیغم محلده جامعک محفل هایون قاپوسندن پادشاھک چیقیدیغی کوردم.

طراقہ ایلہ، پادشاھک خروجی آرہ سنده بلکہ اون ثانیہ کچمہ مشدی. پادشاھ مردیونلری اینہرک بینک طاشنده طوردی و حاضر وندن جهت انفلاق و سائرہ بی صورتی و بعض تعلیمات و یرہرک فایطونہ بندی و حیوانلرک تربیہ لرینی کندی الہ آلتہرق آباہی، سرائہ سوق ایلدی.

انفلاقی متعاقب داخل حرم سرایدن غایت مؤثر قادن صدا و بکالری ایشیدیلدیوردی. پادشاھک مواصلتی اوزرینہ یک آواز صوک بر و اوایلادن صوکرہ سکوت و سکون تقرر ایتدی. محرر فقیرہ دہ، برنبذہ حیات و حرکت میسر اولمش ایدی. زندگی زمانلرمده کی دکل برمرض مدامک نھایت ضعف آلودی اثناسنده ایتمش کی بی تاب و قدرت سرای هایون داخندہ کی دائرہ مزہ کیدہ یلدم. یالکزجہ برآز استراحتدن صوکرہ، سلطان حمیدہ نائل خلاص و سلامت اولدیغندن طولانی جناب حافظ حقیقیہ مشغول شہ کران اولدیغم زمینندہ یازدیغم برعریضہ یی، حرم قاپوسندن ارسلادن صوکرہ، آشیان غریبہ

متوجه عزیمت اولدم . قولتوق قاپوسندن چیقنجه محل وقعه اوکندن حین گذرانمده ، انفلاقی متعاقب اوراده بر حیات قالان یایا و آرابه لی اهالی و صفبسته سلام و محاقظه بولنوب . وقعه ده نوبت اجل اصابت ایتمه ینلر ، برداثره و اسعه ده ، عسکر آبلوقه سی آلتنه آلتشلردی ، فقط بونلر ، اودقیقه ده ترخیص اولونیور ایدی .

محل وقعه نلک منظره فجیه سی

محل وقعه آرابه پارچه لری ، بر جوق بار کیر و نقصان العضو عسکر و تماشا کران اجسادی و جنس و نوعی تحول ایتمش بر طاقم انقاض ایله مالامال و حقیقه منظره ، پک محرق و فحیح و مورت احزان و ملال ایدی .

پک دقتله باقغه مقتدر اولامادم ، ذاتاً خسته لایتمش ایدم ، بومنظره فاجعه و مده شهیه دقتله باقغه تحملیم یوق ایدی ، آرابه موجود بولونماغله یایا بشکطاش اسکله سنه کلهرک اورادن واپوره راکب اولوب مضطرب بر حالده خانه درویشه واصل اولدم .

ایرتسی صباح علی السحر سرای هایونه عزیمتمده ، محل وقعه یی بر تفتیش خصوصیدن کچیرمک اوزره ، سوار اولدیم آرابه دن اورایه مواصلتدن اول ایندم . اوکون ، ریخته و انداخته اعضا و اجساد اورتادن قالدیرلمش یا لکیز بومبانک محل اشتعالده آچدیغی بویوک بر حفره ، مشهود باصره دهشت اولویوردی .

سلطان حمید اوکون صلوه جمعیه یی بعدالادا ، آرابه سنه پنه رک سرای هایونه کیتیمک اوزره محفل هایون صوفه سنه روان اولایغی ائنده اوراده شیخ الاسلام اسبق جمال الدین افندی مرحومه مصادف اولارق تعاطی کلامه مبادرت ایتدیکی جهته طیشاری چیقمه سی آن انفلاقه تصادف ایتمه مش ایدی . یوقسه بومبانک ساعتی ؛ سلطان حمیدک عودتی معتاد آن وزمانه پک طوغری تطبیق ایدلمش اولماسندن پادشاهه ضرر ایرائی ملحوظ ایدی . بوجایلر سلاملق رسمنه برقاج دفعه کلهرک ؛ پادشاهک ساعت عزیمت و عودت لرینی تدقیق ایتمش بولونیورلردی . متشبثین سوء قصد اوکون دخی آرابه جی اسکمله سنک آلتنه برلشد . یردکاری بومبانک ساعتی اولوجهله عودت شاهانه آنه تطبیق ایله عزیمت هایونی تماشادن و پادشاه جامعه داخل اولدقدن صوکره بونلر ، تنزه ایدرکی آرابه دن اینه رک و کیمسه نلک جلب نظر دقتنه محل ویرمه یه رک اورادن صاوووشوب کیتمشلر ایدی .

هر شخص همچون اشتداد خوف و اوهامی موجب اولان بوسوء قصد سلطان حمید اوزرنده ده تأثیر دوشتنی کوستردی .

بعدما سلاملق مراسمی ، دها صیقی و دقتلی برتقید تختنه آاندی و سوسهلر و تجسلسرده اونستده آرتدی . عندالتحری و تجسس ، مساکن و قویولرده و حتی ، مناسبت آلمانان و هیچده مأمول ایدلمه یقین قلوب محزنلرنده بو بومبالرک مختلف الحجم و متنوع الاصول اعداد متکاثره سی و دینامیتلر ، (نیتزر غیلسرین) بارو قلری بولوندی .

آوروپایه فرارلر ، تهدیدنامه لر و مطالبه لر

بومسئله دخی قشری کورلیدیکی کبی و ایشیدلیدیکی درجه ده اولمایوب موجب اعجاب و استعجاب و پادشاه ایچون مزعج بر صورتده اشغال و اشتغالی بادی ایدی . بودخی غایت مراقلی صفحاتی شاملدر . بروجه آتی ایراد اولنور :

ارباب سیاحتدن بر قسمک محضی ، جر منافع ایچون بوکاری اختیار ایلده دکری جمله جه معلومدر . بوکیلر ، برواپور پاره سی تدارکنه مقتدر اولوبده محل مقصود و ساحه جوع و احتیاجه واصل اولدیلر می اورانک عثمانلی سفارتخانه سنه مراجعت و جانب سرای هایونده بر تهدیدنامه اطاره ایله یوب بونده : [حال و اقتدار ندن فضله جه] بر مقدار معاشله در سعادت ویا ولایاتده اقدار اولونماز ایسه ، ارباب حریت و حمیته کندیسیده اشتراک ، پادشاه و سرای علیهنده انواع نشریاته انهما که مجبور بولوندیغنی بیلدیرر . طالی یاور اولوبده مراجعت و مکتوبی ایادی سریعه یه کچر ایسه ، آشاغی و یوقاری بر بازارلقدن صوکره ، لیاقتی قدر بر معاشله پنه استانبوله آلدیریلیر . کوزی آچیقسه : یولنی اوکرتمش اولدینی سرایه انتساب ایله ، ییلدیزه طوغری اوچورتمهلرده اوچوررلر ایدی . [۱] طالع مساعد اولمایوب بازار واخذ و اعطا تأخره اوغرارسه ، او فقیرک اسواق فرنکستانده آچلق و یوقسنزلق ایچنده نه ضورت آلمده دوران و سیراتی دوشونملی .

[۱] بوعودتیلردن محرر فقیره و بریلان ایکی ژورنالدن بری تاریخچه . ته قی جاهلاله بر اسجناد و دیگریده غایت تحف برهنو اولوب آتیا تفصیل قلنه بقدر .

ساخته آروپایه فرار تشبثلری

بونلرك بر قسیمی ده اوزون اوزادی اوروپایه سیاحته پاره سزلکی حسیله لزوم کورمه یوب قیسه یولدن ایشنی بیدتر ایدی . شویله که :

تدارك ایتدیکی بر شاپقه یی باشنه کچیر و [مارسیلیا] ویا [تریسته] یه عزیمت ایده جك واپورلردن برینه ، او طریقك یولجیسی ایمش کی ، کیره جکی ائنده [اولجه سپارش ایتدیکی بر آرقداش طرفندن] وقوع بولان اخطاره مبنی پولیس طرفندن دردست اولنوب کشان بر کشان باب ضمیمه یه کوتوریلور ایکن لیان اداره سی طرفندن [اوراسی عالم بالایه خدمت ایدر] مداخله سی ایله پولیسك لندن آنور . کیفیت سلطان حمیده لدی العرض ، ییلدیزه احضاری امر اولنور و بندکان دواژندن برینه مسافر ایدیلیردی .

در حال بر هیئت استجوابیه تشکل ایله یوب سبب فرار وقصده قرین دیگر بر قرار اولوب اولمادیغی آراشدیریلیر . اثنای استجوابده مسافر اولدیغی یرده اعلا سیغاره لر ، نفیس طعاملرله متشبث سیاحت اعزاز واکرام ایدیلیردی . نهایت فقر ایله برایش بولمق ایچون اوروپایه کیدر ایکن دردست اولوندیغی مستلزم مرحمت اوله جق صورته افهامه احراز موفقیت ایلرسه کومروکده ، ویا شوراده ، بوراده حالنه مناسب بر مأموریت ویریلیر وایکی یوزدن ، اون لیرایه قدر مظهر عطایا دخی اولارق سربست بر اقلیلیردی .

مزاج درون و بیرونی بیلمیهرك وجودینه جاب اهمیت ضمننده اظهار خشونت ورعونت ایدرسه ، ایشته او وقت یمن ، فیزان ، طرابلس مقر مأنوس مستقبلی اولور ، بوده اثنای استجوابده بر ، ایچر اما بالآخره بورنندن کلیردی .

عظمای اصحاب احتراصك طلبلری

بونلر ، کوچوك ارباب منفعته متعلق بر نمونه اولوب ، اصل عظمای اصحاب احتراصك طلبلری نزی اعتیاب ایده جکدر ! خصوصات مالیه یه دائر یازدیغی ، فقط [اولبابده کی]

بهره و اختصاصی اولمادیغی آکلاشیلان و مسدکینجه تشکیل تضاد ایله بن خود پسندان زمانه بن بری ، اندام دلارامنه بک یاقشیدیردیغی ثوب پرزر وزیر نظارت مالیه بنی ایستر . وضعیت حاضرده برکا مانع اولمغله طبیعی املی ترویج ایدلمز . عدم ترویجیدن افعال ایله بوخلمت فاخره بنی تلبس ایلمه مدهمه ، کسوه ساخره عالم اولان لباس حمیه برونوب صولوغی آوروپاده آتیر ، اوراده درحال لیطوغراف باصمه سیله بر غزته تأسیس ایدوب میزان اذغانه صیغماز بهتان ، خاطرملره کلمه کاذیب روایات مصنوعه و هر نه اولسه بر حکمداره دکل لایق لوم اولان اسافل حقنده دخی ، اسال ادبک هیچ بر زمان جواز ویرمیه چکی غایت غلیظ سب وشم ایله مالی وختی ، شکل و شمائل ایچون چیرکین بعض تعرضلری محتوی اولان بوغزته لر اجنبی پوسته لری واسطه سیله درسماده سوق ایدیلور . معاونین فسدده معرفتیه فارق سفید و سیاه اولمایان مکشب چو حقه لرینه کیزلیجه توزیع اولنوردی . [چونکه اصحاب عقوله بونلر نه تأثیر ویرر ؟] چو جوقلر [بولوق بان آله حق چیچکی] قیلندن [کیزی کیزی ، سوه سوه او قورلردی] . بندکان بلاهتکارانه ده کوندریلوردی .

بوغزته لرک بررنسخه سی ده اونلری سلطان حمیده تقدیمه متجاسر اولان او ذاتلرده مال بولش مغربی کی کوتوروب دست پادشاهی یه عونارلر ایدی . بونک اوزرینه ، ضابطه یه شدتلی امرلر ویریلوردی ، ایچلی ، طیشلی تحریلر یاپلسون بولونان نسخه لر درحال احیا ایدلسون ، سوراخ وارده درحال ، طیقانسون وقاپانسون ، قارئی جرم مشهود حالنده یاقالانورسه استانبولدن اونزاقلاشدیرلسون .

ارتق کیم نه دیرسه دیسون ! آله دکل بو پاچاورملر دخی باعث تلاش وارتعاش اولمقدن اخلی دکل ایدتو ،
وارالزلره ، صحائف جراندده کی مناقشه قلمیه ادیبانه بیله بادی خلججان وحدت ایکن اوزان لاقید قالامازدی .

بوزات ستوده شیم بو صورتله برچوق بیچاره لرک سبب نفی و تجزیه سی اولدقدن صوکره کونک برنده آز برمباغ واورته برمأموریتله عودته راضی اولوب استانبوله کلیویرمشدی .

سیاح موصی الیهک حکایه احوالنده بوقدرله اکتفا ایدم ده اءجوبه نما بر دیگرینی نقل ایله یلم .

بغداد خطنی ایستهمین بری

ینه طلبکاران ثروت وسامان [فقط مرتبه سیاح سابق کی دكسه ده] امپراطورلر خاطری ایچون کوچلکله امتیازی اعطا ایدیلن [بغداد خط کبری] امتیازینک کندیسنه بخش اولونماسنی نیاز ایدوب ، مقابله سکوت کورمکله صولوغی آوروپاده آلدیلر ! بو ، ایری لقمه نك حرص و آزی ، سیاحی هر درلو تشبثده بولونماسنه سائق اولیوردی . کوندریلن تهیدینامه لر ، منتج فائده اولامانجه : پادشاهک قوجوندینی جهتله انسلا که قرار ویرلدی . انقسام ممالک عثمانیه به ساعی اولانلرله تشریک مساعی ، تمام بام تلنه باصمق اولاجق ایدی . بوده اجرا اولوندی ، مطالبات متنوعه اصحابندن مرکب قونفرلر عقد ایدیلیور ، هر صنفک رواج مراغه یول ویرمهین [سلطان روژ] ک اورتهدن قالدرلماسی موضوع بحث اولیوردی . پادشاهک قورقدینی ده بو ایدی . یوقسه ، سیاحتی مخرج مأمورین ایدن ذوات حائر نصاب اهمیت دکل ایدی .

تخصیصات مستوره ایله یوله وخدمته یاتیریلانلر ، ذاتاً قازانلش بولوندیغندن اونلرده جای تأمل دکل ایدی .

بیك درلو وقوعانه معروض قالان سلطان حمید ، بوایشلرده دخی وسوسه لره ، عظیم اضطراباته دوچار اولمشدی .

براسناد غریب

خاندان سلطنت عثمانیه ایله دولت علیه ایرانیه آره سنده مناسبت صهریه ادعا سنده ولونورمشم ذکری سبق ایدن اوروپا عودتیلرندن اولوب ، وقوع استیناسه مبنی بونلردن میل معارف کوریلنلردن بعضیلری ، جمعه کونلری خانه فقیره کلیرلر ، بیکدن صوکره ، باحث علمیه دأثر ایراد خطاب وقرأت کتاب اولونور ایدی .

ینہ بریوم جمعہ زوار مومی الہمہ یازمقدہ اولدیغ سلچوق تاریخنک مدخانۍ اوقودم .
مدخل افادات آتیہنی احتوا ایدیوردی : [۱]

« سلچوقیلر ، (سالچیق) تورکستان کیردن چیققدقلری وقت ، خاندان عثمانیہنک
منسوب اولدینی [قایی] قبیله سیله بایندریلر دخی برار بولنیورمش . حتی سلچوقیلر ،
قایی خانیلرله قیز آلوب ویرمک صورتیله مناسبت صهریہده بولونمشلر ایدی . [۲]

قایی خانیلر تورکستانده ، اوغوزلر میانده شدت شکیمه و کثرتله معروف ایکن ،
بوسیاحت ائساننده سلچوقیلرک و فرتی قاییلر . [۳] و بایندریلرہ . متفوق بولنیوردی .

ذاتاً تورکجهده قایی [قیادن محکم معناسنه ایش ۴] سلچوقیلر خراسانه طوغری
کلدکلی ائنادہ رئیس قبیله (سالچیق) وفات ایش و ریاست اوغلی طغرله انتقال ایلہمش ایدی ،
(طغرل) [۵] غزنویلرله ایتدیکی محاربهده . قارانبوب ایرانده تأسیس سلطنت ایلدکلی
ائنادہ قایی خانیلرده خدمت عسکریہده بولونیورلرایدی . بونلر یالکیز ، ایران سلچوقیلریله
دکل ، سلیمان شاہک (ماہان) مقام خدیویدہ [۶] اقامت اوزرہ ایکن خوارز مشاہیلرک
جمنکیزیلرہ مغلوبیتندہ اورایی ترک ایتدکلی روایت ایدلمہسنہ نظراً اونلرلہده تماسده
بولونمشلر . الخ ... »

الحاصل تاریخنک دها آشاغی طوغری صحیفہلری ، اوقوندی . زوارک جملہسی طرفندن
مظہر افراط پسند اولدی .

محرر عاجز ، استغفار وتواضعله مقابله ایلدم . اقشام تقرب ایتدی . زائرین برر ،
ایکیشر خانہدن مفارقت ایتدیلر .

ایکی کون صوکرہ صباحلین ایرکنجه برزائرک ورودی خبر ویرلدی .

— کیمدر ، اسمی نہ در اوکرہ نیکن دیدم .

[۱] مقصدی توضیح ایتک ایچون عین عبارہنک بورادہ قیدی لازمدر ،

[۲] (مرآت کائنات) سلچوقیلر بختی .

[۳] قایی خانیلر قسماً سلچوقیلرہ رفاقت ایتیش اولہجفلرک : مأوالرندہ کثرت اونکچوز یاد
ایلدہ یورظن ایلرم .

[۴] شجرۂ تورکیہ .

[۵] طغرل و طرخان کی اصامیسی تورکجه حروف مصوتہ بولونما سندن (توغرول) و (تورخان)
شکلندہ یازلق مناسب اولہجفی ظنندیم .

[۶] کاتب چاپینک جهان نماسندہ عثمانیلرک ظہوری بختی .

— اسم ویرمه یور و بی کورور ایسه طانیر وحسن قبول ایدر دیور . جوابی آلمقله چاره سز احضارینه موافقت اولوندی . سلام صباح الحیر ایله داخل نشیمنگاه فقیر اولان بوذات ، کاغذخانه امامنک اوغلی مصاحباندن عاصم رفعت بك ایدی .

بلا اختیار برخلجانه قاپلدم . چونکه سلطان حمیدك منسوبینی اصلا بر برینك خانه سینه زیارته کیده مزاردی . آنجق خسته لق زمانلرنده وسائر خدمانده اسرپادشاهی ایله کیده بیلیرلر . مومی الیهلده برامس ایله کلدیکی متفهم اولیور ایسه ده سحری زیارت . بنم ایچون موجب تلاش وخشیت ایدی ، کیم بیلیر نه رنکه کیرمشم ! زائر بونی کوردی ده : ساعی تسکین تأثرم اولدی . بن :

— خیر اولا قاپو یولداش فناری نروده سوندردك . دیدم .

— دون آقشام افندمن لطف مخصوص اوله رق یالی صفاسی ایچنده سزکله سوتلی قهوه ایچمکه مساعده بیوردیلر کلام ، دیدی .

برمدت صوکره قرنادن عارف بکله عودت ایتدیلر . سلام شاهانه تبلیغنده بولونه رق :

— برسلچوق تاریخی یازمشسکیز اونده خاندان عثمانی ایله ایرانیلر آره سنده مناسبت صهریت کوسترمشسکیز . بویله برمناسبت کیمسه نك معلومی دکدر . بونك اصلی نه در ؟ کتابی کتیردیکزمی ؟ بکا ویریکیز ! دیدی . عارف بك [۱] مکتب رفیق و ناموسلی برذات ایدی . افاده می باشقلری کبی تشویشه دوشورمه یه جکی معلوم ایدی .

— بونی اخبار ایدن جامل ویا مؤول برآدم . ساچوقیلر ایرانده حکومت ایتدیلر . اما ، ایرانی اولماقلری وخالص تورك بولندقلری معلومدر . ذات پادشاهینك منسوب بولوندقلری [قانی] قبیله سی ده تورك اولوب بونلر ده ابرانه کلکسزین اخذ و اعطای ناز کترین ایله تأسیس رابطه صهریت ایلدکلرینی تاریخلر یازیور .

بیورك افندم دیهرک ، تاریخك اومبجته دائر عباراتی اوقودم .

— های الله بلاسنی ویرسون بونه تأویل ! سن اوتور . بن ایشی شمدی اولدینی کبی

[۱] میرمومی الیه هنوز برماه اقدم وفات ایتشدیر . مولی رحمتنه غرق ایلسون .

افندیزه آکلاتیرم . سن مراق ایتمه ! دیهرک کیتدی . بنده برار دأره مزه قدر کیتمک ایچون صاحب حجره رفعت بکدن اذن ایستدم .

— آمان قاپو یولداش بکا سوز کتیرمکه سبب اولورسک ، جواب ظهورینه قدر برابر بولونهلم . دیدی . ویم [توقیف] وضعیتنده بولوندیغمی مومی الیهک عزیمتمه عدم مساعدنه سندن استدلال ایلدم .

نهایت ایکی ، اوچ ساعت صوکره عارف بک عودت ایتدی . ینه سلام شاهانه تبلیغیه « ایشی آکلادم . بوکتاب بوراده قالسون بالآخره طبع ایتدیریرز » بیوردیلر . بونیده چوجقلره شکر پارهسی اولوق اوزره کوندردیلر . دیهرک دست منتمه : قرمزی اطلس کیسه ایچنده یوزعدد [زرشمه ریز] صوندی . سربستیم آکلاشیلیوردی ، رفقایه وداع ایله اورادن چیقمد مسئلهده بوضورتله اختتام پذیر مسرت اولدی .

بوخبرخیره خامه ران همت اولدقلری آکلاشلدی : خنده لر جلب ایده جک براسناد!..

آفریقاده تسلطن

بوفقیق ، سرای هایونده دارالسعادة الشریفه آغالنی دأره سنده یاتار قالقاردم . دارالسعادة الشریفه آغالی عبدالغنی آغا مرحوم بی پک سوهردی ، ینده آنک برولدمعنویسی ایدم . قوای حافظه سنک خارقه درجه سنده اولدیشندن اولجه بحث ایتدیگم کتابی عصمت بک بزلی سوهردی . سرایده قالنان کیجه لرده اوچیز بزم موانست عقد ایدردک . ینه برکیجه عصمت بک دأره یه کلدی و :

— هدیه مدر . دیهرک آغایه بردفتر ویردی .

بودفتر ، دارالسعادة آغالنک احداثی ابتداسندن ، مشاورایه آغالنک مأموریتنه قدر [۲] اوموقعه کلش اولان آغالنک تاریخ نصب ووفاتاریله مدفون بولوندقلری محلی ذکر ایدر ، علی الاسامی مختصر دفترچه یی ، آغایه خلوص یتبله تنظیم ایتش ایدی .

[۲] حرم هایون خدمت حراستی ابتدای تشکیل دولت علیه بن فاتح سلطان محمد زمانه قدر بیاض وزنجی خدامه متساویاً احاله اولونورایدی . عهد خاتون مشاورایه خدمت حراست باب السعادة یعنی قاپولری بولونان بیاضلره انحصار ایلشمش ایکن عهد مراد ثالثه (۹۹۰) دارالسعادة آغالنی عنوایله جنس اسوده حصر ایدلمشدر .

بودفتر ایکی ، اوچ دقیقه ده او قوندی . کیلارهایوندن کتیر تیلیمش دوندورمه لرده یینلکدن صوکره عصمت بک و داع ایله خانه سینه عودت ایتدی . آغا افندی محرر فقیهه خطاباً :
نصل سعید ، بکندکمی دفتری ، دیدی .

— بک کوزل افندم . لیکن آغوات زمان سابقده ، درون و بیرونده ایشلره کیرمشلر ، قارشیمشلر و بویوک نفوذ و تأثیر کوسترمشلر و انواع وقوعات مهمه و خیرانک مصدری اولمشلردر . شمیدی یه قدر بونلرک اهمیتلریله متناسب مفصل بر اثر یازلامشدر . بنده کز صحافلر شیخی زاده اسعد افندینک یره باتانده کی کتبخانه سنده ، آغواته دائر کندیسنک ترتیب ایتدیکی بر رساله جک کوردم . اوده بویله مختصر و غیر مفید .
— اوغلم سن ، دیدیکک کی یر اثر وجوده کتیره بیلیرمیسک ؟
— چالیشیرم ، موفقیات اللهدن ، جوابی ویردم .

— هایدی یاوروم تشمیر ساعد همت ایله [۳] کچمشلرک رحمتله یاد نامنه وسیله اولام ، دیدی . بنده قبول و تعهد تحریر ایتدم . وقایع دولت علیه یه دائر بر چوق کتب و رسائل قارشیدیره رق بوز صحیفه لک بر کتاب یازدم .

بونى بعدالاکمال کندی حطمله تبض ایله منتظم تجلید ایتدیروب بر کون حین تقدیمده نزدنده زهدی افندی ویا زهدی بک [۴] ، نامنده بر ذات بولنیوردی . آغا افندی کتابی المدن آلارق وباشی صالایه رق :

— صوکره اوقورز ، دیدی . زائرک :

— نه در افندم ؟ بک افندی صاحب قلمدر ، مطلق کوزهل بر اثر وجوده کتیرمشلردر . تجسس و مدیحهمنه قارشى آغا افندی :
— بزم آفریقاه متعلق جوابی ویردی . (کاشکه ویرمه سیدی) .

اوکون آقشامه طوغری ، خانه درویشه کیتمک اوزره حاضر لانیکن کاتب ثانی وقرنادن عزت باشانک آغاسی کلدی و :

[۳] مرحوم آغا صاحب کلام ایدی .

[۴] کندی قولنجه ، صباح ویا اقدام خزنه لرینک برنده محرر ایمش .

— چاق اولك سزى پاشا افنديمز ايستور ديدى . بعض ايشلر ايجون هر زمان چاغيرلديغمدن ، بلا تامل دائره سنه طوغرى كيدد ايكن كنديسنة چيت قصرينك اوكنده مصادف اولدم . بكا :

— نروده سك الله عشقنه ! صباحدن برى دولتخانه يه تاغراف كشيده ايدييورم . بوراده يوقدر ، دينايور . صوكر ا بوراده دائره ده بولونه جفك اخطار اولوندى ده خبر كوندردم . كل ! سنكه براز مذا كره مز واردر ديه رك ، اوطه سنه طوغرى كوتوردى . اورايه وصولمزه اوطه سنده فهم پاشا وديكر برذات موجود بولموردى . اونلر كوجودندن بروهمه دوچار اولمادم . فقط پاشا آنلر ك ياننده :

— دارالسعادة آغاسنى آفريقاده تسلمان ايتديرمك اوزره صورت خط حر كتى و بعض نظاماتى حاوى بر كتاب يازمشسكنز ، و بونى آغا افندى به ويرمشسكنز ، بونك مسوداتنى افنديمز ايسته يور .
حيرتله ، حدتله گرفتار اولدم . و :

— پاشا حضرتلرى ! سزى فطين برذات اوله رق طانيرم . بوكا فصل احتمال ويرديكنز و (ويرلدى) برى نسلطن ايتديرمك اقتدارينى حاز اولسم كندم تسلمان ايدر . بوبله اطفال نور سيدكانك بيله پامايه جنى و اينامايه جنى ايشلرى كيم چيقارديغنى بيليرم . بنم دارالسعادة آغاسنه ويرديكم كتاب ، اسلافنك تراجم احواليدر . وسرايده مشاراليهك كتبخانه سنده محفوظدر . طور يكنز كتيريم ! ديدم . پاشا :

— اولماز ، اولماز ! آغا ايشه واقف اولمايه حق . سن مسوده لرى كتير !
— افتدم ! مسوده لر بنده خانه ده در . آغا افندينك كتبخانه سنى هر زمان آچار وقاپارم وحتى كتبخانه آنختارلرينك موضوع بولونديغى پاره چكمنجه سنى ده قارشديريرم . مودت و مناسب سز سؤاله باعث اولماز ، سز مراق ايمه يك ، مقابله سنده بولوندم .

— سن بيليرسك ! آغا آگاه ايدلمسون ده نه اولور ايسه اولسون ، افنديمز اويله امر ايتدى . ديدى . بنده در حال دائره يه كيتدم . آغا افندى :

— آي چوجوق سن ده ايتيمدكى ؟

— خير افندم ؛ بزي توقيف ايتديلر . تحت استعجوابده يز . اسباب و تفصيلاتنى برازدن آكلاتيرم . كتبخانه نك آنختارلرينى آلام .

— استجواب آره سنده کتاب اوقونور می ؟

— اوقونور افندم اوقونور ! صو کره او کتابی سزده اوقورم . حامل اولدیغ کتابی ، (روضة الکبرا) تسمیه ایتیش ایدم . کوتوردم عزت پاشا المین آ لارق قارشوده کی اوطیه کیدی و چیقار ایکن زهدی افندی ویا بکی قاپو آراسندن کوردم .. کتاب بومی ایدی ؟ دییه کوسترلیدی . صو کره پاشا مستصحب کتاب اولارق حضوره کیتدی وعودتنده : — بوده آکلاشلیدی ؛ لیکن سعید بک ایشی یوقی که بویله ایشلرله اوغراشیور . بیورلمش وینه تطیب قلب عاجز ایچون عطیه کوندرلمش ایدی .

سلطان حمید هانکی ژورنالری بکنیردی ؟

سلطان حمید ، ژورنالره ، یاقشدریلیشه کوره عطف نظر اهمیت ایدر . بعضاً یاقشدریمش اولماق شرطیه چاکر چالان ژورنالر اوزرنده هیچ بر تأثیر وجوده کتیرمزدی .

علی الا کثر کلبه فقیرده ساز اولوردی . مختلف المسلك اودای مخالصتمده اورادم بولونوردی .

ایرتسی کون سرایه عزیمتمده ، شونک ، بونک : — صفا کن مزید اولسون دون کیجه ینه ساحلخانه سعادتده سازلر ، احبا یله طاقلی سوزلر ! ... زمینده واقع اولان رمز وایمالرندن ، ژورنال ایدلمش اولدیغی تیقن ایدر ، ینه حد استجوابه چکیله جکزر دیر ایدم . ساده جه یازلمش اولماسی حسیه بواجتماعرده مؤاخذه اولونمازدم .

توقاد قصرینک احتراقی

بر صباچ باش کاتب پاشا جانبندن وقوع بولان دعوت اوزرینه نزدینه کیتدم .

— آ افندی خبرک یوقی دون کیجه بکقوزده کی (توقاد) [۱] قصری یانمش ، دیدی .

[۱] ابتدا ییلدیرم جانبندن فتح ایله ممالک عثمانیه الحاق ایدیلان (توقاد) سنجانی تیمور و فقه سنده ینه صاحب اوللری (دانشمند) بلره انتقال ایدوب قانچ سلطان محمد زمانده تکرار فتحی یقارقی حضرت مشارالیه بکقوزده شکارگاهی اولان بو محله ورود ایدمک ، اوراده بر قصر انشامیه مملکت مغبوحه مذ کوره تک نامی ویرلمش اخلاق طرفلوندن ده بورایه رغبت اولونورق بالطبع قصر درلو انفلاجه اوغرامش ایکن سلطان عبدالعزیز محرق اولان قصری اخشاب اوله رق احیا ایلمش ایدی . مشارالیه بورایه چرق کیدر مجبوری بولونیدنی اطعمه فیه یی تناول و محل مذ کورده تزه ایدر ایدی .

بن — خبردار دکل افندم ، جوانی ویردم .

— برونکړک دینده . اونک ایچون صوردم ، هر نه ایسه ، قصرک دروننده بر بکچی ده محترق اولمش . افندیمنز اسباب حربی مراق اییدیورلر . [۲] یاوراندن برنی رفاقتکزه آلارق شمدی کیدوب ، دقیق صورته تحقیقات اجرا ایده جکسک . امرنی ویردی .

— فرمان افندیمنک ! دیهړک یاوران دائره سینه اوغرایوب اوراده نوبچی بکلردن برنی رفاقتمه آلم وهان برلکده محل مذ کوره کیدلدى .

محترق خنکار دائره سنک [۳] بقیه انقاضی حالا لهیب نما ایدی .
نزدیمزه آلمش اولدیغمنز بکقوز مرکز ضابطه مأمورلری وساطتیه بر طلومبا کیتړلدى ، بکچینک یاتدینى تعریف اولونان محله ، اوجای تنهک آب زلال منبى تطبیق اولندی .

بوعملیات اشناسنده بن اورالرك صحایف تاریخی تخیل اییدیوردم . کیم بیلبر سلاطین سالفه ، نه دارات ایله اورالری جولان ایدرلردى .

سلطان عبدالعزیز زماننده استانبولی زیارت ایدن اوچنچى (نابوائون) ك زوجه سى ایمبراطوریچه (اوژهنى) په اوراده بویوک بر رسم کچید تماشا ابتدیرلمش ، پادشاه مشارالیه ده برابر یولونمش ، کندى کنديمه او دبده وحشمتی کورملى ایدی ، دیوردم .

اوزمردبن چن ساحه لرینک تحت خفایای لطافتنده هیچ بر وقعنهک اثرى مشهود دکل ایدی . مأمدرین ضابطه دن تحقیقات ابتدائیه اجرا ایتدم .

قصرى مزبورى ، شخص محترق یالکړ بر بکچی ایله بر ژاندارمه نفرى بکلر ایش .
بن — بکچی اورته ده یوق . ژاندارمه نفرى زه ده در ؟ دیدم ، بر برلرینه باقیدیلرو :
— ایشته بوراده ، ایشته بوراده ، دیهړک ژاندارمه یی کیتړدیلمر . حریقک فصل ظهوره کلدیکنى صوردم . کنديسنک دون آقشام بکچینک اذن و موافقتیه کوشکدن چیقوب استانبولده تعلقاتی نزدینه کیتدیکنى وصباحلین حین عودشده قصرى محترق بولدیغنى سوبله دى .

[۲] یاور ترفیق البسه رسمیه یی حائر اولماندن هرجهتدن تسهیل اموره مداردر .

[۳] یالکړ خنکار دائره سى محترق اولمش ، نه کانه مخصوص بش آلئى او طهلى کوشک موجود هوانیور ایدی .

ضابطہ مأمور لرینہ صوردم :

— بکچی یہ ہب بوژاندارمہ نفریمی رفاقت ایدردی ؟

— اوت افندم .

— بوژاندارمہ بی نہ ایچون بکچی بہ ترفیق ایتدیکنز ؟

— قصردہ حکومت قرالتیسی یوانسون دیہ .

بن — منحصرأ برآدمہ قصر محافظہ ایتدیریلور ایسہ ایشہ تہ یویلہ رفیقہ براقیر ،

کندیسی ایشہ باقار . ہی آقشام نوبتہ بردیکری کوندرا — ایش دہا مضبوط اولمازی ایدی ؟

— . . .

— ژاندارمہ ایلری کل ! بکچی نرمدہ ، کوشکی دقتسزلکھ یاقغہ سبیت ویردیکنندن

طولانی عجبا بریرہمی صاقلاندی و سنی اوآدم ایچیدیرمی ایدی ؟

— بیلیم افندم ! بن صباحین عودت ایتدم ، کوشکی یانمش بولدم و بکچی اورتہدم

یوقدی . بکچی بی سومردی . چونکہ : اوبکا اذن ویردیکی کبی کندیسی دہ علی الا کترہ

کوشکک محافظہ سنی بکا براقیر تعلقاتی نزدندہ قالردی .

ضابطہ مأمور لرینہ دیدم کہ :

— جانم افندم قہیدات پک اصولسز جریان ایدرمش . سز بزقصر پادشاهی جوارندہ

دور اجرا ایتزمی ایدیکنز ؟ بوخصوصہ بروظیقہ حرمت واردر ، اویچ ایفا اولنماش

قصرک بدایت احتراقندہ نرمدہ ایدیکنز ؟

— بزم قصرلرہ مداخلہ حتی تقریمزہ مساع یوقدر . بز دون کیجہ حریق وقوعہ

کلدیکنی وقصرک یانمقدہ اولدیغنی خبر آلارق محل حریقہ کلدک . اورتہدہ کیسہ یوق .

طلوبہ لر کلدی ، اطفای حریقہ ساعی اولدیلر . بزده سزک کبی بکمی بی و بوژاندارمہ بی

آرادق بولامادق . یانغینک قصرک قورتلما ی ممکن اولمایہ جق شکل آلدیغنی کوردک وقصرک

قورو بکجیلری دہ مؤخرأ کلدیلر ، اولردن اسباب حریق صورددق . معلوم آ ! قورو جیلر

جملہ متأهل کسہ لر ، اولردہ خانہ لرندہ ایمشلر . کوشکک احتراقی بزدن صوکرہ خبر آلمشلر

واولردہ سبب حریق بزدن استفسار ایدیورلر ایدی .

شہرلر ، اہمال ، لاقیدی . وظیفہ سزک ہر طرفدن واقع و نمایان ، بوتحقیقات غالباً بی

یوراجق دییوردم .

اوج درت ساعت موضع معروفی صولامشسر و برچامور خیرہ سی جائہ کتیرمشسر
ایدی . قورو بکجیلرینک کافہ سنک احضاری امرینی ویردکن صوکرہ موضع منطقی بی
حفرہ باشلاتدیردم . اثنای حفریاتدہ برمشاہدہ تحقیقاتمی تنویرہ باشلادی .

برقتیق مندرک پنجرہ اوکنہ کن قسم جزویسی ، بوقتیق مندرک ایاق اوجی طرفندہ
کرچہ برصاج منقال و بومغالک یانندہ دخی یاتہرق بر آزی قالمش بر یوران پارچہ سی
بولونیور ایدی . بوآثار نمایندہ قصرک حین احترافندہ آلجلی طوان و دیوارلرک انہدامیلہ
اورتیلہرک و ہوا الاماہرق یانمامشلردی .

فقط بکجینک عظامندن ورمادندن بر اثر یوقدی !..

— آمان چوجوقلر ! طوپراقلری اوقشار کی آچیکز آرادیفمز اویلہ بولونور .

دیدم .

اوطہنک قابوطرفنہ قریب برمحندہ : بعضاً اربہرک عظامی یانمش صاری وقارہ رنگدہ
بقیہ لحوم محترقہ و بعضاً تماماً آریمش لحوم آلتندن چقمش کمیلر ویانمش ، کوپودمش کی
اغشیہ بطنیہ ایلہ رجسم بشرک ، ینہ آلجی وکیرچ ریختہلری آلتندہ ہواسزلقدن ناشی
یانمقدن مصون قالمش اولدینی اکلشہ یلیوردی . اوزرندہ کی سترہ کل وآہک ناز کدار
وجسم لطیف امان اینجمنہ سون ! زمیندہ ایدی نزا کتلہ تطہیر اولونیوردی . نہایت
اندامیلہ بکجینک عظامی ظاہر اولدی .

کل کورکہ اللری ونصفنہ قدر . قوللری ناموجود !... بونک سببی دہ پنجرہ متعین !..
چونکہ اوفسم اورنیلہ ماش نما میلہ یانمش . لیکن نزدمدہ کی یاور بکی دخی ارشاد و اقناع
کوچ اولہ جقدی واویلہ اولدی . نہ ایسہ ! بز بولدیغمز شکلی ، مصرف بر راپور یازوب
حاضر ونہ امضا ایتدیردک .

— برقاپ کتیرک ، برغاز صندیغی مناسندر ، کیمکری اورایہ قویہ لم ، دیدم . تدارک
اولوندی . عظام براحتزان ، غاز صندیغنہ یراشدیرلدی . بیچارہ نک ، تابوت نصیبی بویامش !..
احکام تفرس عاجزی شوایدی کہ : بکچی ، یاندینی مندرک آیق اوجندہ براقدینی
منغالہ کیجہ یوران دوشہرک حریق ابقاع ایتمش ، بکچی اویقودن بیدار اولوب قاقچق
ایستہ دیکی زمان دومان ، انجق قابویہ یاقین برمحله قدر کلکہ وایلرویہ حرکتہ مجال براقماش
دوشمش اورادہ قالمش ویاندینی قدر یانمش . بناءً علہ بی ایشدہ سلطان حمیدی قوشقولا .

ندیراجق بر سوء قصد یوق .

نجه بو ، بر قناعت کافته اما با فلهلم پادشاه نه دییه جک ؟ و بویله اولدیغنه اوکاده قناعت کتیرته بیله جکمی یز ؟

وقت کجیکدی ، هنوز قوروجتار بولونامامشدی . ژاندارمه نفرینک ، (حبسنده دکل) بکقوز حکومت دائره‌سنده براوطه‌ده توقیفیله ییه جکنک آشچی دکانندن ارزوسنه کوره تدارکی ضمننده بر مقبلر اقیچه براقدم . وقور یجیلرک مطلقاً ایرتسی کونی احضار ایدلمه‌سنی دخی اخطار ایله تابوت احزانی مستصحباً بکقوزده کی ، سلطانیه اسکله‌سینه جلب ایتدیردیکم بر صندال ایله ، بوغاز ایچنک انشای غروبده کسب ایتدیکه طویولماز لطافنی تماشا ایده ایده و دکزک جریان کی زده بشکطاشه آقدق کلدک . قابوقی ، یاخود صندیغنی بشکطاش قره‌غولنه براقدم . سرای هایونه چیقهرق بر دقت بر راپور یازدم . رقیقم یاور بکده‌ده تختم ایتدیرهرک خاکپای شاهانه‌یه ، امر آلدیغ باش کتابت واسطه‌سیله تقدیم ایتدم ، (عظام کومولسون ، تحقیقاته دوام اولنسون !) فرمانی تبلیغ بیورلدی . بروجه امرعالی عظامی کومندوردک . تمام اون بش کون تحقیقاته دوام اولوندی . تحقیقات اولیه و مشاهدات سابقه‌مدن باشقه ، بر اثر بولامادم و بولومامزدی ده . چونکه یوقدی .

سلطان حمید ، یکی بر مشغولیت بولش اولمیدرکه : متوالیاً بر مألده معطی راپورلریمک هیچ برینه جواب چیقما یورایدی . بودخی بنم ایچون موجب انقطاع معروضات واستراحت اولاجق‌دی . وایله اولدی . قوروجیلر ذاتاً سربست استجواب اولونوردی ، کوز حبسنده بولونان ژاندارمه نفری ده مؤخرآ سربست استجواب اولونویوردی ، کوز حبسنده بولونان ژاندارمه نفری ده مؤخرآ سربست براقیلدی ، بومسئله‌ده قاپاندی .

بشکطاش محافظی حسن پاشایک اشتیادی

حسن پاشانک اشتیاری ، جت‌مکان سلطان عبدالعزیز خان زماننده در . مومی‌الیه چوروملی وایری یاری ، امی فقط جسور ، فعال بر آدم ایدی .

سلطان عبدالعزیز مطلق هر کون قبل الطعام [اخلامور] ، [بیلدیز] [چاملیجه] ده [والده باغی] ، [بکقوز] و [بکقوز] ده ذ کری سبقت ایدن (توقاد) ، (بکربیکی) ، (کوکسو) و (کاغدخانه) قصر لرندن برینه و یاخود ، (سلحدار اغا) (آياز اغا) ، (کوکسو) اوزرنده کائن (هکیم باشی) چیفتدکترینه کیدر اوکله طعاملرینی و بعضاً افشام طعاملرینی دخی اورالرده آکل و تناول ایدر ایدی .

دکزدن تشریف شاهانه وقوعه کلیرسه اول وقت طاہور آغاسی (بیکباشی) اولان حسن آغا قرمدن وقوعه کلن کیدیشلرده [۱] صبا رفتار بر آته را کبآ آرقه سنده یآوری مقامنده ینه امی ضبطیه چاوشی محمد چاوش [۲] بولوندینی حالدہ ، ابتدا بشکطاش سرانی سلطنت قاپوسی اوکنده سلطان عبدالعزیزی سلاملار ، صوکره ، پادشاهک کیده جکی محله قدر ، باشقه یوللاردن طولاشه رق ، بش آلتی یرده خنکارک اوکنه چیقار ، ینه سلامه طورور و کذرکاه شاهانه نی مناسبتر آدملردن تطہیر ایدر ایدی . حسن اغانک بو خالی جنتمکانک پک خوشنه کیدر مش .

بعضاً یول اوزرنده بر موقع طوتهرق سلطان عبدالعزیزه عرضحال تقدیم ایدنلر اولور ایدی .

بو عرضحاللر ، موکب هایونده ، بوینده صرمه ایشله مهلی برمشین سیاه چانطه اصیلی خدمت شاهانه افرادندن بری طرفندن طوپلانیر ، صوکره ایجابی مأمور اولانلر طرفندن اجرا قلنیر ایدی .

نه سبیه ، بنی ایسه ، حسن اغانک خوشنه کیمه من بو عرضحال تقدیمک منعی خصوصنده او قدر تقید کوسترکه مومی الیهک قورقوسندن کیمسه عرضحال ویره من اولور . سلاطین ، هر کسک کنیدیسنه عرض احتیاج و مراجعتندن تلذذ ایدرلر . بر آازماندن بری عرضحال ویرنلر اولمادیغنه دقت ایدنجه اسبابی مومی الیه حسن آغادن صوردریر . — سایه شاهانه لرنده هر کسک اموری کوریلور . زمینده جواب ویرر ایسه ده ، پادشاهک بو خصوصده کی آرزوسنی و کنیدیسنک ممانعت ایتدیکی محسوس اولور ایسه جانی صیقیلایغنی و بلکه اغبراره دوچار اوله حغنی نفرسله ، هر کیدیشده کنیدی ترتیب وننبیه ایتدیکی آدملرله عرضحال ویردیرلر اولدیغنی حسن پاشا مؤخرأ حکایه ایلردی .

[۱] سرای اصطلاحنده بریره تشریف شاهانه یه (کیدیش) دیرلر .

[۲] مومی الیه محمد چاوشده . مؤخرأ فریقله قدر ارتقا و حسن پاشایه رفاقت ایلشدیر .

بشکطاش محافظی حسن پاشادن شکایت

حسن آغا ، اوزمان دخی بشکطاشک آسایش و سکونی محافظه ، سرقت ، جرح و قتل مسئله‌لرنده ضرب اصولی تطبیق ایلدیکندن محل مذکورده اوپله شیلره اجتناسار اندر اولور ایدی .

خلع عبدالعزیز خاییده حسن پاشاده مملکتته نفی ایدلادی . جلوس عبدالحمید خاییده تکرار کتیریلرک ینه بشکطاش ضابطه‌سنه کالاول تعیین قلندی .

اسکی اشتهاری قالمامش وجودینه پک ده اهمیت ویرلیوو ایدی . علی سعاوی وقعه‌سنده چراغانه بتیشه‌رک مومی الهی برصوبا ضربه‌سیله قتل ایتدیکی مسموع اولغله یکیدن موقع اقباله کچدی .

ضرب فعل مکروهی یالکیز بشکطاش قره‌غوانده تطبیق اولونوردی . کندی ایشیله مشغول ارباب ناموسک مومی‌الهدن باکی یوق ایدی واولامازدی .

فالاقا ، دکنک !

قاتلار ، خرسزر ، پولتیقه‌جیلر ، یان کسیجیلر عدلی اولمابه‌رق حسن پاشانک دایاغندن هراسان ولرزان ایدیلر . برکون ، والدہ‌سنک مجوهراتی سرقتله ینه والدہ‌سنک اخبار وشکایتله طوتلمش ، اون سکرز یکریمی یاشلرنده چابی برکنجی استنطاق ایدر ایکن تصادف ایلدم .

مظنون ، سرقتی قطعاً انکار و بر معصومیت حالتی تقلید ایدیوردی . حاله نظرآ طوغریسی بن معصومیتنه قانع اولدم ، وکنجه آجیدم . چونکه ناموسنه طوقونیلورایدی . — پاشا بابا بوذات معصوم کورینور ، خاطر عاجزی ایچون ازطاج اولونماسه ؛ ديه شفاعت ایتدم .

— سن صوص یرنده اوطور . تکدیریه (فالاقا ، دکنک !) دیدی .
آمان یارب ! تماشاسی رقت و تفرتمی موجب اوحالی ، کورمه‌مک اوزره ایشمی‌نسویه

ایتمکسزین اورادن مجبور قرار ازلدم . کنجک عزو سرقتله ناموسنه تجاوز کافی دکل
ایمش کبی برده دایاق ! عظیم غدر ، دیهرک یوره که فنالق کلیوردی .
بر آز بشکطاش چارشولرینی طولاشدم ، ایشمی کورمک اوزره کمال نفرتله ینسه
قره غوله دوندم . بر آوازه وارمی یوقی دیسه طشره دن دیکلیوردم . سکون حکمفرما
اولمغله حسن پاشانک یانسه کیردم .

— نزا کتلی بکم نریمه قاچدیکنز ؟ سن اونک اوزون اوزادییه دایاق یمیه جکفی
کسیدیرمه دکمی ؟ برنجی دکنکده : (آمان پاشا بابا طور سویلیهیم ! دیدی . یانسه آدم
ترفیق ایتدم . مال مسروق صاقلادیغی بره کیتدیله (پنجره دن طیشاری باقهرق) ناه !
ایشته کلیورلر اشیا ، مأمورک آئنده .

— آئنده دکل ، دایاق تماشاسنه دکل اکتساب حزن ایدن چهرملره دخی باقغه
رقم مانعدر . اما سارق ایش . بویوله رحیم اولان قلمبرده حس رقت او یاندریر . بن ینه
قارشوده اودایه قاچیوردم . بنم یانمده کسب حجاب ایتسون ، دیهرک قالدقم . حسن پاشا :
— کیمه ، کل ، اوطور ؟ دیور ایدی . کیم دیکلر ! اوطه قاپوسندن چیقیدیغنز
زمان اونلره راست کلدیم . یوزینه باقیهرق قارشو اوطه یه کیردم . کنجک عدلیه یه
ویرلمیه رک سربست بر اقیلیدیغی ایشیدوب پاشا ایله ایشمی کوردم . کنجک کتیردیکی
مجوهرات محفظه لری اوطه ده مندرک اوزرنده طورییوردی . طبعاً مدنی و حساس اولانلرک
مذکور قره غوله عطف نظر نفرت ایتمه لری طبیعیدر . محرر فقیرده اوحسی طاشیردم .
دایاق ، نه قدر موفقیات تأمین ایتسه بنجه اصلا مقبول اولاماز . ییلدیزدن کوندریله جک
مأمور مخصوص واسطه سیله استجوابی اجرا قلمق اویره . بشکطاش قره غولنه مسافر
ایدلش مظنونلره ، حسن پاشانک سؤمعامله یه صلاحیتی یوق ایدی .

اوکیلرینه اطعام اولنور و یالکیز سربست بر اقبولرایسه عطیه یه نائل اولامازدی .
کرک قره غولده کیجه لری یاتیریلان و کرک کیجه لری خانه سینه کیتمه که مأذون ایدیلوب
یالکیز کوندوزلری قره غولده خوف ایچنده وقت کچیریرلر ایدی .
اورایه ویریلنلر ، پادشاهک اغبرارینی جلب ایشم بولونانلردی .

محمد و حسن پاشا لری آرەسەندە منافرت

اولجە چاوش ايكن فريقلەكە قدر ارنفا ايتديردىكى محمد پاشا حسن پاشانك محرمى ومطيعى ايكن نه سبيله ايسه ايام اخيره ده بينلرنده تضاد ومنافرت حصوليله مومى اليه محمد پاشا ، شيشلى ضابطه مأمورلغنه قالديرلدى . پاشانك يىكى خانەسەندن كلير ، هرگون مطلق رسومات محافظه مديرى برهان ودرديجى بشكطاش دائرۂ بلديه مديرى مصطفى افنديلرله بوطعامى اكل ايدر ، برهان افندي اوكله طعمانى بوراده بعدالتناول مأموريتنه كيدر ايدى . عشرت بك منفورى ايدى . اغزى قوقولى يانە كيدەن هر كيم اولور ايسه توقادى باصاردى .

چراغان سرايى وسلاطان مراد مرحوم

مرحوم سلطان مراد خان خامس حضرت ترينك بعدالحلع چراغان سراينه نقل واسكان اولوندقلىرى مقدما ذكر ايدلمش ايدى .

خاقان مشاراليه چراغان سراينده نه صورتله خدمت و كنديلرينك نه صورتله محافظه ايدلديكنى بيلمك لازم اولدينى جهتله اونى تفصيلدن اول (چراغان) سراينك مجمل بر تاريخچه سنى اوكرنمك دىخى فائده دن خالى دكلدر .

(چراغان) ك ذيل حديقە ييلديزده واقع اولماسنه نظراً ييلديز موقعنك ده بو سراي مشتملاتندن اولماسى لازم كلير سه ده ، سلطان احمد ثالث زماننده اشتهار ايدن بو محله كى طنطنه لى اكلنجەلرى ضبط وقيد ايدن توارينجده محرر عاجز ييلديز موقعنه دائر بر بحثه مصادف اولامادم .

سلطان احمد ثالث دامادى ابراهيم پاشانك ملكى اولان (چراغان) سراينك اوزمان شمديكى اتاعنده بولونمادىنى و چونكه سلطان مجيد زماننده ، او جوارده كى بمض ياليلر سرايه الحاق ايدلديكى [۱] جهتله درجۂ وسعتى حال حاضر نده كى قدر اولمادىنى آكلاشيلير .

[۱] جـمـمـه سـا كـن اولدينى يالينك ده اشترا و محل المذكوره الحاق ايدلدينى حاكمك جلاء منقولاتندن ايدى .

سلطان احمد ثالثه ، دامادی مومی الیه ابراهیم پاشا طرفندن بوراده ویردیکی ضیافتلرده
 کیجهلری قانوسلر وباغچهده لاله لر آراسینه صالیوریلن قاپلومبغهلرک ظروفی اوزرنده
 شمعهلر ایقادی کی اجرا قلنان دوناملر سبیلده اوراسی (چراغان) نامیله اشتہار ایلشدر.
 سلطان محمود ثانی دورینه قدر ، تحت نشین اولان سلاطینک زمانلرنده دخی بوجله دائر
 بعضاً بورایه رغبتی الیاس افندی مرحومک (اندرون) تارینخنده کوریلور .
 سلطان مجید خانک دخی (چراغان) رغبت کوستردیکی اوجوارده برطرز دانشینده
 انشا ایتدیردیکی کارکیر جامعدن اکلاشلمقده در .
 سلطان عبدالعزیز خانک اسکی مہانی کاملاً یقیدیردینی وشمیدیکی دائرہلری انشا
 ایتدیردیکی ہنگاہ محرر عاجزده یتشدم .

قصر بلورین

سلطان عزیز ، بوسرایک آرقہ طرفنده (ییلدیز) حدیقہ سنک جادہیہ ناظر سدی
 اوزرنده بلور لوحہلر تعلیق اولونہرق اوچ قاتلی جسم برجام سرای دخی انشا ایتدیرمش
 ایدی . بو دائرہنک درونی سوقاقدن کاملاً کوریلور ایدی . ایچی غیر مفروش اولان
 بوقصر زجاجی مکلف نہ سببہ مبنی ایسہ برکون ہدم ایتدیرلدی وپک آز پایدار اولدی .
 سلطان عبدالعزیز خان ، یاز موسملرنده کاملاً بشکطاش سراینده کی متعلقاتیله بورایه
 نقل ایدر ایدی .

سلطان مرادک اختلاطدن ممنوعی

سلطان مراد خان متعلقاتیله شمدیکی محترق دائرہده اقامہ ایدیلوب شہزادہ وسلاطینی
 بودائرہ پیکاکہندہ کی جہمی دار دائرہده اسکان ایدلشلر ایدی . بدایت اقامہلرنده پک
 اوقدر صبقی برحافظہ آتند . طوتلازلردی . فقط علی سعاوینک بعض کسان ایله دکر
 طرفندن داخل حرمسرای اولوب پادشاہ مشارالہی خارجه چیقارمق تشبی اوزرینہ [۲]
 محافظہ تقیداتی پک زیادہ تزیید وسلطان حمیدک وسوسہ واوامی آرتدقجه بو تقیداتده

[۲] بوبحث اولجہ تفصیل ایدلش ایدی .

تشدید ایدیلرک بدبخت خاقان مخلوع اعظمی بر تضییقه و قطعی برانزوایه محکوم و مجبور ایداشدی .

سلطان مراد بوصیقی محافظه آلتنده ، پک آجی بر عمر سورمکده ایدی . دائره خلقنک موجودینه کوره ، چراغان مطبخنده طبخ اولونان اطعمه طبخکارلر و ساطیله [۳] صباح و آقشام محافظلرک قید نظارتنده ایجری ویریلور . آلتیردی . سلطان مرادک منسوبیتندن بولونان زنجی حرم آغلاری دخی خارجه حقیقه‌ماز و کیسه ایله اختلاط ایدمزلر ایدی .

مشارالیه و منسوبیتنه باقق ایچون تعیین قلمش اولان طبیب ، کرچه خانه‌سنده یاتیر و قالقارسه‌ده ، خانه‌سی خلقندن باشقه هیچ بر فرد ایله اختلاط ایدمزلر ، ذاتاً کیسه‌ده نفی ایدلمک قورقوسندن اونکله اختلاطه یا قلاشماز ایدی . قابله و ساثره کبی ، او دائره‌یه تخصیص قلنان کسانک جمله‌سی‌ده بویله خلق ایچون اختلاطندن قورقولان کیسه‌لر ایدی . سرایک هراحتیاجاتی ، محبوسین میاننده کی کاتب قلفه‌لر طرفندن ثبت دفتر ایدیلوب سلطان عبدالحمید خانه بعدالعرض ، جمله‌سی اشترا و اعطا قلتور ایدی .

طبیب ، آبه پادشاه مشارالیهک انجال و احفادی ایچون تعیین قلمش اولان خواجه‌لر دخی طولغون معاش آلرلر ایدی .

ایجابنده خسته‌لغه کوره متخصصین خذاق اطباده ایجری سوق ایدیلور ایدی . بورادن برجاریه حقیقه‌لی [۴] اولور ایسه استانبولده او طور دیرلما یوب بروسه کبی جوار محللرده قوجه‌یه ویریلر و یا اقامه ایدیلر ایدی . حاصلی سرای خلقی تماماً اختلاطدن ممنوع و او خلق ایله مجبوراً اختلاط ایدنردن ایسه طیشاریده هرکس محنتب ایدی .

ولی عهد نصل تعقیب ایدیلریدی ؟

سلطان محمد رشاد خان خامس ولی عهد ایکن هر صباح ، بشکطاش سراینده کی دائره‌سندن آراهه سوار اوله‌رق چیقار ، زنجیری قویوده کاش اولوب کندیسنه تخصیص ایدلمش بولونان قصره عزیمت ایدرلر ، آقشامه قدر اوراده آرام و اقامتدن سوکره عودت ایدرلر ایدی .

[۳] بوسرای خدامنک تخصیصاتی ایکی مثلی ایدی . جمله‌سی مکمل آدم‌لر ایدی .

[۴] برجاریه چراق ایدیلوب چیقارلدیمی سرای اصطلاحجه اوکا (چبقمالی) دیرلر . بوسرا بده کی

جوار دی دخی چراقلغنی ایسته‌دیمی ، سلطان عبدالحمید بعدالعرض همان چیقاریلریدی .

سرایدن چیقار چیقماز شویله آلا رغه ده حیوانیله بکله یین و بشکطاش محافظی حسن پاشا طرفندن تعیین قلنمش اولان ترصد مأموری ده بار کیرینه را کبآینه اوزاقدن افندی حضر تلینک آرابه سنی تعقیب ایدر . کوشکه موصلته آتی بریره براقه رق کوشکک اطرافنده اجرای ترصدا ت ایلر وعودته دخی ولی عهدی بالتعقیب بشکطاشده کی سرایه ایصال ایله ساعت قاچده بشکطاشدن حرکت و زنجیرلی قویویه موصلت و آقشام دخی قاچده اورادن مفارقت و بشکطاشه موصلت ایدلدیکنی یازوب و یاخود یازدیروب پاشایه ، اوده همان ذات شاهانه یه تقدیم ایدردی .

افندی حضر تلی زنجیرلی به کیدر ایکن کوشکه جوار سواری عسکر قره غولنک مطلق اوکندن کچمکه مجبور بولوندیفندن مشارایه افندینک ساعت موصلت و مفارقتی اورادن دخی ضبط و قید ایله آقشام سلطان حمیده عرض اولونور و حسن پاشانک عرضی بورادن مراقبه ایدیلوردی .

بوسرایه ده خارچدن کیمسه داخل اولاماز ، یالکیزسرای خلقی زنجیرلی قویو کوشکینه کیدر و تنزه ایدر ، فقط خارجه اختلاط ایده مزردی .
ولی عهد کندی زنجیرلی قصرندن باشقه قصرلره کیتمکه و بک اوغلی و بوغاز ایچی تنزه لرینه کیتمکه ده غیر مأذون ایدی .

دیگر شهزادگان حقنده کی تقیدات

ولی عهدک شهزاده لری پدرلری درجه سنده تقیده تابع اولمایوب بک اوغلنه و کاغذخانه تنزه لرینه کیده بیلیرلر ایدی .

دیگر بویوک شهزادگان بودرجه ده تضییقه تابع طو توما مقبله برابر جمله سنک سرایلرنده ترصد مأمورلری بولوندیریلور ایدی . اونلرده ، ایسته دکلری محله کشت و کنار ایده - بیلیرلر سده کیمسه ایله اختلاط ایتمزلر ایدی .

سلطان عبدالحمید خانک نزدنده بولونان کندی شهزاده لری ، پدرلرندن استیدان ایله مک شرطیله ایسته دکلری محله کیدرلر وعودت لرنده بکلری ، یعنی لاله لری طرفندن کیتدکلری محل برواسطه ایله ذات ضاهانه یه بیلدیریلور ایدی .

بوشهزاده لر و خارچدن کلن بعض کوچوک شهزادگان ، ییلدیزده کشاد ایدلمش اولان

خصوصی مکتبہ متعدد خواجہلر واسطہ لریلہ تعالیم و تدریس ایدیلورلر ایدی .
شہزادگان حرم حدیقہ سنک کوچوک قولتوق قاپولرندن خارجه کیروب جیقارلر و او
قاپولرندن آرابہلرینہ راکب اولور ایدی . جملہ سنک یکدیگریہ حرمت و رعایتلری افراط
درجہ دہ در .

تلخیص احوال عبدالحمید خان ثانی

واختنام سلطنت و خامتہ مقالات

طنطنہ اوان سلطنتی مصدر انواع قیل و قال ، گذراش حیاتی داخلی و خارجی ، بعضاً
درلو درلو روایات ایلہ تصویر و تصور ایداش اولان سلطان عبدالحمید خان ثانیک احوالی ،
احاطہ قاصرہ مزہ کورہ ، انفاً ثبت صحایف ایلدی کمز و جملہ اولوب شویله تلخیص ایدیلور :
محامدی واصل صماخ تقدیریمز اولان ارباب همتک غیرت لریلہ جالس اورنک سلطنت اولدینی
وقت ، بوسنہ ، ہر سگ ، بولغارستان صربیہ و قرہ ظاغ غائلہلری موجود و ذاتاً بوغائلہلری
احداث ایتیش اولان روسیہ لیلرک دخی اعلان حربی واقع اولمش ایدی . ۷ نیسان ۲۹۴
تاریخندن ، ایستقانونس معاہدہ سیلہ عقد ایدیلن صلحہ قدر یعنی ۱۹ شباط ۱۲۹۵ تاریخنہ
قدر ازن ای کسور ایام دوام ایتیش اولان بو حربدہ عوائل تعظم ایش ایدی . بو حرب ،
وقت شتایہ تصادف ایلہ مش و اوسنہ قیش دہ شدتہ حکمنی اجرا ایتیش اولدیغندن عسکرہ
باقق و بارندیر مق مسئلہلری نہ قدر صعوبتہ واقع اولویور ایسہ روم ایلدن آقین آقین
ہجرت و پای تحت سلطنتہ دخالت ایلہ ین مهاجرین کثیرہ نک بوللردہ ، آچلقدن و صوغو قدن
برچوغی تلف اولمش و اچلقدن تخلیض جان ایدہ یلوربدہ مقر سلطنتہ کلدکن صوکرہ دخی بالجلہ
جوامع و مساجد و مکتبلرہ یراشدیرلدیکی حالہ اور الردہ استیغاب ایدہ میوب برر وایکیشر
خانہ ، استانبول اولرینہ و بوغاز ایچی سواحلندہ کی یالیرہ توزیع و اقامہ ایدیلہرک بو مساکنک
آخورلرندہ ورطوبتلی محزنلرندہ ، خستہ لقدن و آچلقدن معروض تلفات قالدقلرندن
ہر کون درون در سعادتہ معاذاللہ ! طاعون عظیمہ کورولدیکی اوزرہ طاقم طاقم جنازملرک
ایم و قورقنج منظرملری کورلش ایدی .

حرب نہایت بولمش فقط غائلہ مؤسفہ حالا دوام ایدیوردی . ملت و دیواتہ بوغائلہ ،
حربندن زیادہ مشکل و مؤثر بولونیور ایدی .

سلطان حمید دورینک غائله لری

سلطان عبدالحمید بوغائله جیمه بی اقتخام ایستدکدن صو کره فقیدان نقوددن طولایی میدان تداوله وضع ایدلمش ، قارشولقسنر بش میلیون لیرالق قواثم نقدیهنک اطفاسنه غیرتکش اوله رق تأمین موفقیت دخی ابله دی .

اوتارینخده فیائی قرق پاره دن بش غروشه چیقمش اولان زیتون دانه سی ایچون خلاق مقام شکایتده . (سلطان عبدالحمیدک قاوورمه سی) دیرلر ایدی .

غیرتکش سلطنتی ایکن بررسبیله پادشاه طرفندن دوچاراستقال اولان وکلادون آیرلدقدن ویا آیرتلدقدن صو کره صفوت پاشا ، خیرالدین پاشا و عارفی پاشا کبی دکرلی وارباب ناموسدن ذرات موقع صدره کتیرلدکلرنده ، صره بکلنه وکوشه قابمچی کوزله بن نودمیده عنایتی ، حیر خواهلر امیدیله ایلری چکدی . وچکدیکننه ده پشیمان اولدی اما ایش ایشدن چکدی . حرب وقائمه غائله لری برطرف اولدقدن صو کره پادشاه ، تنظیم احوال داخلیه به تسمیر ساعد اهتم ایدرک ۱۲۹۶ تاریخنده عدلیه پولیس تشکیلاتی وضبطیهنک ژاندارمه مسلکته تحویلنی وجوده کتیردی . ۱۲۹۷ ده موزه تأسیس قلندی و بوکی تأسیسات و تشکیلات ایله اوغراشیلور ایکن (صهر) حادثه سی ، چاشنی حضوری ، مرارتلره تحویل ایلدی . [۱۲۹۹] بومرارتدن صو کره تشکیلاته دوام اولونیور ، نفوس اداره لری (۱۳۰۰) و تجارت اوطه لری ککشاد اولونیور ایدی . (۱۳۰۱)

روم ایلی شرقی مسئله سی

بوئشاده ینه برغائله - که (روم ایلی شرقی) مسئله سیدر - محسوس اولوب ، بلغارستانک حرکاتنه قارشو احتیاطاً روم ایلی شرقیه ده کافی قوت بولوندیرمق جمله افکاردن ایکن ، نودمیده سیاست تحشیدات واقعه بی (برلین) معاهده سنه مخالف کوروب ، بولغارلرک ده اخلال احکامه جسارت ایدهمیه جکارینی ملاحظه وادعاده ایکن بر کون بولغارلر بگتة روم ایلی شرقیه عسکر دوکرک اوراسنی اشغال واستیلا ایلدیلر .

بولغارلرک (برلین) معاهده سنه مغایر بوحرکتدن طولایی ، دول اجنبیه زدننده واقعا

واویلايه میدان ویرلدی و بولغارلر معاهده‌نک هتک احکامنه مصری مثال کوس-تره‌رک ،
یالکیز بولغارستان برنسک تحت ولایت‌نده محل مذکورک بر ولایت ممتازه صورتبله و جانب
دولتعلیه‌دن بر قومیسر تعیینی شرطبله اوراسنک دولتعلیه‌یه بر رابطه معنویه‌سی قالدی .

بورابطه معنویه اولسون تأمین ایدلمک اوزره والی جدیده مشیرلک پایه‌سی ویاورا کرملک
عنوانی ویریلوب مشیرلک ویاورا کرملک فرمانک قرائت واعطاسی ضمننده پرنس درسعاده
دعوت و جلب اولونوب سنیحه سلطانک قوری چشمه‌ده تهی بولونان سراینه مسافرایدلدی .
سرای مذکوره مراسم مخصوصه ایله ارسال قلنان فرمان برکون قبل‌الظهر قرائت
و فرمان عالی ، والی جدیده تودیع اولوندی . بومراسم بعدالایفا ، پرنس متبوع جدیدینه
برای تشکر شاهانه بر موکبله ییلدیزه کیدوب شرف مثولی احراز ایله مش وکیجه‌لی ،
کوندوزلی ضیافتلرله اعزاز اولومشدر .

بوصورتله بیکلرجه تورکک قانی بهاسنه آلمش اولان یرلر ، ا کرام و عنایتله بولغارلره
تملیک ایدلمشدی . نافض احکام عهد اولان بوایکی مسئله مهمه‌یی نظر دقتله کفقیب و تدقیق
ایتملیدر !...

بومسئله آره‌سنده (تجارت اوطه‌لری) (اخذ عسکر) اصولی (زراعت بانک‌لری) ،
(اورمان اداره‌سی) تأسیس (۱۳۰۳ الی ۱۳۰۷) استانبول و غلطه ریختملری و داله‌جزه
انشا اولندی . (۳۱۲ - ۱۳۱۳)

یونان حربی

اشبو تشکیلات تجدیدکارانه‌یی‌ده (یونان حربی) غائله‌سی تعقیب ایتدی (۱۳۱۳)
بونک تفصیلنی اجنبی و بزم مورخلریز پک بهین یازمش-لردر . بو جهتله تفصیلی کتب
مذکوره‌ده کوریلیر .

شو قدرکه خلاصه ایدلم که جمع ، تحشیدات و سوقیات عسکریه ، وقوعات و حرکات
حربییه ، ممالک مسئولیه‌ده ، هسا کر عثمانیه‌نک ، اوزمانه قدر ، هیچ بر قوتک یابامادقلری
معاملات مدنییه ، دوست و دشمنک تحسین و پسندینی استلزام ایلدی .
بو حربی نه (منم دیگر نیست) دیین صدر اعظم‌لر ونه ده بهره ورفنون عسکریه
سر عسکرلری ونه ده فحول و کلا اداره ایتدی .

اول زمان صدر اعظم ؛ خلیل رفعت پاشا ، سرعسکر ایسه قیمت عسکر به سیلہ اشتہار
ایتمہ مش اولان رضا پاشا ایدی . اردو قوماندانی غازی ادھم پاشا ایسه الہ ایچون تمکین ایلہ
ودرایتلہ وظیفہ سنی اجرا ایتدی . (مولی غریب رحمت ایلسون)
معاملات سائرہ عسکر یہی بالذات پادشاہ تمشیت ورؤیت ایلہ دی .

(لطیفہ) و بر فقرہ

سلطان محمود خان ثانی ، بعض وکلا وقرناسیلہ ، جد امجدی اسلطان بایزید خان ثانیکنک
صرقدینی زیارتہ کیتمش واورادہ جدی حقندہ :

— زمانک وگلای اونی (ولی) منزلسنہ اسعاد واولقبہ معنون ایلسلر . وکلا و مقربان
زمانہ دی دلی ایتدیلر ؛ دیمش !

بو حریبدہ پادشاہ کیجہ لری ایکی اوچ ساعتدن زبادہ او یوماز . شیفہ مأمورلری و سائر
علاقہ داران خدامی دہ او یوماز ایدی .

کریمہ سی مرحومہ خدیجہ سلطان روحی ایچون (حمیدیہ اطفال) خستہ خانہ سی کبی
کزن بر اثری ؛ بو حریبدن صو کرہ وجودہ کتیردی . حجاز تاغراف خطی اتمام اولوندی .
(۱۳۱۸) وینہ اوسنہ حجاز تموریولنہ باشلانلدی .

ایکی سنہ صو کرہ کاغد خانہ دی او آب لذیذ اجرا ایدیلوب طرف طرف چشمہ لردہ
یابدی . وقایع سائرہ گذشتہ صحیفہ لہ کچرلدیکندن معلومدر .

سلطان عبدالحمید (۲۵) سنہ دوریہ سنہ قدر یعنی ۱۳۱۸ تاریخنہ قدر وسوسہ و نوهانہ
او قدر اسیر اولما مشدی . اوسالی دہ مظنطن و ملتفت کچریدی . بوسنہ دوریہ مناسبتیلہ خارجدن ،
داخلدن تبریکلر و پک آغز ہدیہ لر گلش ایدی . طوغری بی سویلہ مک لازم کلیرسہ سلطاحمید ،
اصل وسوسہ بی ہوندن صکرہ آرتیردی .

اعلان مشروطیت حرکاتی

۳۳۴ سنہ سندہ ، اوچنچی اردو ضابطانی معاشلرینک پوزدہ نسبتندہ کیزلیجہ بر آفچہ
ترک ایلہ بونی آوستریا بانقہ لرنده ارباح ایلہ دکاری و خلع پادشاہی ایچون قرارلر اتخاذ قلندینی

حقننده طوغری و یاخود یالان سرایه موخش خبرلر وارد اولویوردی . هنوز مشروطیت موضوع بحث دکل ایدی .

والیلره؛ اردو قوماندانلرینه امرلر و تنبیهلر و مفتش حسین حامی پاشایه اودملرده صدارت نامزدی اولدینی ایچون دهها محرمانه سپارشلر و شیفرملر و یریلیوردی [۱] پادشاهک و سوسه سندن استفاده ایتمه‌نک یولنی بیلملرده اطرافدن توهیماتی آرتریورلردی .
والیلر قوماندانلر و سائره واقف حال ایسه‌ده کیمسه مشروطیتی قالد آلامایوردی .
پادشاهک‌ده بوصورت حقیقه^۱ خاطرندن کچمه‌یوردی .

روم ایلی‌یه کوندربان پاشالر

محلنده تحقیقات اجرا ایتک اوزره اسماعیل ماهر و یوسف پاشالر کی وجودلرندن پک‌ده خدمت مأمول اولمایان کیمسه‌لری؛ یانلرینه خنکار چاوشاری ترفیق‌له؛ سلانیکه کوندردی .
بونلر اوراده رتبه نزاعنه ترفیع طمعنه دوشدیلر .

علاقه‌دار اولان بعض کسان دخی آل آلمندن سلانیکه تحقیقانه کوندربانلر ایدی . سلطان حمید بوایشه چوق اهمیت و یرییور . کندیسسی بالذات دیدینبور؛ اوغراشیور ایدی .
بعض طرفلردن اردوده‌کی غایانک [مشروطیت] طای ایچون اولدینی اسماع ایدیسه‌ده بوکاپک‌ده قناعت ایتمه‌یوردی . چونکه کندیسنه طوقونلماق شرطیه هر تکلیفه رضا کوستره‌جکی صوکره‌دن اکلاشیلدی .

وحتی اردولرده‌کی غایانه دائر هر ایشی کندیسسی تعقیب ایدوب طورورکن بالآخره صدراسبق سعید پاشایه دور ایتدی .

سلانیکدن کلن اوراقی و اشخاصی سعید پاشانک خانه‌سنه کوندربییوردی .
سلانیکه اعزام ایتدیکی اسماعیل ماهر و یوسف پاشالری ده‌عودت ایتدیردی .

[۱] فرید پاشا ، موقع صدره کچیرلمک اوزره قونیه‌دن کنترلدیکی صرده حسین حامی پاشا دیگر برواسطه ابله سلانیکدن یلب اولوندی . مشارالیه صدراعظمی دهها زیاده مأمول ایکن فرید پاشایی التزام ایدنلر موفق اولدیلر .

ییلدیزده بر مجلس مذاکره

مطالبك صیقلآشماهی اوزرینه ، هیئت وکلای ییلدیزده جمع ایتدی .
 — باشالرنه فیکرده بولونیور ، بالماذا کره بکا اعلام حال ایلسونلر ؛ دیدی .
 حکمدار موسوس ووهام عجبا وکلای تجربه می ایدیوردی ؛ بواندیشه ایله کیمک
 مشروطیت اعلان ایدلسون ؛ دیمکه جرأنی وار ایدی .
 موافق ایسه بنده موافقم ؛ دیرکن ۱۰ تموزده سالنیکده اعلان حریت و مشروطیت
 ایداش بولوندیغنی اعلام ایله دی . اوکون مطبوعاته ویریلن درت سطرلق اعلان بالطبع برکون
 صوکره یعنی ۱۱ تموز تاریخنده [تبلیغات رسمیه] عنوانیله صحایف مطبوعاته کچدی .
 اوکونک آفشامی فوج فوج اهالی ییلدیزه کلیور کندیسفی حرمدن بویوک مایینه
 حیقاریورلردی .

بوندن صوکره سی هرکسک معلومی بولمغله بزم ایراد مقالات ایتمه مزه لزوم یوقدر .
 مجلس مبعوثانی لاجل الکشاد [آیاصوفیه] یه آزابه سنه چیچکلر آتماسندن و [یاشا !]
 ندرلیله آتقیشلانماسندن محفوظ قالدینی مرویدر .
 خامی کیفیتی مصمیمیدر ؛ دکلیدر ؛ بونی بزه تاریخ سوبله به جکندن بنم کبی قاصر فیکر
 وعاجز قلملر ، تدقیق و محاکمه به مقتدر دکلدر .

ختم

سرای خاطرہ لری

فہرستی

صفحہ	صفحہ
۴ - بیلدیز موقعی، تاربخچہ سی وجلس عبدالحید ثانی.	۳۴ - خیرات و مہرانی .
۷ - عبدالحید خانک حین جلوسندہ بعض وقوعات	۳۵ - شمائل پادشاهی و طرز قلبی .
۱۰ - حرم مہایون حدیقہ سی و دائرہ لری.	۳۶ - اجاب نرندہ کی موقعی .
۱۲ - صورت اغتسال .	۴۱ - اسباب نجس و تحذر
۱۳ - کوندوز اشتغالاتی .	۴۱ - نجس سرائی نہ زمان ابتدا ایش
۱۴ - حضور شاہانہ بہ مشول صورتی	۴۳ - علی سعاری بک وقہ سی
۱۴ - پادشاہک غز نہ مراقی .	۴۳ - سلطان حمیدہ ابلیک سوء قصد
۱۵ - طعام اعتباداتی .	۴۴ - پادشاهی اولدورمک ایستہ بن برروم
۱۵ - امور سیاسیہ نہ اطواری .	۴۶ - مجہول برشاہقہ لینک بیلدیزہ مجوی
۱۷ - خوابکاہ پادشاهی و اصول نوم .	۴۶ - بیلدیز سرانہ کبرہ بیلکہ ایچون
۱۸ - رومان مراقی .	۴۷ - سراہدہ کی طاغستان آلابنک داغبدلہ سی
۱۸ - اوپرا مراقی .	۴۸ - مصاحب زنجی ندیم وقہ سی
۱۹ - حیوانات مراقی .	۴۸ - (اورسینی) سیستمنندہ بومبا مسئلہ سی
۲۰ - خاقانک کتبخانہ سی .	۵۳ - (اورسینی) اصولی بومبا نہ ایش ؟
۲۰ - بیلدیزہ کی فابریقہ لری .	۵۴ - پادشاہ اخبارانہ نہ دن اہمیت و بردی ؟
۲۱ - بیلدیزہ کی سراہلر و مفروشانی .	۵۴ - سعید پاشا و سلطان حمید
۲۲ - خاقانک موزہ سی .	۵۵ - مدحت پاشانک تقریری و سعید پاشا
۲۲ - بیلدیز سرانک زنکینلکی .	۵۶ - سعید پاشانک برحکایہ سی
۲۲ - اکرام پادشاهی .	۵۶ - سراہلک عقل خواجہ سی
۲۳ - اکرام پادشاہیدن ماہ صیام .	۵۷ - سعید پاشانک حافظہ سی
۲۵ - باہرام آلابلری و تبریکات .	۵۸ - خلعہ آلت اولقی اوزرہ طلبہ علومہ ہارہ طاغیتلورہ مشر
۲۸ - لطف و کرم پادشاہیدن قربان عطایاسی .	۵۸ - رضا یوسف پاشا
۲۹ - مولود آلابی مراسمی و شکر توزیمی .	۵۹ - (ابو الہدا) افندی
۲۹ - سال جدید عطایاسی .	۶۰ - کامل پاشا علیہندہ برترتیب
۳۰ - سورہ آلابی وجلس و ولادت شلکوری .	۶۱ - طالبہ علومک استجوابی
۳۲ - خرقہ سعادت زیارتی .	۶۲ - استنطاقک نتیجہ سی نہ اولدی
۳۳ - خاقانک افکار دبندارانہ سی .	۶۳ - حقیقت آکلاشیلور ؟
	۶۴ - کامل پاشانک سرای مخبری

صحنه

۶۵ - تره دارك اعترافى

۶۶ - كامل پاشانك عزله رفق قالمش

۶۶ - خفيه تشبثات وتشكىلاتى نه ايدى ؟ صكره لرى
نه لره نحول ايتدى ؟

۶۸ - ژورناللرى ويرنلر وتوسط ايدنلر

۶۹ - بادشاهك آرايه سنه برنوزاد آتلاسى

۷۰ - سلطان حميدك سوغرى قانلىغى

۷۱ - حرم هاپونده حريق قصدى

۷۲ - عرب و آرنوود طابورلرى مصادمه سى

۷۳ - سرابده كى تلاش وانديشه

۷۵ - مجادلنك اسبانى نه ايمش ؟

۷۶ - ارمنى مسئله سى و بومبار

۷۶ - ارمنيلرك عثمانلى بانغه سنه هجومى

۷۸ - ارمنى اختلالى ائناسنده

۷۹ - باب حالى به آتيلان بومبار

۸۰ - ييلديز انفلاق عظيمى

۸۱ - انفلاقدن صوكره

۸۲ - محل وقعه نك منظره فجيجه سى

۸۳ - آوروپايه فرارلر تهديد نامه لر ومطالعه لر

۸۴ - ساخته آوروپايه فرار تشبثلرى

۸۴ - عظمى اصحاب احتراضك طلبلرى

صحنه

۸۶ - بغداد خطنى ايسته بن برى

۸۶ - براسناد غريب

۸۹ - آفريقاده تسلطان

۹۲ - سلطان حميد هانكى ژورناللارى بكنپردى

۹۲ - توقاد قصرينك احتراقى

۹۶ - بشكطاش محافظى حسن پاشانك اشتهارى

۹۸ - فالاقا دكنك

۹۸ - محمد وحسن پاشالار آره سنده منافرت

۱۰۰ - چراغان سرايى وسلطان مراد مرحوم

۱۰۱ - قصر بلورين

۱۰۱ - سلطان مرادك اختلاطدن ممنوعيتى

۱۰۲ - ولى عهد نصل تعقيب ايديليردى .

۱۰۳ - ديكر شهزادگان حقنده كى تعقيبات

۱۰۴ - تلخيص احوال عبدالحميد دورينك غايه لرى

۱۰۵ - روم ايلي شرقى مسئله سى

۱۰۶ - يونان حربى

۱۰۷ - لطيفه و وفقره

۱۰۷ - اعلان مشروطيت حرکاتى


۱۰۸ - روم ايلي به كوندريان پاشالار

۱۰۹ - ييلديزده برجاس مذاكره









3 1761 07145897 0

DR
571
.5
S33